

consuetudine Ecclesiae Papiensis, ut si de propinquitate illorum, qui sunt matrimonio copulandi, mentio aliqua fiat, presbyteri per ecclesias publice dicant, ut qui novit aliquid, infra terminum qui præfigitur, exeat et dicat. » Augustini Tarr. Opp. IV. 267, Mansi XXI. 1002. — « Ad hæc quoniam. »

CDXCIII. (Lanfranco) electo Papiensi scribit de matrimonio Em. de Siderio et filii R. Canis. Augustini Tarr. Opp. IV. 105, cf. n. ff., Decr. Greg. L. II. t. 21. c. 1. — « Causam matrimonii. »

CDXCIV. Episcopo Papiensi respondet de puella, « de cuius matrimonio inter Siderios et Canes, cives ejus, quæstio fuerit ventilata. » Augustini Tarr. Opp. IV. 230, Decr. Greg. L. IV. t. 1. c. 14. — « Cum locum non. »

CDXCV. Duci Venetiæ concedit, « ut si clericus de terra ejus jurisdictionis super pecuniaria causa contra laicum ad suam audiencem appellaverit, » causa « non nisi personis, quæ de terra ejus jurisdictionis sint, secundum legem et consuetudinem Veneticorum judicanda, committatur; ita quod indulgentia nostra » inquit « non debeat nisi nostro tempore durare. » Mansi XXII. 407. — « Cum esse mus Venetiæ. »

ANNO 1179-1181.

MCLXXXI.

CDXCVI. Archiepiscopo Vituriensi (Bituricensi) respondet, se L(udovicum) Francorum regem admouisse, ne a Judæis « Christiana mancipia detineri, synagogasque de novo construi » pateretur. « Verum si » inquit « antiquæ synagogæ corruerint, vel ruinas minantur, ut reedificentur potes æquanimiter tolerare, non autem, ut eas exalent, aut ampliores aut pretiosiores faciant, quam ante fuisse noscuntur; quod utique pro magno debent habere, quod in suis observantius et veteribus synagogis tolerantur. » Baluzii Misc. III. 379, Bouquet Rec. XV. 968, Mansi XXI. 1106, XXII. 441, Boehmeri Corp. III. app. 307, Augustini Tarr. Opp. IV. 379. 412, Decr. Greg. L. II. t. 28. c. 29, L. V. t. 6. c. 7. — « Consuluit nos tua. »

CDXCVII. Ad R(icardii), archiepiscopi Cantuariensis, quæstiones quasdam respondet. Mansi XXII.

A 336, Boehmeri Corp. II. app. 298, 300, Augustini Tarr. Opp. IV. 148, Decr. Greg. L. III. t. 4. c. 4, t. 38. c. 5, 10. — « Relatum est nobis » — « De cætero prudentia » — « Cum laici, episcopis » — « Quod autem consulis. »

CDXCVIII. Electo et capitulo Cassan. exponit de concili Lateranensis edicto: « ut bona per ecclesiam acquisita ad eam in clericorum obitu devolvantur. » Augustini Tarr. Opp. IV. 389, Decr. Greg. L. III. t. 26. c. 12. — Relatum est auribus. »

CDXCIX. Episcopo Divellensi (al. Dulmensi) respondet, « eum, cui ante 25 annum ætatis sua, nondum concilio Laterani celebrato, concessum fuerit magisterium ecclesie, non esse ecclesia spoliandum. » Mansi XXII. 306, Boehmeri Corp. Jur. can. II. app. 242, Augustini Tarr. Opp. IV. 32. — « A nobis tua. »

D. Episcopum quemdam hortatur, ne in ordinandis ecclesiis statuta concilii Lateranensis lædat. Boehmeri Corp. Jur. can. II. app. 242, Augustini Tarr. Opp. IV. 32, Decr. Greg. L. I. t. 14. c. 4, L. III. t. 38. c. 22. — « Eam te decet. »

ANNO 1181.

DI. P(aulo), episcopo Praenestino, aliisque haeredibus bon. mem. Jo(annis), SS. Jo(annis) et Pa(uli) cardinalis presbyteri, præcipit, ut quosdam libros scholasticos fratribus ecclesie S. Frigdiani Lucensis restituant, Baluzii Misc. IV. 596. — « Recepimus litteras. »

DII. (Roger) Eboracensi et (Hugoni) Dunelmensi episcopis significat, « se censuisse, ut coram i: exhibeantur privilegia monasterii S. Augustini Cantuariensis, quæ (Richardus) archiepiscopus duxerit arguenda, in claustru fratrum vel in alio loco ipsis fratribus seculo usque ad proximum festum nativitatis b. Joannis Baptista (24 Junii). » Hæc addit: « Deinde usque ad purificationem b. Marie sequentis anni (2 Febr. 1182) archiepiscopus ad redarguenda privilegia per se vel sufficienter responsalem ad apostolicam sedem accedat. » Chronica W. Thorne ap. Twysden H. A. Scr. II. 1832, (Augustini Tarr. Opp. IV. 374, Decr. Greg. L. II. t. 22. c. 4). — « Recepimus litteras » — « Accepimus litteras. »

VARIORUM EPISTOLÆ AD ALEXANDRUM III.

(Epistolæ quibus fons unde haurimus non præmittitur, ex Collectione epistolarum S. Thomæ Cantuariensis et Gilberti Foliot hoc adducuntur, quam complectitur Patrologia tom. CXC.

Philippi abbatis de Eleemosyna. — Gratulatur Alexandro quod ad summam dignitatem fuerit electus; Reges Franciæ et Angliæ pontificis partes amplexos nuntiat.

(Anno 1159.)

[Spicil., ed. in fol., t. III, p. 527.]

Ainantisimo in Christo Patri et Domino ALEXANDRO Dei gratia summo pontifici, et universalis papa, frater PHILIPPUS de Eleemosyna, modicum id quod est.

Susceptis vestre dignationis apicibus respiravit

D in gaudio cor meum, et tanquam corona speci quæ ornata est gloria, resploruit in spiritu meo jucunda serenitas, et cathedratum vestrum ulnis veræ dilectionis amplectens, supplicationem pro vobis exhibui devotam bonorum omnium largitori, sonuitque in commune actio, et vox laudis, et de vestra promotione carmen referimus Deo nostro, ut denuntiamus homini per quem scandalum venit! (Matth. xviii). Confidimus in misericordia Conditoris quia impetus partis ad nihilum deveniet, tanquam aqua decurrent, et sicut cera quæ fluit auferunt transgressores, quia cecidit super eos ignis abominatione.

nis; et non videbunt solem justitiae Christum, qui **A**
superbis resistit, et humilibus dat gratiam (*Jac. iv.*). De reliquo, beatissime Pater, celsitudini vestrae si-
gnifco, quia nunc mandatum vestrum devozione
qua debui, sollicitudine qua oportuit et cominenda-
tione, litteras vestras domino Henrico Anglorum
regi cum reverentia præsentavi, quas ipse benigne
suscipiens habita cum suis et nobiscum delibera-
tione, vos in Patrem spiritualem summumque pon-
tificem cum omni alacritate susceptum, obsequium
et obedientiam suam per nos humiliiter repreäsentat.
Missurus etiam ad vos est in brevi nuntios suos.
Hic parvitiati nostræ contulit in mandatis, ut opus
suum devotæ sedulitatis ministerio prævenirent, ut
quod postmodum facturus est, ad vos secretius et
celerius perveniret. Litteras autem generales quas
prælati Angliæ universaliter destinatis, per fideli-
m virum, cum venerabilibus episcopis Gilleberto
Herefordensi, et Hilario Cicestrensi, studii dele-
gare, qui personam vestram, et opus vestrum,
quod asseritur, sive quantum intelligimus, sovent
et diligunt, et studebunt negotium vestrum fideliter
promovere.

Continuato labore accessi ad devotum filium
sanctæ Romanæ Ecclesiæ dominum regem Franco-
rum, cuius, sicut catholicum principem decet,
fidelis affectus, et prompta devotio, personam ve-
stram, et opus vestrum certa dilectione prosequi-
tur, et sui sententiam jam operis, exhibitione fir-
masset, nisi gravia eum impedimenta et cause mul-
tiplices perturbassent. Dirigitur vobis nostro mini-
sterio et suo spiritu dictata salutatio, sed signa-
cula providentiae conscientiae suæ liber legitur, in-
volutus donec opportunum tempus occurrat, quo
vobis tanquam Patri, et sincere dilecto, imo et dili-
genter electo, et commode vobis convenientes
uterque utiliter obedientiam suam et servitium
suum debita charitate cum triumpho jucunditatis
exhibit. Sed hoc ipsum per Dei misericordiam in
januis est, quia inter ipsum et regem Angliæ de
reformatione pacis agitur, et in brevi credimus
terminari; quod inter manus virorum fidelium
pro communi regnorum concordia devote et fide-
liter agitur.

Factum est quod jussisti, quod ad me pertinuit: sollicitus fui, et opus meum vobis certa et fidelis narratione transmitto, et de statu et continentia vestra et sanctæ matris nostræ Romanæ Ecclesiæ recurrente dignationis pagina certificare desidero. Confidimus autem de divinæ pietatis adjutorio, quia conteret Dominus Satanam sub pedibus vestris velociter; et educet ad victoriam judicium certum: et in judicium justitia convertetur; ut iuxta illam sint omnes qui recto sunt corde. Scitote præterea quod archiepiscopi et episcopi omnes, et Ecclesiæ rectores in electione vestra unanimiter con-
sentient.

B *Alienoris reginæ Angliæ, Henrici II uxoris. — Gra-
tias agit de litteris a summo pont. missis, rogatque
pro abbate S. Maxentii.*

(Anno 1160.)
[Ibid., p. 528.]

Reverendo Patri ac domino suo ALEXANDRO, Dei
gratia sanctæ Romanæ Ecclesiæ summo pontifici,
ALIENOR humilis regina Angliæ, debitum cum omni
devotione famulatum.

Super hac tanta serenissimi Patris mei dignitate
humilis filia devotio exultare, Deumque laudare
non desinit, et filialis ac veræ dilectionis furor
exuberans, paternam sæpe numero prorumpit in
laudem. Non potest extingui tantorum æstuans
cunulis gaudiorum, et justissimi favoris gratia in
temppestivo nescit interire silentio: unde quoties
me præsente fit sermo de partibus, ego pro parte
vestra confidenter descendens, inimicæ ausus pole-
statis impugnare, imo meis rationibus expugnare
non vereor. Ante utique justissime letabar, et ve-
stros merito amplectebar successus, sed illa scrip-
tura et salutationis vestrae plurimæ etiam com-
mendationis atque in finem verissimæ promissionis
gloriosa dignatio, parvitatæ meæ omnem sufficit
impetrare favorem. Nescio quam hausi spiritualem
et intime suavitatis dulcedinem, ac singula verba
tanquam singula divinæ benedictionis munera le-
tissime simul devotissimeque suscepi. Præterea filii
vestri, et domini mei cardinales, Henricus Pisanus,
et magister Guillermus, Dei, vestrique gratia, mul-
tum honoriscentiae et benevolentiae mihi exhibe-
runt. Gratulor itaque tales a latere vestro delegatos
fuisse, qui et vestrae electionis censura, et omni-
moda subditorum reverentia dignissimi æstimantur.
Sed quia non illis meus, sed illorum mihi necessa-
rius est et salutaris interventus, jam pro P. con-
sanguineo meo, abbe S. Maxentii, sublimitati ve-
stra supplicans, et ad scabellum pedum vestrorum
bumillime prostrata, postulationem continuo; ut
charissimo meo ordinis sui usum, et liberam mini-
strandi potestatem miseratio vestra pie restituat.
Adventum vestrum ad partes nostras in Dei nostri-
que benep'acito desiderans desiderarem; sed et
C absenti et præsenti paratissima sum omnem exhibe-
bere humili et fidelis ministrae devotionem. Uni-
versis Ecclesiæ filiis Patrem suum divina miseratio
conservet incolumem.

D *Amalrici ecclesiæ S. Resurrectionis Hierosolymitanæ
ministri. — Quod unanimi Orientalis cleri et po-
puli consensu, rejectis Octaviano, Joanne et Gui-
done, ipse in dominum temporalem et Patrem
spiritualem fuerit electus.*

(Anno 1160.)

[Opera GRETSEI, t. VI, p. 584.]

Domino et Patri suo digne reverendo ALEXANDRO,
Dei gratia Romanæ et apostolicæ Ecclesiæ univer-
sali papæ, AMALRICUS Sanctæ Resurrectionis ecclie-
siæ minister humili cum omnibus suffraganeis suis

tam debitum quam devotum totius obedientiae famulatum.

Sanctæ et catholice et electe electionis vestræ epistolam, quanta debuimus veneratione, suscepimus, et die præfixa convocatis etiam in unum omnibus venerabilibus fratribus et filiis nostris, qui omnes voluntario quidem et libenti animo vel adfuerunt aut litteras executorias, assensum tamen suum præferentes et denuntiantes, miserunt, eam, ut diximus, epistolam, in præsentia omnium, Tyrensis et Nazareni, et reliquorum fratrum et filiorum nostrorum legimus diligenter et relegimus. Audito vero contumaci et temeraria perversitate, et perversa temeritate Octaviani scilicet et pseudofratrum suorum J. et G. [Joannis et Guidonis] pertinuimus, et quia ab unitate sanctæ matris Ecclesiæ recesserant, doluimus. Attamen intellecta postmodum venerabilium fratrum et dominorum nostrorum episcoporum, et ceterorum cardinalium, concordi et sana et unanimi voluntate, cognito etiam assentientis cleri et acclamantis populi assensu et desiderio, super electione et consecratione vestra, tam sancta et canonica, respiravimus et gudio magno gavisi sumus. Cæterum ipsam eamdem sacrosanctam et ordinariam electionem et consecrationem vestram, quotquot fuimus, laudavimus, approbabimus, communiter et concorditer approbamus et excommunicatis schismaticis, Octavianio, J. et G. cum suis fautoribus, quantum in nobis est, vos in dominum temporalem, et patrem spiritualem elegimus unanimiter, et voluntarie receperimus.

IV.

Fastredi Claravallensis abbatis tertii ad Omnipotentem Veronensem episcopum. — De concilio Tolosano, in quo Alexander, rejecto Victore, pontifex agnoscitur; et de conciliabulo Papiensi.

(Anno 1161.)

[LABBE, *Concilia*, t. X, col. 1407.]

Dilecto et vere venerabili domino et Patri O[UNIBONO] Dei gratia Veronensi episcopo, frater F. Claravallensis vocatus abbas, spiritum consilii et fortitudinis.

Gaudeo plane quoties inter spinas lillum, et inter hominum timorem vel gratiam humanos sectantium errores, amatorem invenio veritatis, et diligentissimum inquisitorem divinae voluntatis. Inde est quod ad petitionem vestræ dignationis certos vos esse volumus, unde et quomodo certi sumus super eo quod poscitis. Igitur post multas exhortationes quas fecimus ad reges et principes, qui vel timore vel amore imperatoris differebant sequi veritatem; post multa consilia quæ habujimus cum archiepiscopis et episcopis, et viris religiosis qui regibus quotidie differebant; post longam dilatationem quæ facta est card. II[enrico] et W[illelmo] presbyteris, et O[doni] diacono, quos dominus

A Alexander papa in Galliam delegaverat; post multas preces et lacrymas quas Ecclesia fundebat ad Dominum, maxime autem in nostro ordine; post etiam ultimam pene desperationem, Domino melius disponente quam nos ipsi auderemus sperare, duo cardinales, quos solos de curia Romana Octavianus secum habebat, venerunt cum Cæsarianis in magna pompa et gloria ad diem et locum quem reges Franciæ et Angliæ cum tota Ecclesia sua ad expoundendum suum assensum præfixerunt supradictis carnalibus. Quid plura?

B Auditæ sunt primum Octaviani cardinales Jo[annes] et W[ido]; responderunt alii ex adverso. Cognitum est non solum assertionibus cardinalium Alexandri pape, et idoneis testibus, qui præsentea aderant, quibus illi nulla ratione contradicere potuerunt, verum et verbis adversariorum, quos Deus ipse manifesto miraculo veritatem faciebat exprimere, Octaviani nullam fuisse electionem: immantationem fecisse sibi ipsi, laicali adjutorio pontificalem occupasse cathedram, sicut communi omnium audiencia, me audiente, W. Cremensis te-status est; consecrationem vero eundem Octavianum jam ante octo diebus excommunicatum [ab aliis octo diebus ante ipsam excommunicationem consecrato (62)] a Tusculano et Ferentinato, secum excommunicatis, et Melisencio jam propter evidentes enormitates suas, quas protestati sunt rex Angliæ et episcopi ejus, ipsi et compatriote, damnato et deposito, suscepisse. Cogitatum nihilominus est Alexandrum ab omnibus aliis cardinalibus qui aderant, electum; et nisi ipse primum fugiendo, deinde reluctando humiliter restitisset, et Joannes et Wido Cremensis, sicut ipse coram omnibus te-status est, violenter impediasset, solemniter fuisse immantatum, quod postea suo loco et tempore perfectum est, et consecrationem authenticam ab his quibus ex officio incumbebat, solemniter acceptisse. Manifeste etiam probatum est quod diu ante Papiense concilium, Octavianum in papam per nuntios suos et litteras auro bullatas suscepserat imperator. Quod Papiæ vero scripserant, C. fuisse episcopos: non fuerunt nisi XLIV, qui ad imperatoris vocem, quæ se profitebatur laicum, et

C talem ad quem non pertinet judicare de curia Romana, nec discutere electionem summorum pontificum, omnes cum W. Papiensi, presbytero cardinali Sancti Petri ad Vincula, qui neutri parti adhaerent, nunc autero cum duobus aliis, Alexandri papæ legatione fungitur in Gallia, diutina deliberatione consilium habuerunt, se neutrum suscepuros, eo quod pauci essent de tota Ecclesia, quousque vel communis omnium vel plurium regorum synodus conveniret, vel manifestius appareret quem eorum major et senior pars Ecclesie sequeretur, et idem se consulturos imperatori. Imperator autem non consensit, sed quas potuit,

(62) Verba uncis inclusa videntur omissa.

minis et precibus singillatim vocatos coegerit suscipere, quem ipse ante suscepserat: absentibus tamen de numero supradicto, sicut idem Willelmus cardinalis manifeste asseruit **xxiv.**, ex quibus unus fuit Papiensis episcopus, in cuius civitate ista celebant.

Communi itaque consilio predictorum regum et totius ipsorum Ecclesiae, reprobatus est schismatics Octavianus, susceptus Alexander papa, et legati ejus condigno honore et reverentia. Dominus Trevirensis episcopus stat in unitate. Quidam ex eis qui manus dederant Octavianu, revertuntur. Unde et nos ipsi Carthusienses accepimus pro episcopo suo Gratianopolitano, ut nostro interventu possit redire in gratiam.

Ulterius Odo cardinalis Sancti Nicolai de carcere Tulliano, audientibus non contradicentibus, asseruit quod J. et Wi. predicti cardinales, ad ipsum, qui cum aliis clausus tenebatur, venissent, hortantes ut ad Octavianum venirent. Responsum est eis quod si jurarent supra sancta Evangelia se juste judicatores, omnes ponerent se sub eorum judicio. Illi autem respondentes papam non debere ab aliquo judicari, dixerunt quod si societatem facerent Octavianu, se reddituros mantum quod injuste accepisse accusabant: omnino poneant se in eorum consilio, et de eorum manibus secundo mantum susciperet.

V.

Petri Pisani, ecclesiæ B. Aniani Aurelianensis decani. — Contra episcopos contumaces.

(Anno 1162.)

[DUCESNE, *Rer. Franc. Script.*, IV, 575.]

Venerabili Patri et domino ALEXANDRO summo et universalii pontifici, P. eadem gratia, et sanctæ Romanae Ecclesiae, ac domini regis Francorum, ecclesiae Beati Aniani decanus, servitium debitum ac devotum.

Quanto labore sudaverim, ut delecto errore personæ regni Francorum vos in Patrem et pastorem reciperent animarum, neverunt domini cardinales, qui corporeis hoc oculis conspererunt. Receptus itaque multo labore cardinalium, quoniam ecclesiarum prælati dissensionis tempore congaudebant. Spoliabant enim impune subditos, et imponentes ac pauperes nequitor aggravabant. Cooperauit domini cardinales paulatim exhortari et commonere episcopos, ut per viam rectitudinis incederent, et Ecclesiae Romanae statuta non adeo passim convellerent, aut tam patenter a tramite justitiae nullatenus deviarent. Et cum hoc certe plus justo tenuiter agerent, quoniam forte quod fecerant eos remordebat, occasio guerræ advenit, et orta est guerra inter reges, quæ facile sedari non poterit, quod non est qui vel de pace faciat mentionem. Episcopi guerram desiderant, quoniam et guerram Romanae Ecclesiae in guerra regum intelligunt augmentari. Turbatus est enim dominus rex, et valde nimis, et quia novis adhæsit

A principibus, atque juveibus, timendum valde est, ne ipsius animitas immutetur. Gaudent et exsultant episcopi, et alii Ecclesiarum prælati Franciæ, quod domini cardinales gratiam regiam amiserunt, propter quod manus ad quælibet vilia extendere non formidant. Appellationes prætereunt et contemnunt, et ac si non fuerit appellatum, post appellationem exterminant universa. Nimirum pepercit Romana Ecclesia episcopis delinquentibus, et ideo vilis et contemptu nunc habetur. Resumat itaque, Pater, vires suas sancta Romana Ecclesia, et per semitas justitiae incedens, recto disponat universa judicio. Valete.

VI.

B. Henrici Remensis archiepiscopi. — Pro S. Thoma Cantuariensi.

(Anno 1169.)

[*Actes de la province ecclés. de Rcmis*, II, 300.]

ALEXANDRO papæ, [HENRICUS] Remensis archiepiscopus.

Venerabilis frater et amicus noster dominus Cantuariensis apud nos pro honore Dei, pro libertate Ecclesie, pro sedis apostolicæ privilegiis, jam quintum annum exsilio proscriptus agit. Si placet, domine, jam satis est quod adhuc usque sustinuit, jam tempus est miserendi ejus propter multa, tum ne alii ecclesiarum prælati ab officiis suis executione ipsius terreatur exemplo, tum ne quod hactenus adversus eum impune ab uno præsumptum est, ab aliis sacculi potestatibus in oppressione ecclesiarum trahatur ad consequentiam mali. Suplicamus itaque paternitati vestræ, in quam omnium oculi conjecti sunt, præstolantes quem existum causa Dei sub vestro examine sortietur, quantum tanto exsuli, imo tam sinceræ causæ subveniatis, et vestro propiciatis honori, et Ecclesie libertati pariter et saluti. Si enim assertor honoris Dei torquetur in patibulo, quid spei cæteris divini nominis confessoribus relinquitur? Qualiter autem nuper processerit causa ejus, ex testimoniis viri celeberrimæ opinionis apud nos, Simonis prioris de Monte-Dei, innotescere plenius poterit, utpote scribentis quæ vidit et audivit, dum mandatum vestrum exsequeretur. Est enim vir admodum probata religionis, et quem nulla ratione credimus ad hoc induci posse ut aliquid contra conscientiam dicat. Valete.

VII.

Ejusdem. — Pro Drogone Ecclesiæ Noviomensis cancellario.

(Anno 1170.)

[*Actes ibid.*, p. 305.]

Reverendo in Christo Patri et domino ALEXANDRO Dei gratia summo pontifici, HENRICUS Remorum dictus archiepiscopus, salutem et reverentiam.

Nullus est homini justior dolor quam beneficij sui perdere diligentiam, nec debitoris animum gravitor potest incursum molestia quam cum pro gratia merito titulus reportetur offensæ: Miror, et mirari sa-

tis non sufficit animus meus, quid occasionis inter-
venit, quid accedit meriti mei, quid operis interce-
dit, ut Moysi manus sentiam graves, et affectum
patris non qualiter merui representet effectus.
Quod enim sovere desidero vestra decolorat aucto-
ritas; et quibus de rigore justitiae aduersor, vestra
benevolentia sublevat in profectum. Audiunt inimici
mei et vestri opus vestrum et rancorem meum; et
ætantur quoniam vos fecistis. Non est affectus filialis
apud animum patris occultare quod doleat, sed de
planta tristitiae fructum querere gaudiorum. Duo
fecistis opera quæ miror, nec minus vicem vestram
quam meam doleo in illis. Inutilitatem, ne dicam
gravius, Atrebatenis illius promovetis in publicum,
in quo et ecclesia illa turbatur, confunditur justi-
tiae rigor, Ecclesiae prædia dissipantur. Noviomensis
ecclesiæ cancellarium, virum, ut credo, honestatis
et religionis amatorem, et meum familiarem, non
citatum, non auditum, non convictum canonice, nec
de propria confessione reum, a gradu suo, sicut
accepi, removere intenditis; cui plurimum apud vos
sancti pontificis meritum et constitutio debuit suf-
fragari, qui tantum in eo fidei speique reposuit ut
ei cum personatu curam animarum sine scrupulo
conscientiae commendaret. In quo stupor apprehen-
dit omnes, et aures tinniunt audientium, cum tam
diversa meritorum reportent stipendia inutilitas
auxilium et religio dejectionem. Est aliud præ-
terea quo gravius uritur et urgetur animus meus,
quod non sereno vultu scripta mea recipitis, nec
apud vos finem sortiuntur acceptum. De regulari-
bus autem clericis, cum teneat communis usus Ec-
clesiae ut archidiaconi vices agant in episcopatibus,
vel parochiales curas obtineant, de prædicto fratre
nostro Noviomensi cancellario non sine gravi cor-
dis scrupulo sustineo, quod eum sic arbitrii vestri
sententia debeat prædamnare; maxime cum preces
meas pro eo suscepseritis, et commendationem di-
gnam gratia sine gratia remitti non meruerim. Hoc
præterea vobis annuntio, quidquid alii dixerint,
quod in ejus promotione et communis consensus ca-
nonicorum adsuit, et nullam audivi sonuisse contra-
dictionem.

VIII.

*Eiusdem. — Ut episcopi Cameracensis electionem ra-
tam non habeat.*

(Anno 1174.)

[Actes, ibid., p. 310.]

Reverendo in Christo Patri et domino ALEXAN-
DRO, Dei gratia summo pontifici, HENRICUS Remo-
rum dictus archiepiscopus, salute et obedientiæ
sinceritatem.

Apostolici gradus dignitas principalis sicut præ-
eminet universis, sic debet omnibus paternæ seduli-
tatis benignæ subsidia. Novit ad liquidum sublimi-
tatis vestre sancta sinceritas, quod non est lauda-
bilis in ecclesiastica dignitate progressus, cuius est
violentia comes, ambitio provide, fraudulentia pæ-
dagogus, Simonia præcessor. Formanova imo enor-

A mitate deiformi contra appellationem ad vos factam
Robertus de Aria in ecclesiam Cameracensem no-
vus possessor ingreditur. Designatus est imperato-
riæ demandationis apicibus, comitis Flandriæ pro-
cibus et minis impactus, et redempti favoris ade-
plus est emendicata suffragia, et per machinationis
clandestinæ cuniculos cathedræ pontificalis eminenti-
am, non a Domino vocatus tanquam Aaron, sed
favore principum et temerarie multitudinis arbi-
trio, fastuose et irreverenter irrupit. Novit celsitu-
dinis vestre sacer intuitus quanta debeatur appella-
tionibus reverentia, quanta sit animadversione di-
gna presumpcio, quam districta conveniat censura
perfidiae, quid intorqueant canones evversi pacis
et schismatis professori. Alienum debet esse ab ec-
clesiastica sinceritate, quod legum sanctio non ad-
mittit, quod sanctorum Patrum decreta rejiciunt,
quod apostolicæ constitutionis regula prædamnavit.
Nunc autem ad vos universitatis oculus intenta sedu-
litate dirigitur, et exspectat a sede justitiae ju-
stuan sine remoratione judicium, in quo nec inven-
iat malignitas impunita progressum, nec in despe-
ctus caveam refundantur appellationum probata re-
media. Vindicate communes injurias, et culparum
qualitatibus par poena respondeat, ut honor vester
conservetur in integrum, et parvitatis nostræ con-
temptus non transeat in sequaces. Libello repudii
sterilis et foeda rejicitur; in matrimoniu non co-
dit, si violentia spadonis opprimit virginem. Exter-
minetur semen ab iniquo toro, et radices altas non
præbeant spuria vitulamina; sed apostolicæ severi-
tatis sarculo reacindantur, ut merito dicatur de vo-
bis: *Bene omnia fecit, et surdos fecit audire, et mu-
tos loqui* (*Marc. vii.*)

VIII bis.

*De rebellione monachorum S. Macharii aduersus
S. Crucis Ecclesiam Burdigal.*

(Anno 1165-1170.)

[Gall. Christ. Nov. II, 816, in textu.]

Beatissimo Patri et domino ALEXANDRO per Dei
gratiam summo et universalis pontifici, BERTRANDUS
Burdegalensis Ecclesiæ minister licet indignus, salu-
tem et omnimodam cum debita subjectione reveren-
tiam,

Placuit vobis, reverende Pater, ut sententiam,
quam dilectus filius noster Bertrandus abbas S. Cru-
cis in monachos S. Macharii ob inobedientiam et
rebellionem promulgavit, ratam haberetis et fir-
mam. Verum quidam de prædictis fratribus in so-
lita adhuc contumacia et rebellione persistentes,
mandatis vestris obedire, et abbati suo ecclesiæque
S. Crucis obedientiam et reverentiam, quam debent,
exhibere contemnunt, et sententiam ipsius abba-
tis, nostram, sed vestra auctoritate confirmatam
adhuc sustinere non formidant. Hoc itaque sanctæ
discretioni vestre significandum ut si forte ipsi ad
pedes sanctitatis vestre accesserint, eos noveritis
in jam dicta sententia permanere. Sit autem, Pater,
benelaciti vestri ecclesiam S. Crucis pro qua vobis

attentius supplicamus, in justitia sua, sicut cœpi-
stis soveræ et manutenere.

IX.

Privilegium Fernandi regis Hispaniarum Romanæ Ecclesiæ factum super donatione et concessione ca- stri Thoraph.

Anno (1172.)

[*MURATORI, Antiq. Ital., III, 789.*]

In nomine Domini nostri Jesu Christi.

Inter cætera quæ regiam majestatem decorare vi- dentur, summa et præcipua interest, sancta loca et re ligiosa diligere et venerari, et ea largis ditare muneri bus, atque in prædiis et possessionibus ampliare, ut dando terrena adipisci mereantur æterna. Eapropter ego Fernandus, Dei gratia Hispaniarum rex, una cum uxore mea regina donna Viracca, per scriptum do nationis firmissimum, in perpetuum valitum, dono, do, et sancto Petro, et vobis dilecto nostro cardinali domino Hyacintho in Hispania legato, ca strum Thoraph; et per proprium annulum vos inde investio, ut ab hac die et deinceps præfatum ca strum habeatis, cum pratis, pascuis, montibus, fontibus, rivis, molendinis, arboribus, villis et azeniis, piscariis, et cum omnibus directis, et pertinentiis suis, et cum omni jure regali. Et possideatis, ven datis, donetis, commutetis, et omnem voluntatem vestram faciatis, jure hæreditario in perpetuum ha bendum vobis, et Ecclesiæ Romanæ dono et concedo pro remedio animæ meæ et parentum nostrorum, et pro amore et dilectione, quam semper erga me habui stis. Factum fuit hoc apud Zamoram, in camera, in qua idem dominus cardinalis jacebat, et hoc in præsentia dominæ reginæ, Bobonis fratris domini cardinalis, Raymundi de Capella Sanctæ Romanæ Ecclesiæ, subdiaconi Maibardi.

Si quis igitur tam de meo genere quam de alieno hoc meum spontaneum factum irrumpere præsum perit, iram Dei omnipotentis, et beati Petri apostoli incurrat, et cum Juda Domini proditore in inferno sit damnatus: et pro temerario ausu parti regiæ, et vestræ, centum libras auri persolvat, et quod invaserit, vobis vel voci vestræ in quadruplo reddat: et hoc scriptum semper maneat firmum.

Facta charta in Zamorra, vii Idus Julii, æra 1120, regnante rege domino Fernando rege Legionensi, D Estrematuræ, Gallicie et Asturiis: eo anno quo famosissimus atque pius dominus cardinalis Hyacinthus apostolicæ sedis legatus venit in Hispania.

Ego Fernandus, Dei gratia Hispaniarum rex, hoc scriptum quod fieri jussi, proprio robore confirmo.

Ego Petrus, Dei gratia Compostellanæ Ecclesiæ archiepiscopus confirmavi.

Stephanus Zamorrensis episcopus confirmavi.

Petrus Salmanticensis episcopus confirmavi.

Adam Auriensis episcopus confirmavi.

Joannes Lucensis episcopus confirmavi.

Petrus Cauniensis episcopus confirmavi.

Joannes Mindoniensis episcopus confirmavi.

Joannes Tudensis episcopus confirmavi.

Dominicus Abulensis episcopus confirmavi.. Comes Urgellensis majordomus regis, confirmavi. Bernardus Roderici dominus in Asturiis confir mavi.

Comes Gomez in Transtamar confirmavi.

Comes Petrus confirmavi.

Gunterus Roderici, signifer regis, confirmavi.

Ego Pelagius Gonteri notarius regius, archidia cono Pelagio existente cancellario, scripsi et con firmavi.

X.

Fernandi Hispaniarum regis.—Pontificis cum toto regno suo dominium suscipit.

(*Ibid.*)

B Excellentissimo Patri et domino summo pontifici ALEXANDRO, FERNANDUS, Dei gratia Hispaniarum rex, cum tota animi devotione debitam reverentiam.

Tam divinæ quam humanæ legis habetur præcep tio, ut matris jussionibus filii obediant, ut mater filiorum curam gerere sollicite studeat. Sed si ma ter sine filii injuria videtur offensa, non licet quod filius porrigat blandimenta, nisi prius offenditionis causa notificetur. Timendum est ignorantia sedere, quod volumus benevolentia curare. Hinc est quod prædecessori vestro nec debitam reverentiam demonstravi, nec esse meum, ut patri et domino, aper rui. Novi namque ipsum, nulla mei vel patris culpa, offendens, et nominis mei dignitati derogantem, et consilium, tanquam inimico, denegantem. Verum ut vos patrem meum esse cognovi, quæ præsriveram tam per Merion vestrum fidem amicum, quam per Lucensem episcopum, patri meo et milii intimum, illico vestrum benigne cum toto regno meo suscep dominium, quod mihi, ut credo, contra inimicos erit præsidium, amicis subsidium, angustiis meis solatium, regni mei dispositioni consilium, simulque auxilium; vestrum etenim tale est cum pietatis sine officium. Inde est quod per latorem præsentium dominum L. Lucensem episcopum, cui mea omnia, sicut mihi, committere consuevi, causæ meæ universitatè delego, cuius dictis omnibus, ut certissime fidem adhibeatis, rogo et exposco. Valeat sanctitas vestra.

XI.

D Petri tituli s. Chrysogoni presbyteri cardinalis.—Viros tunc in Gallia eruditione et virtutibus insignes enumerat.

(Circa annum 1177.)

[*DUCUESNE, Rer. Franc. script., VI, 560.*]

Sanctissimo Patri et domino ALEXANDRO Dei gr atia summo pontifici, PETRUS sola dignatione divina tit. Sancti Chrysogoni presbyter cardinalis, salu tem et obedientiam tam devotam quam debitam.

Jampridem litteras beatitudinis vestræ recipimus, continentes ut inquirere deberemus, quæ personæ de regno Francorum, aut de partibus illis possent in Romanam Ecclesiam promoveri. Sane, cum pro posuissimus ad pedes sanctitatis redire, nomina illorum, quos ad hoc dignos et idoneos credimus, viva voce potius circumspetioni vestræ volebamus

exprimere quam litterarum commendare figuris. A auxiliante, deferre; aut si vobis placuerit, per fidem nuntium præmittimus.

XII.

Instrumentum quo Adinus et Landulfus filii Gregorii renuntiaverunt omni juri, quod habebant in castro Falbaterie, illudque in feudum recipient ab Alexandro III papa.

(Anno 1178.)

[*MURATORI, Antiq. Ital., I, 630.*]

In nomine Domini nostri Jesu Christi.

Anno Incarnationis ejus 1178, pontificatus domini Alexandri III papæ anno xix, indictione xi, mensis Januarii die xi, Adinus et Landulfus filii Gregorii Pagani, non vi coacti nec dolo inducti, sed liberò arbitrio et voluntate propria renuntiaverunt juri, si quod habebant in castro Falbaterie quocunque jure, sive haereditario, ex successione videlicet patris, seu matris vel aliorum, seu jure acquisitionis, et omni omnino juri proprietatis et possessio-
nis, pignoris seu hypothecæ. Et remiserunt hoc domino pape Alexandro, et Romanæ Ecclesie in praesentia dominorum cardinalium Joannis presbyteri cardinalis Sancti Marci, et Petri presbyteri cardinalis Sanctæ Susannæ, et Hiacynthi diaconi cardinalis in Cosmidin, et Centii diaconi cardinalis Sancti Adriani: presente etiam Francone domini papæ camerario. Et dominus papa pro se et successoribus suis concessit prædictis fratribus jam dictum castrum Falbaterie in feudum usque ad viginti novem annos. Quo tempore transacto, castrum illud omnimodo liberum ad ecclesiam redeat. Et prædicti fratres, vel eorum successores de eodem castro sint ad mandatum summi pontificis, qui eo tempore fuerit: ita quod in potestate summi pontificis sit vel eis concedere vel auferre. Et prædicti fratres se de cætero castrum idem nomine ecclesiæ possidere promiserunt, et pro hac concessione trecentas libras Provesinorum præscriptio domini papæ persolverunt: et insuper servitium, quod pro eodem castro Romanæ Ecclesie persolvere consueverunt, reddere promiserunt. Promiserunt etiam quod si quas possessiones de tenimento Ceperani tene-
rent, super quibus inquietarentur, si clarum esset eis quod injuste tenerent, sine controversia redde-
rent; si vero non esset eis clarum, justitiam ad mandatum domini papæ facient. Omnia autem supradicta ab eis promissa, juramento corporaliter præstito firmaverunt. Præterea obligaverunt se iidem fratres in pena quadrangularium librarum Provesinarum fratri Franconi legitime stipulanti, si omnia quæ promiserunt, non observarent. His interfuerunt Petrus et Fortunatus domini papæ ostiarii, Centius Gregorii, Jacobus Condomi, Guido Incisor, qui rogati sunt testes. Postea vero xxvii die prædicti mensis venit Stultus, frater prædictorum duorum, et in praesentia prædicti domini Centii cardinalis, et domini Ilugutionis diaconi cardinalis Sancti Angeli, et fratri Franconis camerarii, renuntiavit, promisit,

juravit per omnia, sicut Adinulfus et Landulfus fratres fecerunt; cui sicut et prioribus, a domino papa concessum est castrum. Juramento hujus interfuerunt: Leo de Signino, Petrus Gregorii, Ododo Benedicti de Bona, Rainaldus de Pophe, Petrus Ostiarius, qui omnes rogati sunt testes.

Et ego Ilditius judex et scrinarius rogatus hoc instrumentum manu propria scripsi.

—
ANNO 1159-1181.

—
XIII.

Guarini abbatis S. Victoris.— Se non posse, quos pertierat Joannes cardinalis, fratres mittere; sed et agre alios multi posse.

(D. MARTEN., Ampl. Collect., t. VI col. 257.)

Sanctissimo Patri et domino ALEXANDRO Dei gratia universalis Ecclesie summo pontifici GUARINUS Ecclesie S. Victoris Parisiensis minister humilis, salutem in Domino, et subjectionis omnimodæ devotissimum famulatum.

Exigitati meæ, de voluntate, ut arbitror, domini Joannis Neapolitani, vestra mandavit sublimitas, quatenus ei duos canonicos religiosos et litteratos ad ordinem canonicum in ecclesia, quam ad hoc ipse construi fecerat, tenendum et conservandum destinarem. Prædecessori meo semel super hoc ante jam scripserat, duos etiam subjunctis nominibus, Petrum scilicet Petragoricum et Hugonem de S. Germano specialiter requirens, quorum alter mortuus, reliquus vero languore infirmatur continuo. Cum autem dominus cardinalis unum esse mortuum dideisset, scripsit mihi denuo, illum qui supervixerat requirens ex nomine, et alium quem secum ipse ducere vollet. Cæterum ego, cum nec ille, morte interveniente, nec iste, infirmitatis molestia obsidente, destinari posset; vestro interim suscepto mandato, religiosorum ac prudentium virorum consilium requisivi, qui nihil inde faciendum consularent, laudaverunt sane, ex quo utrisque in litteris quos volebat nominatum signans, electionis sibi retinuerat arbitrium, nihil super hoc alterius voluntati vel dispositioni relinquere volens, alios non esse tutum dirigere, ne forte onerosi magis quam grati essent, si non illos quos quarebat missem, sed alios. Denique illi religiosi quorum quodam testimonio religionis nostra magnificabatur ecclesia et consilio regebatur, majori jam obierunt ex parte, paucique surrexerunt post eos. Plures enim venerabiles et litterate personæ quæ possent Ecclesie esse profectui et honori, cum devote flagitarent ingressum, notente vel simulante præcessore meo, nobis invitis, repulsæ. Domus quoque perturbationibus fatigata, oppressa debitibus, bonis temporalibus nuda, et in spiritualibus aliquantulum lœsa; et si inter tot curarum angustias paucos quos inveni, qui me adjuvando et consulendo sup-

portare debent in hac novitate maxime cum sim ætate juvenis, religione junior, cogor dimittere, et oculos qui mihi in via religionis et disciplinae consilii et auxiliis lumen debent præstare, perdidero, de facili profecto errare continget, nec solus onus et providentiam domus portare potero: quidquid tamen exinde faciendum decreverit vestra auctoritas, prosequar ego pro viribus. Tandem humanum dico, mortem valde, et propter terræ insuetam asperitatem et aeris qualitatem corruptam fratres pavescunt. Præterea objiciunt nos non posse cogere eos ire ubi rigor ordinis nostri tepidus teneatur. Proinde ego gravissimum duco injungere, quod, si sit contra voluntatem suscipitur, vel si non sit, perculose valde negatur. Parcat igitur, sancte Pater ac domine, infirmitatibus nostris et instanti ecclæsiæ necessitatibus discretionis vestræ modestia.

XIV.

Eberhardi Juvaviensis episcopi. — Aquileiensem electum commendat.

(Opp. GRETSEBI, VI, 590.)

ALEXANDRO sanctissimo et reverendissimo domino et Patri, summo pontifici, EBERRARDUS Juvaviensis ecclesiæ indignus minister, cum obedientia et oratione devotissimum obsequium.

Moveri solet quidam simplices et minus eruditæ; quod Ecclesia catholica tanto tempore, tot et tantis vexatur perturbationibus, minus attendentes, quia sicut vasa siguli probat fornax, sic homines justos tentatio tribulationis. Non sic moventur filii Ecclesiæ Dei, quibus dicitur: quia frustra jacitur rete ante oculos pennatorum (Prov. i). Ipse denique noverunt, quia flagellat Deus omnem filium, quem recipit (Hebr. xi); et qui extra disciplinam sunt, alieni sunt a sorte filiorum Dci. Unde etiam perfunduntur gaudio magno, quia digni inveniuntur pro nomine Jesu contumeliam pati. Solet tamen miseratio divina etiam inter flagella consolari pusillanimes. Unde merito proclamamus cum Propheta: Secundum multitudinem dolorum meorum, consolationes tuæ laxificaverunt animam meam (Psal. xciii). Quæ vero major erit consolatio Ecclesiæ, quam gloriari in numero et merito filiorum, ut vox congratulationis dicatur ei: Venerant ad te, qui detrahebant tibi (Isa. lx). Hoc siquidem, per singulos dies in præsenti negotio vidimus actitari, ut quamvis adhuc arca veri Noe quatatur fluctibus hujus maris magni, tamen columba revertatur ad arcum. Non enim inventit extra, ubi figat pedem suum, qui ejusmodi est. Inde est quod dilectum fratrem nostrum Aquileiensem electum vestre sanctitati, quantum audemus, pro parvitate istra, commendamus attentius; humiliiter et obnixe flagitantes, ut vestra auctoritate roburetur ejus electio; quia vere credimus, illum, nutu divino, in opus ministerii hujus assumptum. Qui licet adhuc pro teneritudine plantationis sua,

matureos fructus ferre non valeat, spem tamen bonam profert in flore, fideliter et fortiter vestris inhabens vestigia; adhuc tamen cum Nicodemo in nocte timoris audiens Jesum propter metum Judaeorum. Conquievit omnino strepitum malignantium sub eo, ut pro nobis videantur esse, qui contra nos dudum fuerunt. Sed quia omnia principia timida sunt, rogamus sanctitatem vestram, ut ejus obedientia manifesta non fiat, donec in robur virile, gratia benedictionis pontificalis, illum adducat. Hujus etiam rei et obedientis, Concordiensis episcopus cooperator est strenuus. De nobis autem, Pater sanctissime, sic accipite, quia fundamentum nostrum posuimus in firmam Petram, ut neque venti neque flumina, quae sine intermissione nos pulsare non desinunt, adjuvante Domino, valeant subruere.

XV.

Hugonis ecclesiae B. Mariæ Adrianopolis abbatis, et Petri S. Joannis CP. hospitalis prioris. — Quæ et quanta pro Ecclesia Romanæ firmitate et dignitate apud Orientales in expeditione [Friderici] imperatoris Augusti egerint.

(BONGARS, *Gesta Dei per Francos*, p. 1173.)

A. gratia Dei Romanæ Ecclesiæ summo pontifici, Hugo ecclesiae Beatae Mariæ Adrianopolis abbas, licet indignus, nec non et PETRUS Sancti Joannis Constantinopoleos hospitalis prior, obedientiam et obedientiæ obsequium.

Cum non solum sanctitatis vestrae fama, imo et cooperatrix Christi gratia, universos sanctæ fidei cultores cogat et te jure venerari patrem, et per omnia vestris obtemperare præceptis, nos et debitas subjectionis charitate, et vestrae bono famæ odore excitati, in remotis regionibus inter extraneos ad Ecclesiæ firmitatem, et vestrae dignitatis honorem desudamus: ne pestis præsens inficiat Ecclesiam, aut in nostro tempore vacillans titubet Ecclesia; vel vestrae dignitatis inter Orientales annihiletur reverentia. Sciat igitur sanctitas vestra nos apud beatum Ægidium, post sex mensium, a Januarii scilicet principio usque ad Julii initium, tam regionum quam marium continua et innumerabilia pericula, in expeditione sancti et semper augusti domini nostri imperatoris, et vestrae dignitatis legatione adventasse. Sed fatigatione corporum et diversarum incursione adversitatum attriti, longioris viae iter, absque nostrorum virium defectu aggredi non valamus; unde sanctitatem vestram obnixe flagitanus, ut laboris nostri segritudini compatiendo, quid et qualiter sit æendum nobis insinuetis. Habemus enim quædam personæ vestrae dictu accommoda et ad utilitatem respicientia, quæ non licet alteri nisi vestrae sanctitati intimare, et nobilissimo regi Francie. Valete.

(63) De his Populicanis Chronicon Antiss. loquitur ad an. 1198.

XVI.

Ludovici regis Francorum. — Contra haereticos, vulgo Populicanos dictos, per tractus Flandricos vagantes.

(D. MARLOT, *Metropolis Remensis*, II, 396.)

Sanctissimo Patri et domino ALEXANDRO Dei gratia summo pontifici, Ludovicus eadem gratia Francorum rex, salutem et debitam reverentiam.

Archiepiscopus Remensis H. frater meus nuper in Flandriarum terram prosector, ibi invenit homines depravatos, erroris pessimæ sectatores, in Manichæorum lapsos haeresim, qui vulgo Populicam (63) vocantur, et per quasdam observationes, quas habent, meliores apparent quam sint, et, si forte prosperati fuerint, dispendium magnum erit B nostræ fidei, præserium in partibus illis, ubi iniqüitas pullulavit, et radices altius fixit. Si voluisset archiepiscopus solummodo ut parceret iniquis istis, et toleraret pravitatem hanc, pro bujusmodi redemptione habuisset pecuniam magnam nominatam, videlicet sexcentas argenti marcas, quia apud eum non patebat illis refugium, proclamaverunt ad audienciam vestram; sed rem tam venenosam, tam perniciosaam attendat diligentius sapientia vestra, et veilitis ut tanta pestis potius evellatur quam pullulet. Precamur itaque attentius pro honore fidei Christianæ, ut ex consilio archiepiscopi charissimi filii vestri rem provenire sinatis, ut illi scilicet destruantur qui contra Deum eriguntur, etc.

XVII.

C. *Ejusdem. — In causa S. Thomæ Cantuariensis.*

Pro archiepiscopo Cantuariensi sèpius nos rogare dignata est paternitas vestra. Nos vero si preces auctoritatis vestrae, divinæ pietatis intuitu præeunte, abundantius mandamus effectui, conscientia nostra exinde in Domino gloriarunt. Sed novissimo sermo divulgatus ac celebriter diffusus in regno nostro scandalum generavit. Non est nostrum vos, qui dominus estis, reprehendere: verum quæ ad opinionis vestrae detrimentum spectare credimus, silere omnino non possumus. Rex Angliæ, utpote inanis gloriae cupidus, in colloquio quod simul habuimus, litteras vestras patentes, ut dicitur, parti suæ gloriabunde ac satis jactanter ostendit, in quibus os et manus domini Cantuariensis, tam in prædictum regem, quam in totum regnum suum. ac personas de regno, suspendit vestra auctoritas, donec gratiam regis ipse fuerit plenarie consecutus. Quid ad hæc objecta respondere possumus adversari parti, videlicet imperatori et schismaticis insultantibus nobis, quia partem vestram sovere nec destitimus nec desistimus, in promptu non habemus, nec est facultas nostræ adinvenire, nisi nos vestra subtilis instruxerit in respondendo discretio. Hoc autem meminisse firmiss postulamus, quia precibus nostris, quas sèpè vobis humiliter porremus, nec intermiximus minas, nec vos dissidere præ-

sumpsimus. Quid hæc sibi velint, facile potestis A concipere, et hæc ad plenum interpretari vestræ discretionis experientia plenius agnovit. Lateri vestro duo assistunt, in quos rei hujus culpa refunditur. Sed quidquid nos agamus, non est sublimitas et discretionis vestræ contra scientiam suasu pravo aliquatenus deviare.

XVIII.

Ejusdem. — S. Thomam Cantuariensem commendat.

Potestis recolere quia pro domino Cantuariensi nos rogavit sanctitas vestra et gratias egit. Novitatem si in eo non remansisset quod plus honoris et humanitatis ipsi impendere seni parati fuimus et libenter impendissemus et adhuc erga eum in nullo remittitur modo noster animus. Porro sicut pro eo vestras habuimus preces, sanctæ paternitati vestræ propensius supplicamus ut ejus tribulationem et pressuram quam sustinet pro Ecclesia Romana, cuius est fidelissimus et vestræ devotissimus personæ, in corde vestro habeatis. Nobis autem notificavit in quantum gratia vestra nuntiis suis adfuerit, et pro hoc ipso agimus excellentiæ vestræ pietati uberes gratias: magnæ autem benevolentiae vinculo erga archiepiscopum amantissimum filium vestrum devineti pauca vobis pro ipso scribimus, et tamen in paucis satis esse dictum sapienti intelligimus.

XIX.

Ejusdem. — Thomam exsularem ab ipso honorifice suscepimus significat.

Tenemus firmiter et recolimus, quod dominum Cantuariensem, virum probatum, pro Ecclesia Dei exsilium ferentem, nobis per manum tradidistis: et nos eum sicut commendatum vestrum habemus, et non quantum volumus ipsi proficimus, sed libenter et ex devote corde eum honoramus. Recordamur etiam, quia ipsum in discessu vestro commendavimus vobis, et cum magna precum instantia petebamus, ut eum soveretis, ut eum exsulem vestrum misericorditer respiceretis. Sed sicut dicitur, et nostram commendationem et exsilium ejus postposuit sollicitudo vestra. Sciatis autem quod nimis turbato animo portaremus ea, quæ dicuntur facta esse, sicut in Normannia, et in Anglia, et etiam in Francia prædicatur, nisi eadem emendare satageret vestra sinceritas. Sciatis etiam quod multi scandalizantur, et in eo quod factum esse dicitur, paternitatem vestram culpare et notare non dubitant. Nos ipsi admodum indignantes miramur, et magis mirabimur, nisi integritas vestra ea, quæ dicuntur, falsa esse ostenderet. Et pro ipsis personæ calamitate tam longa, et pro tollenda infamia ista expidiret vobis et curiae, in brevi quidpiam et super hoc facere ex novo et virili consilio. Loqui prolixius, et edocere sapientiam vestram nobis imprimabatur ad præsumptionem, quia in paucis constat satis esse dictum sapienti.

XX.

Ejusdem. — De cæde S. Thomæ.

ALEXANDRO Dei gratia summo pontifici, Ludovicus eadem gratia Francorum rex, salutem et debitam reverentiam.

Ab humanæ pietatis lege recedit filius, qui matrem deturbat, neque Creatoris beneficii reminiscitur, qui sanctæ Ecclesiæ illata turpitudine non tristatur. Unde specialius est condolendum, et novitatem doloris excitat inaudita novitas crudelitatis: quoniam in sanctum Dei insurgens malignitas, in pupillam Christi gladium infixit, et lucernam Cantuariensis Ecclesiæ, non tam crudeliter quam turpiter jugulavit. Excitetur exquisitæ genus justitiae, denudetur gladius Petri in ultionem Cantuariensis martyris, quia sanguis ejus pro universali clamat Ecclesia, non tam sibi, quam universæ Ecclesiæ conquerens de vindicta. Et ecce ad tumulum agonizante, ut revelatum est nobis, divina in miraculis revelatur gratia, et divinitus demonstratur, ubi humanitas requiescit, pro cujus nomine decertavit. Latores vero præsentium patre orbati vestræ pietati seriem indicabunt, et testimonio veritatis aurem mitissimam adhibete, et tan de isto negotio, quam de aliis, ipsis tanquam nobis credite.

XXI.

Ejusdem. — Hortatur pontificem ad resecanda sua auctoritate vitia.

Si beneplacitum est Domino in populo suo, ut exalteat mansuetos in salutem, instare credimus tempus et horam, qua judicium sit mundi, et princeps mundi hujus ejiciatur foras (Joan. xi). Expectavimus ut videremus diem istum, vidimus et gavisi sumus. Utinam sicut aspiravit dies, ita et inclinentur umbræ (Cant. ii), fiatque de medio caligo criminum, et nebula peccatorum, quæ texit hactenus omnem terram. Videmus et gaudemus redditam vobis pacem, videamus et per vos redditos dies bonos, in quibus sibi justitia et pax mediante charitatis osculo copulentur. Dies ipsi vitæ vestræ felicibus limitantur egressibus, quibus novo et amplectendo miraculo annosior indulta est prolixitas temporum, ut auctior vobis surgat tessera meritorum. Neque enim frustra credendum est, quod ideo in vobis hoc donum Ecclesiæ suæ sanctæ Rex immortalis indulserit, ut antecessores vestrus, quos vincitis diuturnitate rerum, vincatis in beatitudine sæculorum. Profecto namque supernus ille mortalitatis nostræ moderator et arbiter, ideo vos in diem hanc, sicut confidimus, reservavit, ut accepto tempore justitias judicetis, et ponatis prava in directa, et aspera in vias planas: ut restituatis Jerusalem, sicut in diebus antiquis, ponentes deserta ejus, sicut hortum Domini, et solitudinem ejus quasi delicias. Luxit hactenus et elanguit terra, confusus erat Libanus et sordebat; sed insunditur ecce verna temperies, et de visceribus terræ bonæ spei germina reviviscent. Concussa sunt namque corda mortalium, judiciorum vestru-

rum timore mollita, ita ut infecundi hactenus A pectoris gleba florente jam cespite, in frugem vitæ melioris erumpat. Ecce jam florent vineæ, jam flores fructus parturiunt; tantum sit, qui capiat vulpes parvulas, et omne reptile venenatum in suæ malignitatis astutia comprehendat. Quod ne consueti turbinis impedire possit occasio, ecce hiems transiit, imber abiit et recessit, tempus putationis advenit (*Cant. ii.*) Putetur ergo Domine, putetur, et fodatur vinea Domini Sabaoth, ut sarculo fructiflante in usus ampliores exuberet, dum sterilia sarmenta non sustinet. Pacataam vobis hanc vineam reddidit Dominus Deus vester. Vestri erit amodo operis et laboris, ut eam sibi mundam et fructiferam resignetis, stilleat super eam montes dulcedinem et colles jucunditatem; et dantibus cœlis pluviam, ipsa quoque proferat fructus suos. Date simul et vos voci vestræ vocem virtutis, ut audiant et intelligent universi, quod posuerit vos Dominus in lucem gentium, ut sitis salus ejus usque ad fines terræ. Præsto est enim piæ intentioni vestræ operandi facultas, cui tanta conceditur sanctæ operationis auctoritas. Et ut paucis multa complectar, ad restaurandum Ecclesiæ statum posse adjacet vobis, velitic tantum, et salva sunt omnia. Prope est, ut et ipsa clamet ad vos. *Tantum dic verbo, et sanabitur puer meus* (*Math. viii.*). Quis enim non credit auditui vestro? Quis non obedit verbo? Quis non obtemperat iussioni? Quod etsi reluctari quispiam pro sua malignitate præsumperit, sonent exultationes Dei in fauibus vestris, et gladii ancipites in manibus assumantur, ad faciendam vindictam in nationibus, et increpationes in populis. Ad alligandos reges eorum in compedibus; et nobiles eorum in manicis ferreis (*Psal. cxlix.*). Fuerit hactenus impossibilitatis et malitiae temporis, quidquid in Ecclesia Dei circa instituta ecclesiastica pullulavit: superest amodo, ut vobis omnimodis impunitetur, si ex vestro neglectu depereat, quod utilitas universitatis exspectat. Agite ergo, agite, ut Ecclesia sancta jam tandem in unitate lucretur, quod amisit in schismate: et damna præcedentium temporum nostrarum resarciat integritas actionum. Omnia omnibus hactenus licuerunt, satisque prodit dissolutio vitæ, quantum enervata sit severitas disciplinae. Pontifices etenim nostri præsunt utique, sed pauci qui prosint: bene cum quibusdam agitur, si non obsint. Qui utique in usus vel abusiones mage superfluas equos multiplicant et quadrigas, ut locorum quocunque pervenerint, omnia sumptibus et superfluitate confundant. Non sunt hæc quadrigæ Aminadab, non est hic cœlestis exercitus equitatus: Viderint ipsi, ne illorum potius sit forma curruum, quos mediis fluctibus involvit Omnipotens, quando equum et ascensorem dejicit in mare (*Exod. xv.*). Pupillo non judicant, causa viduæ non intrat ad eos. Fitque apud nonnullos eorum, ut sola æstimatione muneris in statera præponderet æquitatis. Cum in villam vel monasterium quodlibet venturus

A nuntiatur antistes, regem putetis prodire, non præsulem; tantus est equorum exercitus, tanta caterva comitum, tantus præcedentium populus garcionum. Deinde in lautas epulantium cœnas tenuis Ecclesiæ victus exspirat, et almonia pauperum migrat in delicias convivantium. O si esset, qui parietem foderet, ut radius lucis vibraretur introrsus, qui educeret ad judicium opera tenebrarum, et ad vindictam exigeret umbram mortis. Porro ad hæc omnia corrighenda ostium vobis est apertum in Domino, ut remoto universæ difficultatis objectu currat velociter apostolicus sermo, quem audiat Sion, et lateatur; et filiæ Judæ in judiciis ejus exsultent. Sicut ergo magnificavit Dominus facere nobiscum, et cum aliis catholicis regibus et principibus orthodoxis, B quibus opatum præstilis in vestra exaltatione triumphum: ita et ipse in vestris necessæ est operibus honoretur; ut celebre sumamus de publici status emundatione tripodium. Sane iste quem deploravimus Ecclesiæ morbus, perpetuum crescit et proficit in languorem, nisi in hoc concilio receperit sanitatem.

XXII.

A... regine Francorum perjurio Joannis de Oxenford; Thomam Cantuariensem commendat.

Sanctissimo domino et Patri charissimo ALEXANDRO, Dei gratia summo pontifici, humilis et devota filia ejus A..... regina Francorum, salutem, et cum sinceritate cordis devotum obsequiuin.

Vobis sicut Patri loquar et domino, cuius honorum dominus meus rex, et ego, et totum regnum nostrum desideramus ut proprium, quia vester honor noster est, et confusio vestra, quam Deus avertat, nostra. Qui vos in patrem suscepimus et dominum, et in circuitu nostro frementium regum, et animam vestram querentium, pro Deo et vobis contempsimus inimicitias. Audite ergo, si placet, filiam vestram, et in eo quod dictura sum, non sexum contemnatis feminineum, sed amantis attendatis affectum. Anno præterito gravissimum in Ecclesia Gallicana scandalum fecit Joannes de Oxenford, qui suo perjurio de Romana tam facile triumpavit Ecclesia. Secuti sunt eum cardinales, quorum bona opera nondum audita sunt in terra nostra, C et utinam mala silentio tegerentur. Unde et scandalum multiplicata sunt. Nunc autem per novissimos suos nuntios obtinuit rex Anglie litteras, si tamen adulteratæ non sunt, patentes, quibus statuistis, ut Cantuariensis archiepiscopus, qui jani quadriennio pro justitia exsulavit, sententiam ferre non possit in eum, vel in terram ejus, nec gravamen inferre alicui personæ de terra sua, donec in ipsius gratiam restituatur. Nonne, Pater, ex his litteris habere videtur auctoritatæ impune peccandi, et archiepiscopum perpetuo proscribendi? Nam de cætero in arbitrio ejus erit eum recipere in gratiam vel non recipere. Hinc adeo scandalizata est, apud nos tota Ecclesia, ut magis turbari non possit, quia malum exemplum omnibus principibus datum est.

Dominus meus rex, cui archiepiscopum tradidistis, turbatur plurimum, quod inter manus ejus, si tamen in hac sententia persistenteris, innocens jugulatur. Dolet regnum totum, quod apud vos prævalent hostes nostri. Exspectat adhuc dominus meus rex exitum promissionis vestræ, quam nisi citius viderit adimpleri, quid de Romana Ecclesia sperare debeat, edocebitur, et posteri sui. Valete, charissime et sanctissime Pater et Cantuariensi archiepiscopo, si placet, subvenite.

XXIII.

Beati Petri, cognomento Monoculi, Clarevallensis abbatis octavi. Queritur, a sacerularibus vexari ordinem Cisterc. litibus, direptione bonorum, etc. et opem pontificis adversus hæc mala implorat.

[Biblioth. Patr. Cisterc., III, 284.]

Crescit diei malitia, et pericula temporis invalescent; ita ut quos prædicti Apostolus (*11 Tim. iii.*) dies sentiamus instare novissimos, in quibus abundante iniquitate, multorum charitas refrigescat. (*Malh. xxiv.*) Specialiter autem adversus filios vestros Cisterc. ordinem proflentes sæculi hujus mare vadit et tumescit, et objectu sese vestre protectionis illidens, tota in nos tempestate consurgit. Rugit quodammodo, et circa vectes et ostia quæ posuistis immurmurat: indignans videlicet dictum sibi: *Huc usque texies, non procedes amplius, et hic confringes immentes fluctus tuos* (*Job xxxi.*). Ecce enim filii mundi hujus, quos prudentiores filii lucis in generatione sua Veritas ipsa pronuntiat (*Luc. xvi.*), invidunt nobis hoc ipsum quod vivimus; dum eorum peruersitas habere non patitur, quo vivamus. Videntes siquidem, quod operibus manuum nostrarum Dominus benedixerit, in viaticum peregrinationis nostra tota malignitate dessævint, machinantes omnimodis, ut possint pauperum substantiam vel per calumniam concutere, vel per rapinam. Instaurant lites, exaggerant quæstiones; et si aliter tollere nostra non præalent, in illius fraudis commenta transiliunt, ut a nobis interdum suam suorumque pecuniam calumniosa penitus, et conficta mutui vel depositi actione reposcant. Deinde lite sub iudice contata, testimonium contra nos venale quidem, sed non veniale producitur, et enervatur undique; sinceritas veritatis improborum testium labefactata perjuris. Quod utique si dissimulatis et sustinetis i posterum, *non nobis Domine, non nobis* (*Psal. cxiii.*), sed scurris et epulonibus laboramus: reliquumque est, ut ad vellicandas facultatas nostras non in vacuum currant, quicunque nomen Dei sui in vacuum accipere non formidant. Succurrите proinde, beatissime Pater, et recenti adhuc morbo recens adhibete remedium, ne panes filiorum canes comedant, et stipendia pauperum luxus sibi vindicet et ebriositas comedantur. Alioqui, ut quid mortificamur tota die? Ut quid fratres nostri in laboribus plurimis, in ardoribus abundantius, in frigore supra modum, anxiæ vitæ modicam stipem ex imis visceribus defossæ telluris

A extorquent? Precamur igitur, quatenus præsæ consuetudinestor vestro nobis privilegio restauretur: ut si quis videlicet ab aliquo monasteriorum nostrorum rem indebitam dubiamne poposcerit, abbas loci rei veritatem in propria conscientia periculum requisitus, et monachus sive conversus ex obedientiæ virtute jussus alleget; et sic in verbo veritatis eorum anicipitis cause decisio perseveret. Quod si feceritis, sine aliorum injuria nostra nobis jura servatis. Si vero vobis via forsitan ista minus placet, inveniente aliud quantumque remedium, quod cum removerit a pravorum cupiditate perjurium, cessare a nobis faciat solutionis indebitæ detrimentum.

XXIV.

B *Ejusdem. — Gratias agit pontifici pro collatis beneficiis, præsertim canonio Balernensi (quod est de linea Clarevallis), cuius inchoatum iudicium adversus iniquos celeriter terminari exoptat.*

Ibid.)

C Quid facimus, pie Pater, quod ad referendas vobis gratias, quas profusa in ordinem beneficentia exigit, nec vires nobis, nec merita suffragantur? Confirmata est in nobis magnificientia vestra; confortata est super nos et non poterimus ad eam, cum tanta sit affluentia benedictionis et munieris, ut inaniter ad recompensationem ejus se erigat nostra insufficientia paupertatis. Ad Deum igitur humilitate supplici recurreentes, petiuimus incessanter ab eo, ut ipse vobis retribuat pie actionis præmium, qui præstitit pietatis affectu: et in hoc Ecclesiæ capite gratiæ coelestis unguenta multiplicet, quæ usque ad fimbriam vestimenti ejus jugi pro fluvio inhaustæ consolationis emanet. Sane in præsentiarum ad pedes vestros pro monasterio Balernensi has tantillas gratias exsolventes accumbinus: pro eo quod sibi justitiam suam sub iniqua diripientium sorte captivam quasi post liminio liberam resignast, et de anicipitis concertationis salo in portum quietis pristinæ reduxistis. Porro adversarius ejus defectu indicat sibi probationis exterritus, paginam rescripti vestri non reddidit, eo utique tenore subnixam, ut si ille a quadragenariæ præscriptionis assertione defecserit, penes Balernenses fratres possesso restituta resideat, et os calumniantis et æmuli perpetui silentii repagulis obmutescat. Non reduxit ergo, non reddidit, exspectans, ut dicitur, vitæ vestre finem, ut tunc emortua cause suæ novam denuo meditetur originem. Pie Jesu, quanta est in timidis conscientiis sub tremula meditatione versutia! Justitiam sibi emori suspicatur, nisi justitiae moriatur antistes, et subobscurum præsagiens de falsitatis obumbratione compendium, publici luminis præstolatur occasum. Ut ergo meutiatur iniquitas sibi, petimus cum debitæ salutationis honore, ut nisi infra certum terminum jus allegaverit quod reclamat, promulgatæ taciturnitatis refrænetur objectu: quatenus dum obtenuit justitiae, quam funeris aucupatur eventibus, in tanti Patris fata suspendi-

tur vividæ mucrone sententiæ sua potius injustitia A subnixam, vos in Patrem et dominum, vos in summum pontificem et catholicum cum universis, tam clero quam populo meæ potestati a Deo commissis, in vestris legatis recepi, solemnitate debita et veneratione.

XXV.

Conventus Claravallis. — *Orat conventus pontificen, ne suo abbate Henrico, qui ad Tolosanum episcopatum quarebatur, destinatur.*

Discipulorum Christi exemplo ducimur (*Math. viii.*), ut in pelago mundi hujus procella surgentे deterriti, ad cœlestē præsidium fugiamus a fluctibus. et quiescentem in puppe vicarium Salvatoris pulse-
mus precibus, clamoribus excitemus. Considimus enim, quod navicula Claravallis, quæ ab olim vos habet in omni tempestate rectorem, undosis ictibus etsi colliditur, non quassatur, quandiu inter maris hujus turbines procellosos tali et tanto gubernatore dirigitur. Et ut ejus quæ de vobis est, summam B nostræ fiduciae pernoscat, non timebimus præsiden-
tibus vobis in qualibet commotione naufragium; quia stabit, si dixeritis, spiritus procellarum. Ecce au-
tem nunc, beatissime Pater, repentina turbatio fra-
gor infrenuit, et tempestas e longinquō prorumpens horrorem nobis proximæ turbationis invexit. Eccle-
sia siquidem Tolosana proprio destituta pastore, oculos in abbatem nostrum nostræ pacis æmula ir-
reverenter injectit: tanquam non putet sibi a pro-
pria ruina surgendum, nisi et nobis interim status nostri machinetur excidium. Quærit et satagit jaciu-
ram suam de nostra calamitate resicere: non atten-
dens neque recognitans, quam perverso ordine divini-
nis dispositionibus obviet, si Hebraeorum spolis Ægyptios locupletet. Nos autem, quorum interest
mutationis hujus pensare dispendium, ad pedes ve-
stros flebili devotione prosternimur, profusis lacry-
mis unanimiter exorantes, quatenus contra hujus turbinis instantiam tranquillitas nobis vestræ con-
solationis arrideat, ut nullum admittatis de Patris mutatione consilium, quod plangat in posterum ca-
lamitas filiorum. Scitis enim vos, et nos ipsi ex-
perimento didicimus, quod in variatione magistra-
tuum quantumlibet tenax disciplina resolvitur; et admissa crebrius mutabilitate pastorum, gregis ple-
rumque sinceritas dissipatur.

XXVI.

Henrici regis Angliæ. — *Pontifici electo gratulatur; velit ut ipsum in proprium et spirituale filium recipiat.*

(*Ibid.*)

Charissimo domino et Patri suo ALEXANDRO Dei gratia summo pontifici, HENRICUS rex Angliæ, et dux Normanniarum et Aquitaniarum et comes Andegavensis, salutem et debitam in Christo subjectio-
nem.

Novit satis vestra discretio, quam fideles sanctæ Romanæ Ecclesiæ antecessores nostri semper exti-
terint, qui in simili casu nonnunquam probaverunt, cum in sancta Ecclesia, peccatis exigentibus, exor-
to schismate, catholicam secuti sunt unitatem. Hanc ergo patrum meorum approbans et sequens devo-
tionem, quia vestram electionem veritate, credo,

A subnixam, vos in Patrem et dominum, vos in summum pontificem et catholicum cum universis, tam clero quam populo meæ potestati a Deo commissis, in vestris legatis recepi, solemnitate debita et veneratione. Vos igitur clementissime rogo, et cum omni humilitate obsecro, ut me in proprium et spiritualem filium recipias, et in meis petitionibus me, si vobis placet, exaudiatis. Latorem præsentium fratrem R. in cuius ore mea negotia posui, plenus vobis exprimenda benigne suscipias, et his, quæ ex parte mea vobis dixerit, assensum et effectum exhibeatis. Ego ad vestram voluntatem sum paratus, et me et mea vobis expono, arbitrio vestro penitus expo-
nenda.

Teste cancellario, apud Rothomagum.

XXVII.

Ejusdem. — *Sententiam excommunicationis ab epi-
scopo Cantuariensi contra quosdam latam petit re-
laxari.*

Venerabili Patri summoque pontifici ALEXANDRO, HENRICUS rex Angliæ, dux Normanniarum et Aquitaniarum, et comes Andegavensis, salutem et debitam venerationem.

Si devotionis meæ, Pater, erga sanctitatem ve-
stram experimentum quæritis, et quæ in vestræ pro-
motionis initio ad honorem vestrum fideliter a me
gesta sunt, elapsa forsitan a memoria non tenetis,
id saltem quod mandato vestro a me nuper effectu
completum est, precor ut præ oculis habeatis, et
devotionem meam erga vos ex ipsa mei operis at-
tentione plenissime, si placet, advertere cognosca-
tis. Hostem enim mihi infestissimum in meum et
meorum, quod abs! externinium tota sua possibili-
tate promptissimum, sedentem mihi semper in
insidiis ut machinetur in me malum, cui convivere,
ut præsens indicat casus, mors mihi est, in regno
cohobitare confusio, hunc mandato vestro vestris
me totum substernens pedibus in pace suscepit, et
de latere meo ducatum sibi providens, ut cum pace
deduceretur ad propria sollicite procuravi. Quæ ni-
mirum pax non solum sibi, sed et suis plene con-
cessa est, et homines qui meas jam diu carnes ama-
ris, ut sic dicam, morsibus lacerare non destiterunt,
qui per orbem discurrentes sinistris adversum me
mundum rumoribus impleverunt, in regno meo cum
pace suscepit, sollicite providens ne læderentur ab
his quos læserant, ne ab his quos offenderant, ali-
quid omnino molestie sustinerent. Oportebat itaque
sanctitatem vestram Pater, et mihi prospexisse, ne
malum mihi pro bono redderetur, ne in ejus ad-
ventu cui pacem dederam, et quem cum pace suscep-
peram, regni mei pax illico turbaretur, et Ecclesia
regni, quæ nihil tale meruerat, absque audientia
ad falsas ejus suggestiones tanti mole gravaminis
opprimetur, ut quidam suspensioni, quidam ana-
themati subjecti sint, cum, si defensionis sibi detur
oportunitas, se nil tale meruisse, juvante Domino,
per omnia probare parati sint. Unde sanctitati ve-
stræ devolutus supplico ut, si quæ sunt, aut esse pos-

sunt erga me pristinæ charitatis reliquæ, sententiæ regni mei personis impositam, amore justitiae meæque petitionis intuitu relaxetis, et si quis aduersus eas querelam super quacunque re moverit, causam aut per vos, aut per quos vestræ discretioni placuerit examinetis, ut in jure pro se quisque respondeat, et judiciale calculum, quem meruisse convincetur, excipiat. Illoc alii non negaretis. Quod si mihi negatum fuerit, dicam, quod doleo, quia nimia me severitate repellitis, et abjectum reputatis. Cætera præsentium latori magistro David, quem mihi commendavit gratia vobis intimanda commisi, quem si mihi compatiendo exaudieritis, corpus meum vobis et animam, quam jam periclitari metuo, Deo conservare poteritis. Valeat et suis exorabilem se præbeat sanctitas vestra, Pater.

XXVIII.

Ejusdem. — De libera electione ab ipso Ecclesiæ Anglicanæ concessa. Badoniensem electum commendat.

Domino pape, dominus rex.

Novit Ecclesia Romana ex longo temporis tractu quantam libertatem antecessores nostri circa institutiones ecclesiarum habuerint, quam nos intuitu Dei et precum vestrarum interventu, secundum admonitiones venerabilium virorum Al[berti] et Th[eodwini] legatorum vestræ sanctitatis ad æquitatem canonice moderationis temperavimus. In præsentiarum itaque liberam electionem Ecclesiæ Anglicanæ annuimus, ut que amplius quam vellemus variis impedimentis desolata pastoribus elanguit, uberiori gratia nostræ liberalitatis induita libertate respiret. Delata igitur ad nos electione Badoniensis Ecclesiæ, communicato consilio episcoporum nostrorum, et modum et ordinem electionis canonice processisse cognoscentes, electi personam honestatem morum et litterarum perspicuum vestræ discretioni commendare dignum duximus. Et quanquam ex longa conversatione inter vos habita vobis ipse præcipue innotuit, qui et multiplici testimonio vestræ sanctitatis apud nos probabilis exstitit, pro eo tamen quanta possumus precum instantia supplicamus, quatenus eum talem habeatis, qualem eum nobis habendum sæpius prædicantis. Provideat igitur vestra sanctitas, ne invidia nominis nostri efficiat, quominus debitam assequatur consummationem quod hactenus tanta sinceritate processit.

XXIX.

Ejusdem. — Pontificis intuitu archiepiscopo Cantuariensi pacem et amorem suum se reddidisse significat; queritur quod Vivianus et Gratianus, apostolicæ sedis legati, promissis de excommunicatione solvenda non steterint, et causantes verbum illud quo nos dignitatem ream nostri salvam fore dixeramus. ▶

ALEXANDRO p.pæ, HENRICUS rex Angliæ.

Episcopos nuntios noctros ad pedes paternitatis vestræ direximus, rogantes et supplicantibus, quatenus querelia quæ inter nos et Cantuariensem vertuntur, finem debitum, justitia mediente, poneretis.

PATROL. CC.

A Et tandem placuit benignitati vestra, ut juxta petitionem nostram de latere vestro legatos nobis mitteretis cum potestatis plenitudine, ut omnes controversias nostras plene decidere et definire possent, remoto appellationis obstaculo. Qui cum in hac potestate, sicut nuntii nostri ad nos reportaverunt, et litteris vestris continebat expressum, quas adhuc penes nos habemus, missi fuissent, sicut per eosdem legatos, cum ad nos pervenissent, accepimus, potestas illa ad injuriam nostram illis subtracta est. Unde cum nos ad omnem justitiam coram eis nos offerremus, prefatus Cantuariensis, qui ita inique et malitiose erga me se habet, sicut vobis et toti mundo innotuit, coram illis justitiae parere omnino contempsit. Ob cujus defectum alias

B deinceps nuntios ad majestatem vestram transmisimus, per quos litteras vestras recepimus, quas et ipsas adhuc penes nos habemus, in quibus terram nostram et personas regni a præfatis Cantuariensis potestate eximebatis, donec ipse in gratiam nostram rediisset. Quod cum ante restitutionem nostræ gratiae, nescimus ob quam causam, immutaveritis, dum alii nuntii nostri adhuc in curia vestra morarentur, et antequam novissimi legati vestri ad nos pervenissent, Vivianus et Gratianus, ipse in personas regni nostri, et in quosdam familiares et servientes nostros, qui singulis diebus nobis assistebant, excommunicationis sententiam promulgavit. Cum vero prænominatos nuntios debito nos honore suscepissemus, qui tam per litteras vestras, quam

C viva voce protestabantur, quod ad honorem nostrum et regni nostri exaltationem venissent, primo loco de absolvendis excommunicatis tractavimus, qui non solum ad nostram, verum etiam ad vestram et ad eorumdem legatorum injuriam excommunicati videbantur, petitionibus illis, quas ex parte vestra nobis proponebant, quantum poteramus, ob reverentiam et amorem vestrum pio assensu condescendentes. Proponebant siquidem litteræ vestræ, quatenus sæpe fato Cantuariensi episcopatum suum, pacem et amorem nostrum redderemus. Nos vero, postposito omni honore nostro, communicato consilio Burdigalensis et Rothomagensis archiepiscoporum, Cenomanensis, Redonensis, Bajocensis, Lexoviensis, Constantiensis et Sagiensis episcoporum, Fiscannensis, Beccensis, Sancti Wandergisili, Cadomensis, Toarnensis, Ceresiensis, Rievallensis, Mortuiarensis, Tyronensis, Belberensis, et quorundam aliorum abbatum, necnon et Gaufredi Autisiodorensis, et quorundam aliorum religiosorum virorum, concessimus ante dicto Cantuariensi, licet ipse, sicut vobis multoties significavimus, absque conscientia nostra et coactione aliqua a regno nostro exierit, ut in bono et in pace rediret, et possessiones suas omnes haberet, sicut habuit quando a regno exivit, et ipse et omnes qui cum eo vel propter eum exierunt, ob honorem Dei, et ob amorem vestrum, salva dignitate regni nostri. Cumque nuntii vestri coram supradictis viris responsum hoc

absque omni contradictione recepissent, excommunicatos illos, qui præsentes erant, absolverunt. Convenit autem inter nos, ut alter eorum, Vivianus scilicet, pro excommunicatis illis qui in Anglia erant absolvendis transfraret, Gratianus vero ad verba hæc sæpe nominato Cantuariensi transportanda rediret. Mane autem facto cum ab eis, qui busdam negotiis nos trahentibus, accepta ab eis prius licentia, recessissemus, nescimus cuius instinctu, aut quo spiritu, concessis stare recusaverunt, causantes verbum illud, quo nos dignitatem regni nostri salvam fore dixeramus. Quod tam nobis, quam illis qui nobiscum aderant, nullo jure ab eis causari debere videbatur. Nos autem hujus rei seriei ad vestram conscientiam referendam esse duximus, de vestra semper discretione præsumentes, quod vos in nullo honori nostro derogare velitis, vel regni nostri dignitati, obnoxie serenitati vestræ supplicantes, quatenus attente considerantes honorem et utilitatem, quam vobis et curiæ vestræ contulimus, et in futurum, nisi per vos steterit, conferemus, sic rem temperetis, ne penes vos tantum possint illius perfidi proditionis nostri malitiose blanditiæ, quantum evidenter tot et tantorum viorum testimoniis corroborata causæ nostræ merita, sed juxta petitionem nostram eos, qui excommunicationi sunt, absolvalis, et ne in nos et alios venenum suæ excommunicationis perfundere possit, provideatis. Ne si minus in hac justa petitione nostra exaudiiti fuerimus, tanquam de vestra benevolentia desperantes, aliter securitati nostræ et honori propicere compellamur. Et quoniam singula, quæ a nobis dicta sunt et proposita, difficile scripto comprehendenterunt, transmittimus ad pedes paternitatis vestræ clericos et familiares nostros, Reginaldum, archidiaconum Saresberiensem, et Ricardum Barre, qui plenus vobis cuncta, quæ hinc inde agitata sunt, exponent. Quibus in cunctis, quæ ex nostra parte vestræ sanctitati proponent, fidem indubitanter habeatis. De quorum redditu festinanter matrato vestra, precamur et consulimus sollicite, pro videat discretio, quoniam eorum mora dictum periculum et damnum intolerabile Ecclesiæ posset afferre.

XXX.

Ejusdem. — Queritur quod Londoniensis et Saresberiensis episcopi, post appellationem ad pontificem factam, excommunicationis sententia de novo ab archiepiscopo Cantuariensi sint innodati.

ALEXANDRO pape, HENRICUS rex Angliæ, omnino subjectionis debitæ obsequium.

Vestræ satis innotescit serenitati, quanta me et terram meam affligat molestia, quantis me vexaverit injuriis Thomas ille Cantuariensis adversarius meus, cum, teste conscientia, nihil meruerim, nil gesserim tam vehementer et injuriosa dignum contumelia. A vestra siquidem non credo excidisse memoria, quod judices sanctæ Romanae Ecclesiæ cardinales a vestra impetraverim paternitate, ut

A super causa ista cognoscerent, sed placuit sanctitati vestræ, ut adversarius meus eximeretur a cognitione, nec potuit vestro præpedita præcepto in lucis venire claritatem innocentiae sinceritas. Sæpius etiam, imo semper paratus extitit in facie Ecclesiæ juri et judicio stare, si vel in minimo delinquisset, quod me fecisse non recolo, prout ratio dictaret satisfacere, et longe amplius quam antecessores mei, qui me præstantiores extiterunt, Ecclesiæ Cantuariensi fecerint, semper paratus sui facere. Proinde admirari non sufficio, quod permittit prudenteria vestra devotum Ecclesiæ Romanæ filium, juri semper stare paratissimum, contra omnem iustitiam, ut mihi videtur, deprimi, injuriosis præter rationem contumelias molestari. Nunc itaque innumeris præcedentibus novam adjicit injuriam, qui affligere non desistit innocentem. Vestra siquidem fultus, ut asserit, auctoritate, devotos et fideles Ecclesiæ Romanæ filios, Londoniensem et Saresberiensem episcopos, post appellationem ad vos factam, juri per omnia parituros, non citatos, non vocatos, non convictos, nullo modo commonitos, excommunicationis de novo innodavit sententia. Quibusdam etiam de familiaribus meis anathematis intentat severitatem, nullam adversus eos habens rationabilem causam. Quod non minus ægre fero, quam si in meam propriam personam lata foret sententia. Hoc autem quam sit mihi intolerabile, quam fauæ meæ et vestræ generet lesionem, vestræ non credo incognitum prudentiæ. Videtur etiam quod me quasi derelictum abjecerit paternitas vestra, quia filii non attendit nec curat injuriis, sed ad ignominiae et contumeliae meæ augmentum, flagitiosum in me permittit grassari inimicum: nec reprimit injuriarum vehementiam paternæ correctionis moderatio. Vestram igitur suppliciter obsecro et adjuro, ut justum est, celsitudinem, ut quem filio debetis, operis exhibitione monstratis affectionem, et illatam mihi, et personis meis, et terræ meæ absque ordine judiciario emendare dignemini absque tardatione injuriam. Cum omnimoda etiam devotione attentius supplico, quatenus quidquid prænominatus Thomas adversarius meus, contra juris ordinem, post factam appellationem ad vos, D in personas regni mei, clericos et laicos statuit, irritum et vacuum habeatis, teste G. Vasatur episcopo apud S. Macharium in Guasconia.

XXXI.

Ejusdem. — Significat mortem sancti Thomæ Cantuariensis archiepiscopi.

(Anno 1171.)

[MARTEN., Thesaur. Anecdot. ex ms. S. Michaelis in Periculo maris.]

ALEXANDRO Dei gratia summo pontifici, H. rex Anglorum et dux Normannorum et Aquitanorum et comes Andegavorum, salutem et debitam devotionem.

Ob reverentiam Romanæ Ecclesiæ et amorem vestrum, quem, Deo teste, fideliter quæsivi, et constanter usque modo servavi, Thomæ Cantua

riensi archiepiscopo juxta vestri formam mandati pacem et possessionum suarum plenam restitutio- nem induisi, et cum honesto commate in Angliam transfretare concessi. Ipse vero in ingressu suo non pacis laetiam, sed ignem portavit et gladium, dum contra me de regno et corona proposuit quæstiōnem. Insuper meos servientes passim sine causa excommunicare aggressus est. Tantam igitur protervitatem homines non ferentes excommunicati et alii de Anglia irruerunt in eum, et, quod dicere sine dolore non valeo, occiderunt. Quia igitur iram, quam contra illum dudum conceperam, timeo causam huic maleficio p̄st̄tisse: Deo teste, graviter sum turbatus. Et quia in hoc facto plus fame meæ quam conscientiæ timeo, rogo serenitatem vestram, ut in hoc articulo me salubris consilii medicamine soveatis.

XXXII.

Eiusdem. — Queritur de rebellione Henrici, reliquorumque filiorum contra se, et auxilium pontificis implorat.

Sanctissimo domino suo ALEXANDRO, Dei gratia catholice Ecclesiæ summo pontifici, H. rex Angliæ, dux Normaniæ et Aquitaniæ, comes Andegaven. et Cenoman., salutem et devoutæ subjectionis obsequium.

In magnorum discriminum angustiis, ubi domes- tica consilia remedium non inveniunt, eorum suffragia implorantur, quorum prudentiam in altioribus negotiis experientia diuturnior approbat. Longe latèque divulgata est filiorum meorum mali- tia, quos ita in exsilium patris spiritus iniquitatis armavit, ut gloriam reputent et triumphum, pa- triam prosequi, et filiales affectus in omnibus diffi- teri, præveniente meorum exigentia delictorum. Ubi pleniorem voluntatem contulerat mihi Dominus, ibi gravius me flagellat: et, quod sine laerymis non dico, contra sanguinem meum et viscera mea cogor odium mortale concipere, et extraneos mihi querere successores, ne videam de semine meo sedentem super thronum meum. Illud præterea sub silentio præterire non possum, quod amici mei recesserunt a me, et domestici mei querunt animam meam. Sic enim familiarium meorum animos intoxicavit clandestina conjuratio, ut observantæ proditoriae conspirationis universa post habeant. Malunt namque meis adhæserere filii contra me trans fugæ et mendici, quam regnare mecum, et in amplissimis dignitatibus præfulgere.

Quoniam ergo vos extulit Deus in eminentiam officii pastoralis ad dandam scientiam salutis plebi ejus (Luc. i), licet absens corpore, præsens tamen animo, me vestris advolvo genibus, consilium salu- tare depositens. Vestræ jurisdictionis est regnum An- gliæ, et quantum ad feudatarii juris obligationem, vobis duntaxat obnoxius temet. Experiatur Anglia,

A quid possit Romanus pontifex, et quia materialibus armis non utitur, patrimonium B. Petri spirituali gladio tueatur. Contumeliam filiorum poteram armis rebellibus propulsare, sed patrem non possum exuere; nam et Jeremia testante: *Nudaverunt lamæ mammas suas, lactagerunt catulos eius* (Thren. iv). Et licet errata eorum quasi mentis effera te me fecerint, retineo paternos affectus et quandam violentiam diligendi eos mihi conditio naturalis importat. *Utinam saperent, et intelligerent, ac novissima providerent* (Deut. xxxii). Lactant filios mens domestici hostes, et occasione malignandi habita non desistunt, quo usque redigatur virtus eorum in pulvrum, et converso capite in caudam, servi eorum dominentur eis, juxta verbum illud

B Salomonis: *Servus astutus filio dominabit imprudenti* (Prov. xvii). Excitet ergo prudentiam vestram spiritus consilli et convertatis corda filiorum ad patrem. Cor enim patria pro beneplacito vestro convertetur ad filios, et in fide illius, per quem reges regnant (Prov. viii), vestræ magnitudini promitto me et dispositioni vestræ in omnibus paritum. *Vas Ecclesiæ suæ, Pater sancte, diu Christus servet in columen.*

XXXIII.

R. comitis Legercestrensis ad summum pontificem.— Petits ipsius protectionem pro monasterio Lyrensi.

(MARTEN., Thesaur. Anecdot., I, 477.)

Reverendissimo domino et Patri A. (64) Dei gratia summo pontifici, R. (65) comes Legercestriæ humilis sanctitatis suæ filius, salutem et benedictionem.

Non arbitror, Pater sanctissime, a vestra me- moria excidisse, quoniam fideliter bona memoria pater meus R. comes Leger. quoad viveret vobis adhæserit, quoniam sincera devotione vestram sublimitatem dilexerit, unde sanctitatis vestræ litteras omni plenas paternæ suavitatis affectione recipere meruit; quas ego adhuc in memoriam ejusdem dilectionis simul et promissionis vestræ diligenter reservo. Promissum est enim quod dilectio hæc et benignitas ad hæredes ejus transmitteretur. Qua promissione animatus, flexis genibus cordis vestræ pietati supplicio, quatenus ego, qui terrenarum possessionum ejus hæres esse videor, vestræ sanctitatis interventu virtutum ipsius imitator existam. Super causa pro qua præsens lator ad vos transmissus est, hoc vestræ paternitati, cui non est tutum mentiri, significo quod Joannes Cu.... inuste vexat monachos de Lyra super decimis de dominiis meis de Sapewich et de Ringeston. Ex quo eni Normanni Angliam sibi subjacerunt, semper antecessores mei cuicunque volebant praedictas decimas dare solebant R. comes de Mellent avus meus, memoratas decimas monachis de Pratellis quondam dederat, quas cum diu tenuissent, vexatione præpositorum qui eas villas tenuerunt.

(64) Adriano vel Anastasio vel Alexandro qui suc- cesse post annum 1153 sedem apostolicam obti- nuerunt. Alexandro tamen credimus esse directum.

(65) Robertus, filius Roberti de Melento, de quo Willielmus Gemoniensis libro octavo *Historia Normannorum*, cap. 41.

graviter oppressi, questi sunt comiti de Mellent, avo meo, quod in collectione decimarum per ministrorum suorum protervitatem adeo vexabantur, ut parum utilitatis inde perciperent; sicque crebro conquesti sunt monachi, donec avus meus decimas in dominium suum vertens, monachis de Pratellis quamdam villam quæ Expectesberi dicitur in representationem earumdem decimarum donavit, quam adhuc tenent. Vir bonæ memorie Rob. comes pater meus quandoque easdem decimas præpositis suis cum alia firma sua tradidit. Tandem prout erat vir justus et timoratus, saniori usus consilio, tractans secum quod aliquando decimæ extiterant, licet per præfata villam commutatione postea facta in dominium suum jam versæ fuissent, ad proprios usus eas amplius retinere noluit, sed clericis suis eas donavit, primum Petro medico, deinde Adæ de Ely. Circa novissima vero agens, volens eas certo assignare, me præsente cum multis aliis, petitione etiam mea, supradictas decimas monasterio Lyrensi et fratribus ibidem Deo servientibus in perpetuam eleemosynam dedit, et scripto et sigillo suo eis confirmavit. Porro tantus vir, tam discretus et timens Deum nequam credendus est, præsertim in extremis positus, eas loco venerabilis et religioso legare voluisse, nisi certus esset, nulli ante assignatas fuisse. Inde est quod paternitati vestrae obnoxie supplico, quatenus intuitu pietatis et justitiae aures misericordiae vestrae justæ petitioni monachorum Lyrensum appetire dignemini, et auditio religiosorum et bonorum virorum testimonio, vestra se gaudeant protectione ab injustis calumniatoribus illius vexationibus liberari. Valete in Christo.

XXXIV

Willelmi, S. Petri ad Vincula presbyteri cardinalis, ad Manuelem imperatorem. — Hortatur ut cum Ludovico rege Francorum pro defensione Romanæ Ecclesiæ sedus ineat.

[DUCHESNE, *Rer. Franc. Script.*, IV, 490.]

MANUEL, Dei gratia serenissimo imperatori, semperque Augusto, WILLELMUS eadem gratia S. Petri ad Vincula presbyter cardinalis, salutem et continuæ posteritatis augmentum.

Ex imperialibus gestis, et ipsorum augmentis operum cognoscentes, quantis honoribus prædecessorum vestrorum reverentia, Christianorum omnium matrem sacrosanctam Romanam Ecclesiam sublimaverit, quantisque donaverit privilegiis, intuentes: et quanta eidem Ecclesiæ a barbarorum tyrannide fuerint inficta gravamina, ex quo imperatorum nomen noscitur ab illis usurpatum; merito excellentiam vestram singulari quadam intentione diligimus, et imperium vestrum perpetua servari stabilitate optamus, atque indecipientibus incrementis semper promoveri. Inde est quod desideramus, ut jam dictam Romanam Ecclesiam debita velletis ratione diligere, cum Christianissimo ac vere catholico domino Ludovico illustrissimo rege

A Franciæ, qui eidem Romanæ Ecclesiæ, et beatissimo Patri nostro Alexandro vera fide et integra devotione astringitur, firmum curaretis amicitiae sedus inire: ut quasi funiculum triplicem, qui difficile rumpitur, contextentes, trium potestatum viribus adunatis, dignitates ut vestras invicem conservare possetis intemeratas et inconcussas, et honores vestros alternis auxiliis ampliare. Hac igitur consideratione induci, quoniam per venerabilem vi-
B rum archiepiscopum Beneventanum accepimus id celsitudini vestrae complacitum, præfato regi Franciæ diligentius persuadere studuimus ut, mediante sanctissimo Patre nostro Romano pontifice, certi vobiscum amoris sedus iniret, et perseverantem pacem firmaret; et indubitanter confidimus, quia si per idoneos nuntios et litteras hoc, prout congruit, volueritis postulare, verbum illud auctore Domino gratum sortietur effectum. Ut autem de apostola: u
suprānominati Patris nostri nulla menti vestrae valeat remanere dubietas, litteras memoratæ excellētissimi regis majestati vestrae fecimus destinari, et quod de voluntate ipsius super amicitia vobiscum firmanda perceperimus, præsenti epistola vobis curavimus intimare. Vestra itaque sublimitatis et circumspectionis erit, si hoc vobis placet, semota procrastinatione rescribere: et verbum istud ad Ecclesiæ Dei exaltationem, et imperiorum culminis solium communiendo propensiis et extollendum, citius executioni mandetur, sollicitudinem atque operam vigilantis adhibete.

XXXV.

Ottonis diaconi cardinalis S. Nicolai de Cârcere Tulliano. — Pro Gilberto Londoniensi episcopo.

Venerabilis frater noster Londoniensis episcopus apud majestatem vestram plurima commendatione non indiget, quia, charissime Pater, sicut bene novit experientia vestra, et ejus persona honesta est, et erga vestrum apostolatum ipsius devotio manifesta. Laborat utique, et operam prompta voluntate daret efficacem ad honorem Dei et Ecclesiæ in negotio archiepiscopi, sicut credimus et ex parte cognoscimus, sed sicut et nos ipsi experti sumus, non affer fructum sermo commonitoris, nisi in corde regio operetur primum virtus et gratia salvationis. Preciamur igitur pietatis vestrae clementiam ut oculo clementiori cum respiciatis, et eum tanquam virum fidem, honestum, ac religiosum habeatis. Sinistra enim quæ cum esseamus apud vos de ipso audivimus, nequam vera esse cognovimus, sed falsa.

XXXVI.

Philippi comitis Flandrensis. — Pro Thoma Cantuariensi.

ALEXANDRO papæ, PHILIPPUS comes Flandriæ.

Multas sanctitati vestra refero gratias, quod pro venerabili viro, et Deo, sicut creditur, amabili, Thoma Cantuariensi archiepiscopo, tam benigno et tam paterno affectu mihi scripsistis. Illic enim spero quod contra Ecclesiæ inimicos ipsius eritis per omnia adjutor et protector. Unde et ego nunc

versa vice paternitati vestræ, quantas valeo, preces A perrigo, quatenus jam dictum Cantuariensem, omni gratia, metuere terreno postposito, diligatis et foveatis. Alioquin nobis et universo mundo grande fieret scandalum, et exemplum perniciosum, vestra etiam admodum läderetur opinio. Sed exsurgatis in ira vestra, et inimicos Ecclesiæ debellate, et sic erit Deus vobiscum. Et moveat vos, quod jam dictus archiepiscopus, cum adhuc militans sæculo in dominibus regum esset nutritus, pastorales tamen sudores non recusavit, imo propter justitiam et Romanæ Ecclesiæ fidem exsulare ubique prædictatur. Accedit etiam malorum cumulo, quod fratres sui ab ipso divisi sunt, sicut jam undique divulgarunt, et pugnam suam instituentes, ipsum jam præ paupertatis angustia in sollicitudine latitantem ad vestram præsentiam appellaverunt. Sed vestrum est, Pater sancte, considerare diligenter et attendere, qualis sit appellatio hæc, quæ ob aliud non videtur facta, nisi ut opprimatur justitia, et finem non habet Ecclesiæ pressura. Nos vero omnes, et regni Francorum principes, exspectamus et desideramus, ut isti, qui propter honorem Dei et vestri nominis exsulat, dignum, prout meruit, tribuatis auxilium, et Ecclesiæ inimicos, qui dolis et circumventionibus, minis etiam querunt justitiam subverttere, et vestram-deludere prudentiam, sicut iustum est, repellatis. Id etiam affectuose vestræ paternitati supplicamus, ut Cantuariensem Ecclesiam intuitu præsentis laboris sui ad pristinas et debitas dignitates reformatis. Valeat sanctitas vestra, Pater.

XXXVII.

Wilhelmi Papiensis episcopi. — Ejusdem argumenti ac epistola superior.

Domino papæ, WILLEMUS Papiensis.

Expedit, beatissime Pater, et quadam ratione temur, ut devotionem, quam in vestris et Ecclesiæ filiis evidenibus experimur indiciis, apostolica celsitudo nostra significatione cognoscat, quatenus et nos officii debita persolvamus, et vos talium fidelitate comperta ipsos specialius diligatis. Cum igitur venerabilem fratrem nostrum Londoniensem episcopum apostolatui vestro et universæ Ecclesiæ Dei in omnibus devotum et fidelem senserimus, ipsum paternitati vestræ duximus attentius commendandum, ne sue sinceritatis meritum penitus evanescatur a gratia. Quippe ipse est, qui liberius inter ceteros regem arguit, exhortatur, et increpat, nec adeo pro veritatis sua veretur constantia, quin semper eum ad meliora provocet et reducat, et nisi tantum hactenus restitisset, res utique posset in deteriora demergi. Si autem apud vestrarum aurium sublimitatem fuerit ab aliquo fortasse suggestum, quod idem episcopus causam Cantuariensis cum rege perverterit in hac parte, domine mihi suam innocentiam arbitramur, sicut qui ejus intentionem circa hoc satis aperte comperimus, et ad ejusdem Cantuariensis bonum, ipsum sæpe vidimus labo-

D rantem. Proinde nos ejus devotionem et animum attentes, sanctitatis vestræ clementiam his precibus petimus exoratam habere, quatenus sue fidelitatis obtentu nuntios ipsius apostolica mansuetudo benigne recipiat, et eidem episcopo ita vestra gratia considentiam impendatis, ut ipse laudabile propositum attentiore studio prosequatur.

XXXVIII.

Wilhelmi Papiensis et Ottonis cardinalis. — De controversia Henricum inter Anglorum regem et Thomam agitata.

Beatissimo Patri ac domino, Dei gratia summo pontifici, WILLELMUS et OTTO, eadem gratia cardinales, salutem et subjectionis obsequia, tam devota, quam debita.

Venientes ad terram illustrissimi regis Anglorum controversiam, quæ inter ipsum et Cantuariensem archiepiscopum vertitur, vehementius quam vellemus invenimus aggravatam. Asserebat enim rex, et suorum pars melior, quod idem archiepiscopus serenissimum regem Francorum in eum graviter incitaverat, et comitem Flandrensem, consanguineum suum, qui nullum prius gerebat rancorem, ad ipsum subito diffidendum, et guerram pro posse faciendam induxerat, sicut sibi pro certo constabat, et evidentibus patebat indiciis. Siquidem cum idem comes ab ipso rege amicabiliter discessisset, archiepiscopus in propria persona ad loca guerrarum accedens, tam regem Franciæ, quam memoratum comitem ad guerram pro viribus incitavit. Cum igitur apud Cadomum primo jam dicti regis Anglie colloquio frucremur, paternitatis vestræ litteras, sicut decuit, manibus regi reddidimus, quibus diligenter consideratis et perfectis in medio cum ab aliis, quas pro eodem negotio prius a vobis recuperat, minus continentis, et aliquatenus dissentientes viderentur, rex acerè cepit indignatione peruri, et eo gravius, quod se procul dubio scire dicebat prefatum archiepiscopum, postquam a vobis divertimus, litteras recepisse, quibus a nostro penitus fuerat exemplus judicio, ut in nullo cogerneretur ante nos respondere. Affirmabat insuper, quod ea quæ vobis de antiquis consuetudinibus Anglie fuerant intimata, falsitati potius subjacebant quam veritati possent inniti: quod utique viva voce attestabantur episcopi. Offerebat etiam, quod si quæ tempore suo consuetudines in regno Anglie videbantur adjectæ, quæ statutis ecclesiasticis obviarent, nostro libenter arbitrio in irritum revocaret. Nos vero, archiepiscopis, episcopis et abbatibus terræ suæ nobis adjunctis, cum omni diligentia studiuimus facere, ne rex nobis spem pacis omnino subtraheret, sed ad id potius se permetteret inclinari, ut cum archiepiscopo tam de pace quam de judicio loqueretur.

Sic ergo proprios clericos nostros ad eum cum litteris dirigentes, certum sibi locum et tutum indiximus, ubi in festo Sancti Martini secum possemus commiscere sermonem. Ipse tamen quædam

excusationes pretendens, diem festi translulit in octavas, quod utique in cor regis altius quam crederemus ascendit. Cum autem saepe dictus archiepiscopus, licet nos ei offerremus ducatum, in exitu terræ regis Angliae versus Franciam nullatenus nobis vellet occurrere, nos sibi deferre cupientes in terram regis Franciae ad locum, quem ipse mandavit, accessimus, ne per nos staret, quod ad suum debebat redundare profectum. Cumque jam nuntiatum esset colloquium, in primis ei cum multa sedulitate cœpimus persuadere, et attentius exhortari, quatenus erga dominum regem, quippe qui multa in eum congesserat beneficia, eam humilitatis ostenderet speciem, quæ nobis opportunam quærendæ pacis materiam ministraret; ad hæc autem ipse cum suis in parte secedens, habito tandem B consilio nobis proposuit, quod se satis apud regem humiliaret, salvo honore Dei, et Ecclesiæ libertate salva, et etiam honestate personæ suæ, et possessionibus ecclesiistarum, et amplius sua et suorum salva justitia. Quibus taliter enumeratis, nos ei diligentius suadentes, quod non necessarium erat ad specialia descendere, cum ipse nec certum aliquid nec speciale proferret, subsequenter ab eo quæsumus, utrum super questionibus, quæ vestris erant litteris adnotatæ, vestrum vellet subire judicium, sicut rex et episcopi prius promiserant se facturos. Ad quod ipse nobis querentibus in promptu respondit se non a vobis inde recepisse mandatum: sed si prius ipse cum omnibus suis integre restituueretur, tunc secundum quod ab apostolica sede reciperet in mandatis, in hac parte procederet. Si ergo a colloquio redeuntes, cum verba ipsius nec ad judicium provenirent, nec ad concordiam, nec aliqua ratione vellet causam intrare, ea quæ nobis innotuerant, regi manifestare curavimus, plura siquidem, prout decuit, reticentes, et temperantes audita. Nobis itaque locutioni finem facientibus, rex et magni viri, qui secum aderant, cœperunt asserere, quod esset deinceps absolutus, ex quo archiepiscopus recusabat judicium. Cum ergo post multam regis perturbationem archiepiscopi, episcopi et abbates regni Angliae cum non paucis pariter clericis a nobis instanter perquirerent, utrum prænotatum archiepiscopum seu ex aliquo speciali mandato, seu ratione legationis ad judicium possemus distringere, et in hac parte nobis facultatem deesse cognoscerent, timentes ne prætaxatus archiepiscopus, abjecto judicio orde, sicut alia vice fecerat, aliquibus regni personis gravamen inferret, quoniam nostra sibi taliter inutilis erat præsentia, et ad tutelam contra episcopum minus sufficiens, unanimi sumpto consilio ad vestram communiter audientiam appellarunt, appellationi terminum præsentes in hiemali festo Sancti Martini, interim se et sua sub apostolica protectione ponentes, et quaslibet regni personas, nec non et universum regnum sub ejusdem appellationis includentes edicto. Denique nos negotium

A istud in maximum Ecclesiæ detrimentum vergere cognoscentes, supradicto archiepiscopo auctoritate vestra et nostra prohibendo mandavimus, ne de cætero, tum quia vestris erat inhibitum litteris, tum quia solemniter fuerat appellatum, in præscriptum regnum vel personas, vel ecclesiæ regni aliquid gravaminis attentaret. Apostolicæ itaque circumspectionis erit attentius providere, ne idem negotium in grave damnum Ecclesiæ vertatur, si-
cut hi, qui attendunt profectus Ecclesiæ, verentur et timent.

XXXIX.

Prioris et conventus Cantuariensis. — Pro R. Wintoniensi electo.

Domino papæ, prior Cantuariensis et conventus.

Eos vobis securius commendamus, quos since-
rius diligimus, et quos ad sanctam Romanam Ec-
clesiam sinceriorem credimus habere charitatem.
Horum unus et in primis fere primus est pater pau-
perum et mœrentium consolator, protector noster
in augustinis, venerabilis frater noster R. Winto-
niensis electus, quem ad hoc, ut fidelium spes est,
ad ecclesiæ suæ regimen Christus elegit, ut ad-
versarii ejus e regione possit ascendere et se mu-
rum opponere pro domo Israel, et potenter con-
terere justitiae inimicos, et justis debitum conferre
subsidiū. Majestatis itaque vestre pedibus pro-
voluti, quotquot sumus, attentius supplicamus, qua-
tenus eum ad expediendas propriæ Ecclesiæ neces-
sitates et aliorum consolationem faciatis maturitate
adhibita promoveri: et ut precibus ejus, quas non
nisi in Domino factorus est, gratia vestræ favor ac-
cedat. Valete.

XL.

*Odonis prioris et conventus Cantuariensis. — Quod
celebratis regis mandato electionibus, et unani-
misi consensu R., ejusdem conventus monacho in ab-
batem electo, rex junior electionem irritum fecerit.*

Domino papæ, Odo prior et conventus Cant.

Calamitates, quas Ecclesia nostra pleno decennio
jam sustinuit, apostolicæ sedi non possunt esse in-
cognitæ, quia eas totus Christianus orbis agnovit.
Si causa quæritur, justitia se ostendit, apparet li-
bertas Ecclesiæ, reverentia sedis apostolicæ, cuius
auctoritas evacuabatur in partibus nostris, se esse
protestatur, pro qua et gloriosus martyr Christi oc-
cubuit: pro qua fratres et alumni Ecclesiæ proser-
pi diutius exsulare coacti sunt, et habiti sicut oves
occisionis, spectaculum facti sumus et hominibus
et Deo et angelis, et persecutorum Christi canticum
tota die. Attestatur his apud nos effusus martyrum
sanguis, sed is præcipue qui de terra clamans ad
Deum fidelium devotione desertur in universum or-
bem. Sed benedictus Deus, benedictus apostolatus
vester qui nos consolatus est, dominorum cardina-
lium gratia Dei cooperante industria, in tribulatione
nostra, ut post angustias tanti naufragii ad debitis
libertatis portum accessisse videatur Ecclesia, ut
abominationes Ægyptiorum Deo suo secure valeat

immolare. Super enim emanavit ab eis mandatum de celebrandis electionibus in regno, et dominus rex eorum precibus acquiescens idoneos in ecclesiis secundum Deum pastores praecepit ordinari. Universi letati sunt, sed nos omni jure praे ceteris, qui in majori discrimine versabamur. Convenimus ergo aepius accitis episcopis provincialibus, et aliis ad quos electio pertinebat, et tandem, Deo dirigente, gressus nostros in benefacito suo factum est omnibus cor unum et anima una : quod sine nutu di- vino non potuit accidisse, ut tam dissonæ voluntates in adimplenda sacrorum canonum forna tam facile unirentur. Præeunte ergo desiderio et prece populi, pari voto, unanimi consensu convenimus in virum, de quo Dominus videtur dixisse nobis : *Hic est Filius meus dilectus in quo mihi bene complaci, ipsum eligit (Math. xvii)* : quoniam me cum martyre meo, quem ipse pro me patientem in veritate dilexit, devote coluit ; et in domo mea ab ineunte ætate fideliter conversatus est, præelegi vicarium, et ordinari præcipio successorem.

Is est R. ecclesie nostræ ab adolescentia sua monachus, et apud nos ad omnes promotus ordines, prior monasterii Doverensis, morum honestate et litterarum eruditione conspicuus, modestus in verbo, providus in consiliis, discretus in opere, in habitu et gestu veram temperati animi exprimens formam. Decentissime sacerdotis explet officium, zelus Christi surcensus est in corde ejus, manum suam libenter aperit inopi, liberalitatem gaudenter exercet, et exteriorum sollicitudinem laudabiliter administrat. Quid mirum ergo si in tantum et talem virum universi libertissime con- venerunt, qui etiam rapientur fuerat, si aliter haberi non posset ? Cum ergo libere et secundum institutionem sacrorum canonum fuisset electio ejus celebrata, regius (ut mos est) accessit assensus : eligentes prosecutus est plenus favore clamor, debita laude Dei tota cœpit Ecclesia resultare. Ad metropolitanam sedem cum electo provinciales episcopi aliarum ecclesiarum electi pariter accesserunt ; pro ritu gentis et majorum consuetudine solemniter inthronizatus est. Grata Deo, et ab hominibus desiderata ipsius instabat consecratio, cum ecce ex improviso litteræ regis junioris nomen præferentes prolate sunt, quibus protestabatur se appellasse adversus electiones quæ suum non habebant assensum. Litteræ quidem ex variis causis et probabilibus signis arguebantur suspectæ, eisque fidem non esse habendam erat sententia plurimorum, præsentim in tanto discrimine, ubi libertas potuit periclitari et animarum salus, et Ecclesie protelari desolatio, et rerum jactura irreparabilis. Causas enumerare longum est, sed utique pro rege illo præsumi debuerat, quod cum periculo suo et temporali æmularum compendio nollet Ecclesiam diutius captivari. Sed licet præfata litteræ sapientioribus non magni viderentur esse momenti, de humilitate tamen et devotione ipsius electi proces-

A sit, et de fideliitate quam patres et majores nostros ad Ecclesiam Romanam semper habuisse recolimus, et de paucorum consilio, ut pro reverentia nominis vestri consecratio differretur. Speramus enim indubitanter quod tanto majorem inveniet in oculis clementiæ vestrae necessitas Ecclesie nostræ gratiam, quanto maiorem etiam cum irreparabili di- spendio nostro vobis honorem videbitis esse exhibitum. Scitis, Pater, quia nos supra modum op- pressit dira et diuturna calamitas. Videtis quam tristia fuerint, quam periculosa sint, et quanto per- riculosiora, ut timetur, imminent tempora. Occurrit irreparabilis, quam Deus avertat, desolatio, re- cidiav veremur tempestatem, grandisque necessi- tas solatium desiderat festinatum.

B Pietatis itaque vestrae pedibus provoluti supplicamus attentius, et tota nobiscum supplicat Ecclesia Anglicana, quatenus provisum a Deo nobis pasto- rem data plenitudine potestatis, prout sanctitas ve- stra melius viderit expedire, auctoritate apostolica adversus eos qui ruinas ecclesiarum perpetuare ma- chinantur, roborare dignetur, ut prædecessorum suorum apostolico munimine fretus, secundum quod ei Deus inspiraverit, vestigia valeat imitari. Supplica- mus, inquam, vos, Ecclesia supplicat, supplicant et patroni Ecclesie nostræ gloriosi martyres et confes- sores, et consona voce omnium sanctus Thomas iterat et multiplicat preces. Donec sacratissimum cor vestrum verbum bonum, verbum consolatorium nobis eructet, squalida lugebit sponsa Christi, nec C est qui eam consolari valeat, donec antistitem suum recipiat in plenitudine potestatis. Qui pedes vestros nequimus, ut volumus, lacrymis rigabimus genas nostras, nec erit eis requies quoadusque eas, Deo miserante, absterget dextera clementia vestra.

XLI.

Roger Eboracensis archiepiscopi. — Gratias agit pro exhibitis sibi ab Alexandro beneficiis. Gilbertum Londinensem episcopum commendat.

Si mihi præsto esset facundia quæ Tullianum redoleret eloquium, nequaquam posset, dulcissime Pater, sufficere ad exprimendam beneficij quanti- tatem, quam innatae bonitatis vestrae motu proprio mibi nuper exhibuistis. Ego enim jam per annum et eo amplius in carcere positus, quo mendax me de- trudi fecerat invidia, in tenebris straveram lectu- lum meum, et panem meum in suspiriis manducu- bam, potum temperans in lacrymis, donec manus consolationis vestrae eductum de lacu misericordie et in- ferno inferiori, regioni me restituit viventium, et auræ superiori. Jam purpuratos, ut prius, non crui- besco, nec potentum præsentiam declino. Sed qui hactenus ad Dominum meum oculos levare non au- debam, pristinæ redditus libertati labia audacter aperio ad exorandum non solum pro me, verum et pro his, quos diligo, maxime cum tales sint, qui vita et eruditione inter præcipuos numerantur. Vir clarissimus dominus Londoniensis, qui ab exordio promotionis suæ, etiam apud eos qui foris sunt,

semper honorabilis habitus est, et suave oletis opinionis, vir utique et naturae bonis abundans, et ingenii facultatibus, quorum finibus minime contentus, ea religionis diurno et districto cultu excoluit. Hunc lacescivit invidia, integritatem ejus lacerare tentans, quæ supra firmam petram fundata non poterit sentire defectum. Ut enim de his aliqua tangamus, quæ ipsi ab ænulis imposita sunt, pro certo, domine, sciatis quod dum adhuc viveret dominus Cantuariensis, in Anglia me, præsente, dominum regem sepe rogavit, ut juxta mandati vestri formam ad pacem animum suum inclinaret. Apud Cadomum vero, cum ex his quæ dominus rex a multis audierat, indignatio ejus adversus jam dictum archiepiscopum plurimum recruduisse, quantum potuit ad leniendum motum illum vehementem, etiam cum lacrymis, adhibuit diligentiam. Cujus, domine, si placet, annos senio graves attendite, corporis debilitatem respicite, quam non solum ætas induxit, sed et assiduae vigiliae et crebra jejunia. Solutisque vinculis, quibus tenetur, eum liberum reddite, et una nobiscum onera possit Ecclesiae sustinere.

XLII.

Canonicorum Remensium. — Pro Thoma Cantuariensi.

ALEXANDRO papæ, canonici Remensis.¹

Invalescunt, Pater, scandala temporibus nostris, ut in auctoribus eorum compescendis et conterendis virtus vestra clarius elucescat. Confidimus enim, quod Satanam conteret sub pedibus vestris, qui in membra ejus, capita schismatis loquimur, condignam et gloriosam exercuit ultionem. Exerat ergo, si placet, quoniam tempus est, in incentores schismatis, et tortores Ecclesiae gladium Petri dextera vestra, et venerabilem dominum Cantuariensem, qui pro justitia jam quinquennio dignoscitur exsulare, saltem nunc tandem miseratione debita consuletur. Siquidem justitia ejus nunc manifesta est, sicut advertere potest vestra paternitas ex litteris sanctissimi viri Simonis, prioris de Monte Dei, qui quod vidit et audivit in executione mandati vestri, hoc testatur. Vir utique plenus auctoritate fidei, cuius verba apud nos et reliquos, qui hominem novarent, multorum præponderant juramentis. Quis unquam præter Cantuarieusem a Christiano in quaunque obligatione coactus est vel exactus honorem Dei reticerit? In vos omnium oculi diriguntur, studiosius expectantes, quam consolationem præstabitis confessori, quem exitum causæ Dei, qua se veritate tantam compescetis audaciam. Vestris itaque pedibus provoluti supplicamus attentius, ut prospiciatis honori vestro et Ecclesiae libertati; quia sublevatio unius erit indubitate consolatio plurimorum. Si enim tam sincera causa in conspectu vestro pericitatur, quis audebit de cætero sæculi potestatibus, quamlibet malitiam attentibus, obviare? Valeat semper sanctitas vestra.

A

Rotrodi Rothomagensis archiepiscopi. — Humilior precatur ut in causa S. Thomæ cum rege militus agat.

Evocati a Domino nostro rege cum venissemus ad curiam, et cum vestris legatis jam aliquantulum processum esset super mandatis vestris, ex veracissimo archiepiscoporum et episcoporum relatu, qui ad hoc convenerant, et quibus nimirum credimus, sicut nobis, auditu comperimus quod nuntios et litteras vestras dominus rex Anglorum tanto majore lætitia et alacritate suscepit, quanto maiorem ei benignitatis vestre gratiæ promittere videbantur. Unde petitione vestra de pace Cantuariensis archiepiscopi, et suorum reditu consilio archiepiscoporum, episcoporum, abbatum, et religiosarum personarum et optimatum regni sui, pro amore vestro benignius exaudita, eum ad archiepiscopatum suum redire, ipsumque cum omni integritate, quam tenebat quando exivit, recipere, et deinceps bene et in pace possidere ad honorem Dei, salva nimirum regni sui pristina dignitate, concessit. Cum igitur inter dominum regem et nuntios vestros super hoc tractatus prolixior incidisset, in verbo utrinque complacito novissime convenerunt; ita scilicet ut eos, qui præsentes aderant, statim absolverint, et ad eos, qui erant in Anglia, absolvendos alter eorum, magister videlicet Vivianus, illico transire, alter citra mare ad executionem condicæ pacis consenserit remanere. Postmodum vero, revocato consensu verbum, quod jam suscepserant, conservandæ in futurum regiæ dignitatis, admittere noluerunt, ea quæ jam salubriter quidem disposita fuerant, exequi recusantes. Ego itaque cum præfatis non contempnendæ auctoritatis personis, quæ aderant, pro bono tantæ pacis missus omni vigilantia et sollicitudine institi, ut sicut dictum fuerat, præposito honore Dei, et regni stante antiquæ dignitate, ut dignum est, nuntii vestri verbum optimum, et omni acceptatione dignum regiæ dignitatis cum gaudio susciperent, ne tantum bonum remaneret. Et cum in hac nostra persuasione multum laboratum esset, et nihil elaboratum, doluius plurimum, præsertim cum constet nobis pro certo, quod in observatione regiæ dignitatis libertas aut dignitas ecclesiastica nullatenus prægravetur. Siquidem dignitas ecclesiastica regiam provebit potius, quam adimit dignitatem, et regalis dignitas ecclesiasticam potius conservare, quam tollere consuevit libertatem: etenim quasi quibusdam sibi invicem complexibus dignitas ecclesiastica et regalis occurunt, cum nec reges salutem sine Ecclesia, nec Ecclesia pacem sine protectione regia consequatur. Genibus itaque pietatis vestræ, quanta possumus devotione provocuti, sanctitatem vestram suppliciter obnoxieque deponscimus, ne sapientia vestra quasi litterarum apices et conceptiones verborum potius, quam rem ipsam duxerit amplectandas, sed secundum a Deo

XLIII.

datum vobis spiritum discretionis id agite, ne causa unius in multorum et fere innumerabilium perniciem convertatur. Quia ad bonum pacis quandoque magis proficit mansuetudo gratiae, quam severitas disciplinæ.

XLIV.

Ejusdem. — Pro Gilberto Londoniensi episcopo.

ALEXANDRO papæ, ROTRODUS Rothomagensis archiepiscopus, obedientiam et reverentia plenitudinem.

Perseverans in corde nostro desiderium videndi optatam serenitatis vestrae praesentiam, ipsa dilatione quotidie augmentatur. Super his, qua in instanti attinent ad venerabilem et charissimum fratrem nostrum Gilbertum Londoniensem episcopum, cuius vita, et scientia, et morum mansuetudo ibique suaviter redoleat, sanctitati vestrae notificamus, quod cum in secretissimo essemus colloquio, in quo tantum aderat rex Angliae et nos duo, ubi de salute animæ regis agebatur, ipse viriliter et discrete cum omni instantia summiopere laborabat, ut pacem perquireret domino Cantuariensi, et in omnibus locis, tam in privatis quam in publicis colloquiis ad perquirendam banc pacem et reformatam omnem adhibuit diligentiam et sedulitatem. Unde plurimum miramur, quod contra eum aliquid egit dominus Cantuariensis. Si enim de propria voluntate absque alterius suggestione hoc fecit, in fratrem innocentem deliquit; si vero aliquorum suggestione, scimus falso suisce suggestum. Inde est quod totis viribus nosris et tota animi devotione vestram benignissimam exoramus clementiam, quatenus innocentii fratri super gravamine a domino Cantuariensi illato pietatis vestrae viscera appetatis. Conservet Deus Ecclesiam suæ personam vestram per tempora longa incolumentem.

XLV.

Eviscoporum Cantuariensis Ecclesiae suffraganeorum. — Partes regis contra metropolitanum suum inscriptientes, ad sedem apostolicam appellant, et diem Ascensionis Dominicæ appellationis terminum sibi petunt assignari.

Patri suo et domino, summo pontifici ALEXANDRO, provinciæ Cantuariensis episcopi, et personæ per eorumdem dioceses locis pluribus constitutæ, domino patrique, debitum charitatis et obedientiae sumulatum.

Vestram, Pater, meminisse credimus excellentiam, vos devotum filium vestrum, dominumque nostrum charissimum, illustrem Anglorum regem, per venerabiles fratres nostros, Londonensem et Herefordensem episcopos, directis jamdudum litteris convenisse, et de corrugendis quibusdam, quæ sanctitati vestrae in ipsius regno corrugenda videbantur, paterna gratia communis. Qui mandatum vestrum debita veneratione suscipiens, ut satis notum est, ad vestra quidem monita non iratus intumuit, non elatus obediens contempsit, verum agens gratias paternæ correctioni, Ecclesiam se statim submisit examini, asserens de singulis, quæ juxta vestri formam mandati sibi diligenter expressa sunt, Ec-

clesias regni sui se paritum judicio, et quæ corrugenda decerneret, ipsius se consilio, laudabili quidem et in principe digne commendabili devotione correcturum. Ab hoc vero non recedit proposito, non mentem revocat a promisso. Sit qui se-deat, qui cognoscat et judicet divini reverentia timoris, non majestatem præ se ferens, sed ut filius obediens judicio sistere, legitimaque parere sententia, et se legibus alligatum principem præsto est in omnibus exhibere. Unde nec interdictio, nec minis, nec maledictionum aculeis ad satisfactionem urgeri necesse est divinarum se legum examini sponte subdentem. Ejus enim opera nequaquam luci se subtrahunt, nec occultari tenebris ulla ratione depositunt. Rex namque fide Christianissimus, B in copula castimoniae conjugalis honestissimus, pacis et justitiae conservator ac dilatator incomparabiliter strenuus, hoc votis agit, totisque in hoc servet desideriis, ut de regno suo tollantur scandala, cum spurciis suis eliminentur peccata, Pax totum obtineat atque justitia, et alta securitate et quiete placida sub ipso gaudeant et resforent universa. Qui cum pacem regni sui enormi insolentium quorundam clericorum excessu non medioeriter aliquando turbari cognosceret, clero debitam exhibens reverentiam, corumdem excessus ad Ecclesiam judices retulit episcopos, ut gladio gladius subveniret, et pacem, quam regebat et sovebat in populo, spiritualis potestas fundaret et solidaret in clero. Qua in re partis utriusque zelus enituit: episcoporum in hoc stante judicio, ut homicidium, et si quid hujusmodi est, exauctoratione sola puniretur in clero; rege vero existimante poenam hanc non condigne respondere flagitio, nec stabiliendæ paci bene prospici, si lector aut acolythus quemquam perimat, ut sola jam dicti ordinis amissione tutus existat. Clero itaque statuto cœlitus ordini deserte, domino vero rege peccatum justo, ceu sperat, odio persequebitur, et pacem altius radicare intendente, sancta quædam oborta est contentio, quam excusat, ut credimus, apud Dominum simplex utriusque partis intentio. Hinc non dominationis ambitu, non opprimendæ ecclesiasticae libertatis intuitu, sed solidandæ pacis affectu eo progressum

C

D est, ut regni sui consuetudines et dignitates, regibus ante se in regno Angliae a personis ecclesiasticis observatas, et pacifice ac reverenter exhibitas, dominus noster rex deduci vellet in medium, et ne super his contentiosus funis traheretur in posterum, notitiae publicæ delegari. Adjuratis itaque per fidem, et per eam quæ in Deum spes est, majoribus natu episcopis, aliisque regni majoribus, retroacti temporis insinuato statu, dignitates requisitæ, palam prolatæ sunt, et summorum in regno virorum testimoniis propalatæ. Hæc est domini nostri regis in Ecclesiam Dei toto orbe declinata crudelitas, hæc ab eo persecutio, hæc operum ejus perversorum rumuscus undique divulgata malignitas. In his tamen omnibus, si quid fuerit suæ periculosum

anime, si quid ignominiosum Ecclesie continetur, id vestra monitus auctoritate ob reverentiam Christi, ob Ecclesiae sancte quam sibi matrem proficitur, honoriscentiam, ob animae suae remedium, Ecclesiae regni sui consilio se correcturum, devotione sanctissima ja.n diu est pollicitus, et constantissime pollicetur. Et quidem pacis optatum finem nostra, Pater, ut speramus, obtinuerit jam postulatio, si non iras jam sopitas, et fere prorsus extinctas, Patris nostri domini Cantuariensis de novo suscitasset exacerbatio. Verum hic, de cuius patientia pacem, de cuius modestia redintegrationem gratiae huc usque sperabamus, ipsum quem monitis emolliere, quem meritis et mansuetudine superare debuerat, per tristes et terribiles litteras, devotionem Patris aut pontificis patientiam minime redolentes, cum in pacis perturbatores exercitum nuper ageret, dure satis et irreverenter aggressus est, in ipsum excommunicationis sententiam, in regnum ejus interdicti penam comminando. Cujus si sic remuneratur humilitas, quid in contumacem statuetur? Si sic aestimatur obediendi prompta devotio, in obstinatam perversitatem quoniam modo vindicabitur? Minis quoque gravibus superaddita sunt graviora. Quodam namque fideles et familiares domini nostri regis, primarios regni proceres, regiis specialiter assistentes secretis, in quorum manu consilia regis et negotia regni diriguntur, non citatos, non defensos, non, ut aiunt, culpe sibi conscos, non convictos aut confessos, excommunicationis inno davit sententia, et excommunicatos publice denunciavit. Adjectit etiam, ut venerabilem fratrem nostrum, dominum Saresberiensem episcopum, absentem et indefensum, non confessum aut convictum, sacerdotali prius et episcopali suspenderit officio, quam suspensionis ejus causa comprovincialium aut aliorum etiam fuisse arbitrio comprobata. Si hic itaque judiciorum ordo circa regem, circa regnum tam prepostere, ne dicamus inordinate, processerit, quidnam consequi posse putabimus? Dies enim mali sunt, et occasionem habentes malignandi quam plurimam, nisi ut tenor pacis et gratiae, quo regnum et sacerdotium usque modo coharent, abrumptatur, et nos cum commisso nobis clero in dispersionem abeamus exsilio, aut a vestra, quod absit! fidelitate recedentes ad schismatis malum, in abyssum iniquitatis et inobedientiae provolvamur? Compendiosissima quippe via haec est ad omne religionis dispendium, ad cleri pariter populi subversionem ac interitum. Unde ne apostolatus vestri tempore tam misere subvertatur Ecclesia, ne dominus rex et servientes ei populi a vestra, quod absit! avertantur obedientia, ne totum, quod privatorum, consilio machinatur, possit in nos domini Cantuariensis iracundia, adversus eum et ipsius mandata, domino nostro regi aut regno ejus, nobis aut commissis nobis ecclesiis gravamen aliquod importantia, ad sublimitatem vestram voce et scripto appellavimus, et appellacionis terminum

A diem Ascensionis Dominicæ designavimus, eligentes apud vos in omne quod sanctitati vestrae placuerit humiliari, quam ad sublimes animi ipsius motus, nostris non id exigentibus meritis, de die in diem tediosissime prægravari. Conservet incolmitatem vestram, Ecclesiae suæ in longa tempora præfuturam, omnipotens Deus, in Christo dilecte Pater.

XLVI.

Eorumdem. — Conqueruntur quod contra canonum auctoritatem post appellationem sint ab archiepiscopo Cantuariensi sententia excommunicationis alligati. Appellationi nihilominus sue terminum diem transitus B. Martini constitutus precantur.

B Patri suo et domino, summo pontifici ALEXANDRO, Anglicana Ecclesia, devotum et debitum charitatis et obedientie simulatum.

Sublimitati vestrae, Pater reverende, venerande, gratias affectuose referimus, quod ad petitionem filii vestri devotissimi, dominique nostri dilectissimi, illustris Anglorum regis, filios vestros chrysostimos, summeque nobis in ea, que ad præsens est, tempestate necessarios ad ipsum curastis in longinquâ transmittere: affectuque paterno eorundem laboribus nostris parcere, et gravaminibus nostra pie gravamina sublevare. Habentes itaque mittenti gratias, missos honore debito, totaque cordium alacritate suscepimus, sperantes eorum adventu finem malis diu jam protractis imponi: et que turbata sunt apud nos in pacis pristinæ serenitatem cooperante gratia reformari. Inde est quod eis, tanquam judicibus ad hoc a sanctitate vestra directis, nostram una cum Domino nostro rege præsentiam reverenter exhibuimus, optantes pariter et exspectantes omnia, que inter dominum nostrum regem et dominum Cantuariensem, queque inter ipsum vertuntur et nos, in eorum præsentia palam fieri, et juxta vestri formam mandati, diffinitiva eorum sententia plenissime terminari. Ipsi in modum hunc reverentiam judiciaria potestati debitam exhibentes astimus, et ecce sinistro confusi nuntio, a prius concepta spe gaudii in desperationis soveam lapsi, audita satis nequivimus admirari. Auditio enim, et ipsa legatorum vestrorum confessione recognito, eos ad judicandum causam hanc, ob quam D venerant, potestatem omnino non habere, et quod a sanctitate vestra domino nostro regi concessum, scriptoque firmatum fuerat, id non tenere, dominus noster rex, ultra quam dici possit, ira totus incanduit, in tantum quidem, ut ad solitam erga vos animi mansuetudinem vix eum nostra etiam in commune supplicatio revocare potuerit. Totum itaque, quod in adventu legatorum vestrorum conceperamus gaudii, coepit illico tristitia nubilo superduci. Ad iram hanc fortius inflammmandam incentiva præbebant ipsa nobilium regni colloquia, id domino regi saepius inculcantia, sibi regnoque suo nulla jam adversus dominum Cantuariensem superesse subsidia, cum appellatio regni dudum ad vos facta jam expiraverit, et ei legatorum vestrorum

in nuho cura subvenerit. Hinc apud regni principes tanta exorta est turbatio, ut nisi juxta datam vobis sapientiam pericula jam nunc erumpentia proviendo præcluseritis, Christi vestem scindi miserime de proximo doleatis. Totis enim studiis dominus in hoc Cantuariensis desudat, ut dominum nostrum regem anathemate, regnumque ejus interdicti pena constringat. Potestatem, quam in adificationem, et non destructionem Ecclesiæ suscepisse oportuerat, sic exercet in subditos, ut omnes in regis odium, et totius regni nobilium tentet inducere, et eorum substantiis direptionem, cervicibus gladium, aut corporibus exsilium intente studeat procurare. Crebris litteris graves eis mandatorum imponit sarcinas, quas præsens ipse non digito movere voluit, nedum humeris sustinere. Ad mortem nos invitat, et sanguinis effusionem, cum ipse mortem, quam nemo sibi dignabatur aut minabatur inferre, summo studio declinaverit, et suum sanguinem illibatum conservando ejus adhuc nec guttam effundi voluerit. Pro Christo quippe mori gloriosum est. In mortem vero et imprudenter irrumperet, Christo scimus non placere. Libertatem prædicat Ecclesiæ, quam se Cantuariensi Ecclesiæ virtutis intrudendo sibi constat ademisse. Regni consuetudines frequenter impropperat, quas longe aliter quam se res habeat, suis scriptis vestræ celitudini manifestat. De cætero sanctorum canonum auctoritatem erga nos non observat, cum appellantes ad vos post appellationem excommunicet, alios sine citatione aut commonitione suspendat; notoria, quæ nec nota, nec veritate subnixa sunt, asserat; et in hunc modum plurima, qua potest, potestate confundat. Ad hæc quadraginta marcarum millia, vel amplius, ut sui asserunt, bonæ suæ fidei commissa, domino nostro regi solvere, vel quod justum est exhibere detrectat; et regi suo negat et domino, quod nec ethnico denegare debuerat aut publicano. Unde, ne ligent nos jam dicta gravamina, ne taciturnitate nostra, et indiscreta quadam connivencia permittamus id fieri, unde dominum nostrum regem, et regnum ejus ipsum etiam, et sequentes populos a vestra contingat obedientia prorsus averti, adversus suspectas nobis domini Cantuariensis sententias, adversus mandata ejus omnia, domino nostro regi et regno ejus, personis nostris, et commissis nobis ecclesiis et parochiis gravamen aliquod importantia, vestro nos per omnia commitentes consilio, et protectioni subdentes, ad audentiam vestram appellavimus, et appellationi terminum diem transitus Beati Martini constituius. Vale, vale, omnino in Christo dilecte Pater.

XLVII.

Cleri Normanniorum. — Precantur ut in causa S. Thomæ regi Anglorum pontifex non nihil indulgeat.

Domino papæ ALEXANDRO, episcopi et cleris Normanniarum, salutem et obedientiam.

Nuntios et litteras vestras dominus noster rex

A Anglie tanto majore latitia et alacritate suscepit, quanto majorem ei benignitatis vestrae gratiam promittere videbantur. Unde petitione vestra de pace Cantuariensis archiepiscopi et suorum reditu, ecclesiasticarum personarum et optimatum regni sui consilio, pro amore vestro benignius exaudita, eum ad archiepiscopatum suum redire, ipsumque cum omni integritate, qua tenebat quando exivit, recipere et deinceps in bona pace et securitate possidere, ad honorem siquidem Dei et Ecclesiæ, salva nimirum regni sui dignitate pristina, concedit. Cum igitur inter dominum regem et nuntios vestros super hoc tractatus prolixior incidisset, in verbo utrinque complacito novissime convenerunt: ita scilicet ut eos qui præsentes erant statim absolverint, et ad eos absolvendos, qui erant in Anglia, alter eorum, scilicet magister Vivianus illico transire, alter citra mare ad executionem condicione pacis consenserit remanere. Postmodum revocato consensu verbum conservandæ in futurum regiae dignitatis admittere noluerunt, ea quæ disposita fuerant exequi recusantes; cum archiepiscopi, episcopi, abbates, religiosæ personæ, optimates regni, qui aderant, pro bono tantæ pacis multis precibus instituerint, quoniam in observatione regiae dignitatis nullatenus videbatur nobis libertas aut dignitas ecclesiastica prægravari. Siquidem dignitas ecclesiastica regiam provehit potius quam adimit dignitatem, et regans dignitas ecclesiasticam conservare potius consuevit, quam tollere libertatem. Etenim quasi quibusdam sibi invicem complexibus dignitas ecclesiastica et regalis occurunt, cum nec reges salutem sine Ecclesia, nec Ecclesia pacem sine protectione regia consequatur. Genibus itaque pietatis vestræ, quanta devotione possumus, advoluti, suppliciter enixeque depositimus, ne sapientia vestra quasi litterarum apices et conceptio-nes verborum potius, quam rem ipsam duxerit amplectandas. Sed secundum datum vobis a Deo spiritum discretionis id agite, ne causa unius in multorum et fere innumerabilium perniciem convertatur; quia ad bonum pacis quandoque magis proficit mansuetudo gratiæ quam severitas disciplinae. Dominus personam vestram Ecclesiæ suæ per tempora multa conservet incolunem.

XLVIII.

Willelmi Antissiodorensis episcopi. — Contra [Gibertum] Londoniensem episcopum.

ALEXANDRO papæ, WILLELMUS Antissiodorensis episcopus.

Si unum patitur membrum, necesse est ut reliqua compatiantur. Et quod fomentis aut cauterio sanari non potest, abscidi expedit, quam cæteris ab eo maculam irrogari. Sit quamlibet illustre et uinciosum in corpore, tamen si scandala germinat, et pestis ingerit, illud abscidi jubet Dominus et propehi. Cum ergo nobile membrum universalis Ecclesiæ, prima Britaniarum sede, et fidei mater in Occidente. Cantuariensis Ecclesia plurimum patiatur, et

diutius iam passa sit, eo quod filii ejus parricidali scelere publicæ potestatis viribus abutentes, in ipsam irruerint, necesse est ut compatiamur et nos, et cum ipsa et pro ipsa recurramus ad dispensatorem salutis, ad pastorem et episcopum animarum nostrarum. Sed quia non facile, nisi causa præcognita, curatur infirmitas, purgate, si placet, causam, et Anglicana Ecclesia, Deo propitio, facile convalescat. Et quidem causa præ oculis est, cum ille Londoniensis, quem, si reminisci placet, Senonis, dum sui regis legationem gereret, furorem mente conceputum verbis constat aperuisse, nunc perniciosissimum Ecclesiae Dei totis viribus et operum testimonio exprimat furiosum. Is enim est auctor scissuræ hujus, sator discordiæ, scandali formæ, qui bellum, quod cum Deo et archiepiscopo suo diu habuit, nunc demum retrorsit in fratres et coepiscopos suos, eo quod sibi excommunicato, sicut per officiales regis urgebat, communicare noluerunt, et archiepiscopo suo debitam subtrahere obedientiam. Ecce Pater, quantus lupus hactenus in ove latuit, quam manifestus Antichristi præambulus, et præco iniquitatis, qui patrem persecuitur, et matrem querit evertere. Manifestum inobedientiæ crimen, quod idolatriæ et ariolandi flagitio conforme est, committere non veretur, tyrannorum ministerio proscriptit et perdidit innocentes, pacem nescit, et scindit Ecclesie unitatem. Quid, queso, aliud faciet Antichristus? Nonne ad abolitionem tantæ iniquitatis sanctitatem vestram in apostolicæ virtutis robore ante faciem suam præmisit Christus in spiritu et virtute Eliae? Conterat ergo, si placet, majestas vestra tam istum, quam reliquos, quos dominus Cantuariensis ex iustis causis Satanae tradidit, ut qui aliis se formain præbuit delinquendi, tam præsentibus quam posteris ad gloriam Dei, et honorem vestrum, ad totius Ecclesiae salutem et pacem, notum relinquat correctionis exemplum.

XLIX.

Willelmus Carnotensis electi. — Pro Thoma Cantuariensi.

ALEXANDRO papæ, Carnotensis electus.

Ecclesia Romanæ filius, sicut in matris successibus totus exulto, sic in adversis ejus mihi caro maceratur, et affligitur spiritus, et animæ meæ requies omnino denegatur. Cum enim necessitas ad obedientium apostolicæ sedi fideles urgeat universos, me qui in Christi ministerio vestra sum creatura specialis, arctat devotio charitatis, ut per gratiam Dei neque mors neque vita possit a sanctæ Romanae Ecclesiae, et vestra fidelitate et obsequio separare. Unde et ad dominum meum fiducialiter loquar, quæ ad gloriam ejus, et totius Ecclesiae honorem pertinere certio certius est. Inter omnia regna mundi non est ex animi mei sententia regnum, quod fidem sinceriorem, charitatem ferventiorem, devotionem uberiorum apostolicæ sedi semper exhibuerit, quam Francorum. Non est inter reges et principes, qui penitus exaudiat preces vestras, qui mandatis

A obediat humilius, qui Ecclesiam et viros ecclesiasticos devotius honoret, et studiosius tueatur, Christianissimo rege nostro. Non est Ecclesia, quæ Romanæ Ecclesie fuerit utilior in omnibus angustiis suis, quam Gallicana. Supplicaverunt vobis Ecclesia, rex et regnum pro domino Cantuariensi, qui pro libertate Ecclesie et majestatis vestrae dignitate tueda exsul et proscriptus jam quartum explet annum. Agit apud vos contra eum tyrannus, Ecclesie persecutor manifestus, hostis regni Francorum, cuius iniuncta omnibus nota est, et tamen quod dicere verecundor, et doleo accidisse, prævaluit hactenus in malitia et vanitate sua. Siquidem nuper cum ad colloquium Christianissimi regis accederet, et per comitem Flandrensem, qui illuc dominum Cantuariensem traxerat, de pace Ecclesie reformanda solicitaretur, litteras apostolicas in audiencia episcoporum suorum, et procerum legi fecit, quibus statuebatur, ne præfatus Cantuariensis in ipsum aut terram suam sententiam ferre possit, aut aliquod gravamen alicui personæ de terra sua inferre, donec redeat in gratiam ejus. Quo auditio Christianissimus rex confusus est, et totum regnum, omnesque filii Ecclesie doluerunt virum justum, pontificem reverendum sine causa suspendi, et ab apostolica sede manasse scriptum tam perniciosum exemplo. Anno præterito, Joannes de Oxenford gravissimum quidem scandalum excitavit, sed illud nihil ad istud. Sententia domini regis est, quod si preces ejus nolletis audire, causa Dei non sic fuerat opprimenda, nec erant danda duriora, quibus Ecclesiam ventilarer, cornua peccatori: non erat innocens in mensa, imo inter manus regis Christianissimi jugulandus. Et quod tam regis quam nostratum omnium mentes magis exulcerat, efficaciores dicuntur fuisse injurias et comminationes Anglorum, quam Francorum sincera fides, devotio servens, et juge obsequium. Promiseratis, Pater, si reminisci placet, domino regi, toties pro domino archiepiscopo Cantuariensi supplicanti, quod ei justitiam exhiberetis, et quod memoratum filium vestrum regem laetificaverat, præceperatis ut archiepiscopo comprovinciales episcopi obedientiam exhiberent. Nunc autem, quod regem contrastavit supradictum, eumdem archiepiscopum, quem verbis consolamini, rebus opprimitis, et qui nomine tenus honoratur, debita privatur potestate. Placeat itaque clementiæ vestrae cancellare manus, et permutare vice solvendo innocentem, et Ecclesie tortorem condemnatione debita vinciendo. Alioquin certum est scandalum, quod nuper emersit, et apostolicæ sedis denigrat honestatem, sedari non posse.

L.

Ejusdem. — Pro eodem.

ALEXANDRO papæ, WILLELMUS Carnotensis electus

Vigor sensuum membris omnibus manat a capite et a sancta Romana Ecclesia, quæ omnium fidelium est caput, incolumitas universis et singulis ecclesiis procuratur. Nobile membrum ejus est prima sedes Anglorum Cantuariensis Ecclesia, quæ prima præ-

dicationis officio et sacramentorum dispensatione totam insulam convertit ad fidem, ut eam tanquam matrem suam omnes aliae debeat venerari, quæ eas per evangelium in Christo genuit. Hanc non tam debilitare et scindere, quam subverttere nititur rex Anglorum, ut cum ea totius Ecclesiæ, quod absit, perimat libertatem, et auctoritatem sedis apostolice excludat a finibus suis, et solus omnia possit in orbe suo, qui sibi soli omnia concupiscit. Et nisi ipsius improba retundatur audacia, valde timendum est, ne reges et potestates ad similem contra Dei Ecclesiam improbitatem tali provocentur exemplo. Nam plerumque, quod puniri non audiunt, licitum opinantur. Exsulat apud nos vir bonorum omnium clarus testimonio, domino regi, ecclesiis, et optimatibus Francorum gratus et acceptus pro sua reverentia, dominus Cantuariensis, quia tantæ iniquitati se opponere ausus est, et pro libertate Ecclesiæ facere verbum, et apostolicæ sedi in privilegiis custodiendis servare fidem. Causa hæc, Pater sanctissime, vestra est, in vos tam præsumptuosa, tam damnosa redundat injuria. Apostolatui vestro de cohibitione tyrannidis hujus debetur victoria, per misericordiam Dei et gloria reservatur. Nam si ille, quod Deus avertat, prævaluerit, Ecclesia Anglorum periit, et Gallicana in periculo est. Exspectat devotus filius vester Christianissimus rex Francorum, exspectant Ecclesiæ et optimates regni, quam opem adversus tyrannum sœvientem feretis archiepiscopo pro justitia exsulanti, et coexsulibus ejus, quod Ecclesiæ laboranti, ino jam fere labenti solatum. Exspectant, inquam, sibi reputaturi factum, quidquid miserationis domino Cantuariensi et suis fuerit exhibitum: si Joannem de Oxenefordia, qui imperatori contra Ecclesiam Dei exsecrandum præstiti sacramentum, et complices suos confuderitis. Si regis Anglorum circumventiones exanimaveritis diligentius,

Ne vos decipiant animi sub rulpe latentes,

Deo auctore, liberasti Ecclesiam. Nam quæcumque idem rex agit, nostratis et viciniis adeo suspecta sunt, ut passim dicant: *Quoniam beatus qui alludit parvulos suos ad petram* (*Psal. cxxxvi*). Sicut vicinus notus est, utinam sine danno vestro, ne pernitosus noceat, totus innotescat et vobis. Supplicamus itaque quanta devotione possumus, majestati vestræ, quatenus aures clementiæ vestræ aperiatis ad orationes et vota popolorum, et Cantuariensis Ecclesiæ respiciatis necessitatem, et archiepiscopi, et eorum qui sibi pro Deo et Ecclesiæ libertate coexsulant, miserabiles exaudiatis preces. Certum vero habeat sanctitas vestra, quod dominus rex et optimates regni Francorum eas ex variis et justis causis desiderant promoveri.

Ll.

Ægidii Ebroicensis episcopi. — Humiliter precatur ut cum rege Anglorum pontifex milius agat.

ALEXANDRO papæ, Ægidius Ebroicensis episcopus. Circa næc vocationis initia vestræ debucram pe-

A dibus majestatis advolvi, et ibi infirmitatis meæ remedia quærere, ubi summi consilii angelus salutaris consilii posuit firmamentum. Verum ad hæc et alia debiti nostri officia exequenda, peccatis exigentibus, impedimur, maxime cum circa spem omnium graviora solito apud nos et circa nos scandala oriuntur. Cum enim post multos labores et totius fere Ecclesiæ graves molestias, et illam sollicitudinem, quam in sacrario pectoris vestri quasi crux assiduam portabatis, ad pacem Cantuariensis archiepiscopi animum gloriosi regis Anglorum ad preces vestras, et juxta vestri formam mandati divina clementia inclinasset, et auditæ paces, omnium bonorum voces exsultarent et corda, et ipse Cantuariensis archiepiscopus salvo, sano, honestoque B comite transisset in Angliam, et omnes in adventu suo vocem jucunditatis et canticum præstolarentur lætitiae, versa est in luctum cithara eorum et tantam regia serenitatis perturbationem, afflictionemque ecclesiarum, totiusque populi fere desperationem accepimus, ut non possimus graviter non dolere. Quia domini regis offensa omnes qui subditione ejus Domino fanulantur, gravat pariter et offendit: et ipso laborante quiescere nec volumus, nec debemus. Quia ergo semel cœpi, loquar ad dominum meum, cum sim pulvis et cinis. Meminebit, queso, Pater sanctissime, prudentia vestra, quod sancta animalia oculos ante et retro habentia describuntur, et ad designandam munditiam animalium, ungulæ fissuram legislator non tacuit, ut in lumine multiplici arduæ discretionis subtilitas, et in fissura ungulæ credite nobis dispensationis moderamen suavissimum designetur. Ad hæc a mente vestra non excidit, quod ubi multorum strages apparet, detrahendum est severitati in pluribus, et occisione unius personæ non oportet totam domum Domini concurti tam graviter et turbari, præsertim cum rege peccante, si viam pacis Cantuariensis agnosceret, et diligenter agnitam, plus universalis paci Ecclesiæ, plus propriæ per mansuetudinem discretam consuleret, quam comminationibus coruscando, et omnem potestatis suæ rigorem exercendo proficiat. De cætero, nec novum, nec mirum est, humanum animum falli vel fallere. Ad utrumque D posuit nobis cautelam magni consilii Angelus dicens: *Estate prudentes sicut serpentes, et simplices sicut columbae* (*Math. x*). Miror qua impudentiæ vestræ sit serenitati suggestum regem Anglorum, et domini regis Anglorum et principis nostri filium professionem consecrationis suæ temporis debitam non fecisse, et juramentum de quibusdam consuetudinibus conservandis præstissee. In unius negatione, et affirmatione alterius pari malignitate quassatum. Dico enim vobis coram Deo in animam meam, quod professionem a prædicto domino rege factam audivi in publico. De juramento autem nec post consecrationem, nec tempore consecrationis usque in hanc diem auribus meis vel modicum verbum insonuit. In omnibus his, Pater sancte, viglet et

provideat sancta discretio vestra, ut quæratis et rogetis quæ ad pacem sunt peregrinantis Hierusalem : ne major in Ecclesia Dei scissura fiat, et gravior, tempus est, reverendissime Pater, ostendendi et exercendi circa charissimum filium tuum illumitem regem Anglorum apostolicæ viscera charitatis, ut ei respondeat mane justitia sua, humilisque et prompta devotio, quam vobis et Ecclesiæ Romanæ tempore opportuno exhibuit, ut in sinum suum apostolico moderamine convertatur.

LII — LIII.

Ægidii Ebroicensis episcopi.

[*Warthon, Anglia sacra, præf. ad tom. II, p. v, ex archivo ecclesiæ Christi Cantuariensis. Sigilli circumferentia inscribitur: Ægidii Dei gratia Ebroicensis episcopi. In dorso autem scriptum est: Contra falsa privilegia S. Augustini; qualiter per unum monachum falsarium S. Medardi adulterinis privilegiis se munierunt.]*

I. Quam gravis inter regem Henricum et me servum vestre sanctitatis in initio nostri episcopatus exorta sit discordia pro reparatione libertatis Ecclesiarum Norman., quæ a multis retro temporibus conculcatæ fuerant, discretionem vestram non credimus ignorare. Illius siquidem persecutionis turbine moti, et parochiæ nostræ fines exire compulsi, portum nonnisi in apostolicæ pietatis sinibus invenire potuimus. Quæ et quanta nobis solatia felicis memorie B. Innocentius papa contulerit, vix mens potest concipere vel lingua proferre. Inter quæ hoc unum, quia ad modernorum non credimus notitiam pervenisse, vestræ discretioni, tanquam dignum memoria, præsentis scripti relatione studiuimus intimare. Dum B. Innocentius Remis celebraturus concilium advenisset, me minimum servorum Dei cum fratribus et filiis nostris ex more contigit interesse. Inter cæteros autem quos nobiscum adduximus, R. in abbatem B. Audoeni, W. in abbatem Gemmeticensem electi, nec benedicti, apostolico se conspectui in abbatum ordine præsentarunt. Quorum electionem, ino dejectionem dum apostolicis auribus intimarem, discreto more suo ab eis diligentius inquisivit, si forte aliquibus privilegiis authenticis munirentur, quorum patrocinio corum personæ vel ecclesiæ a metropolitani subjectione comprobarentur immunes. Dum hæc apostolica sollicitudo diligenter scrutaretur instantia, venerabilem virum G. Catalaunensem episcopum, quondam abbatem B. Medardi, ex divino munere contigit adfuisse. Qui, dum B. Audoeni electus circa questionem apostolicam hæsitaret, nostræ dubitationi finem imposuit, et illius præsumptionis tumorem antiquæ recordationis freno compescuit. Ait enim quod dum in ecclesia B. Medardi abbatis officio fungeretur, quemdam Guernonem nomine ex monachis suis, in ultimo confessionis articulo se falsarium fuisse confessum, et inter cætera quæ per diversas Ecclesias fragmentando conscripserat, ecclesiam B. Audoeni, et ecclesiam B. Augustini de Cant. adulterinis privilegiis sub apostolico nomine

A te munisse, lamentabiliter penitendo asseruit. Quin et ob mercedem iniquitatis quedam se pretiosa ornamenta recepisse confessus est, et ad B. Medardi ecclesiam detulisse. Quo auditu, B. Innocentius prædictum est scisitatus episcopum, si quod de piaro interlocutus fuerat, jurisuranci religione firmaret? Quod se facturum vir Dei religionis et veritatis amator, proposuit. Quo aucto dominus papa: «Eia, inquit, mi frater charissime, indu te ornamenti dignitatis tue, et præsentibus electis sub professione canonica manum benedictionis impone; » quod ego impetrata licentia aggressus sum. Ipse, quod mirabile dictu est, venerabilium Patrum conventum ejus adventum exspectantium ingredi supersedit, quoad ego secum intraturus, benedictis rite abbatibus, advenirem. Hæc, Pater sanctissime, vobis duximus exaranda, exorantes ut si prædictas ecclesias contra institutiones patrias aliquid usurpare fuerit comprobatum, vos more solito et debito ecclesiæ singulis suam conservetis in omnibus æquitatem.

II. Venerabili Patri ac domino charissimo ALEXANDRO, Dei gratia S. R. E. summo pontifici, &c. eadem gratia Ebroicensis Ecclesiæ humilis minister servus tue sanctitatis, obedientiam devoutam et reverentiam.

Quæ in schedula scripta sunt quam vobis cum sigillo nostro Cantuariensis præsentat Ecclesia, ab ore bonæ memorie Hugonis quondam Rothomagensis Ecclesiæ archiepiscopi, patris et patrui mei, accepimus, et sigillo suo signata ad B. Thomam et Ecclesiam Cantuariensem transmisimus; ut veritas recordationis antiquæ eorum præsumptionem compescat, qui in spiritu erroris et spiritu mendacij indebitam sibi vindicant libertatem. Privilegia autem, quæ ex confessione Gaufridi Catalaunensis episcopi in præsentia sanctæ recordationis Innocentii papæ adulterina probata sunt, et prædictæ domino nostro archiepiscopo redditæ, de mandato ejusdem domini nostri igni comburenda propriis manibus tradidimus. Conservet Deus personam vestram Ecclesiæ sue per tempora longiora incolumentem!

LIV.

Henrici decani et capituli S. Pauli London. — Gilbertum episcopum, Romam pergentem commendant.

Postquam dominus noster archiepiscopus Cantuariensis occasionem sibi reperit de terra nostra exundi, exinde turbata variisque modis fluctuans Anglorum Ecclesia laboriosa sollicitudine exstitit curiosa tanquam repente destituta, et timoris onere inmultimodo laboravit agitata tanquam de exitu tantæ destitutionis dubia. Subvenit tamen omnipotens Dei piissima benignitas, quæ regie in pastorem indignationis severitatem in gregem passim evagari bucusque non permisit; etiam manus ipsius potentiam ne matrem suam, cuius piissimus est filius, ecclesiam gravaretur interim coercuit. Præ cæteris tamen solliciti præ nostra fui ecclesia,

tanquam in urbe cæteris omnibus terræ nostræ populosiore sita, et regiis sollicitudinibus magis exposita et speciali aliqua dignitate cæteris ecclesiis dignior habetur et superior. Cujus gravamen et onera importabilia, quæ magis verbis vivis exprimi quam litteris possunt dictari, cum justæ et non sine causa metueremus, nos una cum domino Gilberto, episcopo nostro, vobis in omnibus deuotissimo ad vestram sanctitatem quondam appellavimus, et ipsius quidem appellationis causa et tenor vestræ discretioni satis innotuit: sed vestra benignitas laboribus et sumptibus ecclesiæ nostræ per litteras ad dominum Cantuariensem missas ea vice pepercit: quarum beneficio cum nos fore in quiete, donec ira domini nostri regis effervuisse, interim speraremus, subito et quasi ex insperato audivimus domino Cantuariensi habendas fuisse laxatas et rigoris archiepiscopalis exercitium cum plena potestate a vestra celsitudine restitutum, propter quod dominus et episcopus noster Gilbertus, cujus animo sollicitior sua et nostræ ecclesiæ cura insedit, gravamen tam in personam suam quam in universum Ecclesiæ sue gregem, licet nullius culpe conscientius, iterato formidans ad vestram audientiam in facie ecclesiæ ante altare Beati Pauli constitutus, præsentibus viris religiosis abbate Westmonasteriense et abbate Sancti Augustini Cantuariensis, et abbatæ Certesiæ, et prioribus conventuum et archidiaconis et clericis plurimarum ecclesiarum, decimo quinto Kal. April. appellavit, integratem sui status et domini nostri regis et omnium procerum et totius regni ejus vestro sanctissimo examini commendans, et indemnitatem praecavens. Post hanc autem appellationem, sed et ante, cum ob culpam nullam fuisse citatus hucusque nec commonitus, anathematis sententiam in ipsum et in plerosque alios a domino Cantuariensi fuisse latam plurimum obstupescimus, et gravissime dolemus. Indebitam enim poenam ipsum sustinere, quæ ad nos tanquam ipsius filios specialius et pressius spectat, sine grandi spiritus contritione videre non possumus: præsertim cum ejus apud nos conversationem dignissime laudabilem experti fuerimus, et ipsum nihil culpe contraxisse nec aliquo modo ipsum iram domini regis in dominum Cantuariensem vel excitasse vel fuisse indubitanter cognovimus, sed ad pacem ejus et securitatem studiosissime laborasse et sepissime sua industria optimam spem inde concepisse. Vestræ itaque sublimitati humiliiter ac affectuosissime, et pro domino et pastore nostro quem ad ecclesiæ nostræ regimen gratis vestræ serenitas transferri concessit, preces supplices porrigitur, quatenus ipsum ad vos venientem digne suscipiat et paterna gratia afflictionem ejus et nostram sublevet, et sicut, apostolicam decet dignitatem, remedia appellationum sive oppressis, sive ex aliqua vel levi suspicione iniculosis concessa illibata tueri et sovere dignetur vestra sanctitas. Quam cum incolumitate longa conservet Pater misericordiarum et Deus

A totius consolationis (*II Cor. 1*) Christus omnipotens.

L.V.

Stephani Meldensis episcopi. — Pro i. inoma exsulante.

ALEXANDRO papæ, STEPHANUS Meldensis episcopus.

Licet non sit discipulus super magistrum, judicique pastorum oibus veneranda sint, non retractanda, non tamen erit incongruum, si patri filius in causa pietatis supplicet, et bonum dominum pro bono pacis humilis servus instanter interpellat. Novit non solum Romana, sed et omnis catholica Ecclesia, quam injuste dominus Cantuariensis exsulet, quam inique vapulet, de quam bono opere lapidetur; et quod dum Ecclesiæ verus nititur esse filius, hostibus Ecclesiæ factus est hostis publicus. Et ea causa in exsilium est depulsus, qua fuerat ab exilio dignissime revocandus. Nondum tamen iniqüitas oppilavit os suum, nec obstructum est os loquentium iniqua, sed quasi quosdam cineres mortuos persequitur, et in capite judicii nititur eruere oculos veritatis, quæ jam in quibusdam obliquavit pedes rectitudinis. Filiali igitur devotione et omnimodis obnixa supplicatione postulamus, ut erga dominum Cantuariensem indefessam et solidam, solitamque geratis circumspectionem. Et dum Anglorum vobis pecuniosæ insidiantur verutiae, papalis nihil diminuatur constantia, sed immotam et ineradicabilem servando perseverantiam, et domini regis, et totius Ecclesiæ Gallieanae vobis et conservetis benevolentiam et augeatis amicitiam.

LVI.

Eiusdem. — Pro eodem.

ALEXANDRO papæ, STEPHANUS Meldensis episcopus.

Crebrescant, Pater, scandalata temporibus nostris: sed *væ illi per quem scandalum venit!* (*Math. xviii.*) Si enim præcipitio et mola asinaria dignus est et profundo, qui unum de Christo parvulis scandalizat, quod meretur judicium, quas in se provocat poenas, qui totam Ecclesiam Dei scandalo replet, sanctorum corda percussit, ut, si fieri posset, a fidelitate et devotione sedis apostolicæ moveantur electi? Et quidem Joannes de Oxenesford anno preterito gravi scando collisit Ecclesiam, qui domini Cantuariensis excommunicatos, persistentes in scelere suo, quod omnibus notum est, sine omni non dico satisfactione, sed etiam sine satisfactionis imagine fecit absvoli. Et quod sine dolore et confusione non eloquor, adhuc ecclesiarum possessiōnibus incubant, spoliant clericos, pauperum Christi bona diripiunt, impune se tam Romanæ Ecclesiæ auctoritate, quam regis sui iniuriate tutos esse gloriante. Cæterum, scandalum illud, licet maximum fuerit, jocus erat præ his quæ regis Angliæ nuntii nuper attulerunt, et quod omnium fidelium vestrorum corda magis exulcerat, in colloquio regum novissimo publicata sunt. Lectæ enim sunt litteræ, quibus dominus Cantuariensis, vir litera-

rum eruditione et morum honestate, sed magis pro causa domini et libertate Ecclesiae, cuius assertor est, venerandus, potestate debita coercendi subditos privatus est, donec redeat in gratiam regis illius, cui gratus esse non poterit, nisi Deo ingratus sit, et infidelis apostolicæ sedi, et toti perniciosus Ecclesiae. Confusus est Christianissimus rex in verbo isto, stupuit Ecclesia Gallicana, principes doluerunt, quod tantum prævaluit apud vos manifestus hostis regni Francorum, universalis Ecclesiae persecutor, inventor schismatis quoad potuit, et fautor hæreticorum. Sed nunc, auctore Deo, in eo calculo constitutus est, ut licet minari audeat, in hac parte non possit nocere. Nam qui terret, plus ipsetimet, et, Deo propitiante, promptior est ad fugam, quam ut hostem audeat expectare. Nusquam enim tutus est, et non tam extraneos quam domesticos veretur hostes. Dominus noster rex quantum motus sit, quod tantum acquievistis Ecclesiae persecutori et hosti suo, non facile dixerim, ne referenti vestra sanctitas indignetur, sed certum est hoc scandalum sedari non posse, nisi citam adhibueritis medicinam. Nec desunt qui suadeant, ut de cætero non desistat pro reverentia vestra suam et regni procurare utilitatem, contrahendo cum his qui oderunt nomen vestrum. Placeat itaque majestati vestre in consolationem domini Cantuariensis, imo in sublevationem Ecclesiae mitigare animum ejus, et Ecclesiam Gallicam a tanto scandalo liberare. Quod utique fieri posse non arbitror, nisi absolvatur innocens, et impius vinciatur, cuius potestatem jam coarctavit Altissimus, ut de cætero non oporteat vereri minas ejus. Verendum est ne alii principes in destitutione Ecclesiae hoc exemplo similia præsumant, et quoties a Christi sacerdotibus corripiuntur, ora corum nitantur occidere, et ministerii detrahere potestatem. Valeat semper et vivat sanctitas vestra.

LXXII.

*Ejusdem. — De lamentabili cæde S. Thomæ.
Domino pape, episcopus Meldensis.*

Licet præsentis negotii magnitudo, Pater sancte, verborum prolixitatem exigit, tamen ex multorum relatione et ex scriptis magnorum virorum quamplurium ad vos missis, pretiosam in conspectu Domini, novi, ut credimus, martyris archiepiscopi mortem tam plenis innocentibus, non ambigimus. Super hoc ipso verbo abbreviatum vobis duximus faciendum. Prætermittentes igitur de morte illius tanti viri lacrymabilem narrationem, qualiter in crastino innocentium infra actum innocentium inter templum et altare a ministris Herodianæ crudelitatis, ex præcepto regis sui se in sanguine ejus grassari coram omni populo protestantibus, ad solas preces, maxima urgente necessitate convertimur. vestram itaque paternitatem, sicut decet, altius moveat sanguis alterius Abel, ab iniquissimo Cain injuste effusus, qui de transmarinis regionibus ad vos clamare non cessat. Moveat vos etiam totius

A Ecclesiae communis dolor, et conqueſtio miserabilis, et periculum imminens! Moveat vos regni Francorum subita perturbatio, et super hæc omnia amor Dei et zelus justitiae, quo in tanto sceleris auctore non minimum exardescere debet! Vestræ igitur sanctitatí, quanto possumus cordis affectu, supplicamus, ut sententiam, a domino Senonensi consilio provincialium episcoporum et quorumdam abbatum, necnon etiam quamplurimum prudentium et religiosorum clericorum in terram ejus cismarinam juxta mandatum vestrum promulgatam, ratam habeatis et firmiter observari præcipiat: et quod ab ipso fieri non potuit, vos cui plenitudo potestatis collata est, supplice non differatis, et ut tyrannus ille talia non exercet sine damnatione, et novus martyr non fraudetur debita exaltatione, ipsum et totam terram ejus transmarinam ecclesiastice censuræ potenter subjiciatis. Seniores etiam populi a quibus egressa est iniquitas, episcopos scilicet pridem ex parte damnatos, nullo modo prætermittatis; vigilantes ne spiritus mendacii et humilitas palliata, seu etiam frivolarum terror minarum, et falsa periculi majoris interpretatio in tramite justitiae prudentiam vestram aliquatenus faciat declinare. Valeat sanctitas vestra!

LXXIII.

Milonis Morinorum episcopi. — Contra Gilbertum Londoniensem episcopum.

Sanctissimo domino et Patri charissimo ALEXANDRO, Dei gratia summo pontifici, MILO Morinorum episcopus, salutem et devotam in omnibus obedientiam.

Impudentiæ mater ambitio, quam cæca sit, ex eo conspicuum est, quod se pari temeritate audendis et non audendis immergit, et concupiscentiæ stimulis agitata per fas et nefas ruit in præceps. Hujus impulsus furore Londoniensis episcopus matrem suam sanctam Cantuariensem Ecclesiam, cui fidem et obedientiam ex præstita professione debet, querit evertere, et archiepiscopatus honorem Ecclesiae Londoniensi, cui præsidet, se acquisitum gloriatur. Sufficere debuerat ei, quod patrem suum dominum Cantuariensem, ob confessionem veritatis, et tuitionem libertatis ecclesiasticas, et privilegiorum sedis apostolicæ defensionem, jam quinquennio proscribi fecit, et quod indubitanter peremptorium est, regis et officialium suorum animos in persecutionem Ecclesiae excitavit, et mandato vestro inobediens clericorum, qui pro justitia spoliati sunt, adhuc detinet bona. Nam si in fraudem spoliatorum dolo desit possidere, aut quod magis credimus, singit se aliis cessisse possessionem, nihilominus damnandus est, præsentim cum ante receperit tam vestras quam archiepiscopi sui litteras, quibus præcipiebatur in periculo ordinis sui, et sub anathemate restituere clericis ablata quæ tenebat, et alios qui bona eorumdem mandato regis occupaverant, ad restitutionem faciendam severitate ecclesiastica perurgere. Sed quia minus alta

mente repositum manet, quod eum Cantuariensis Ecclesia, prout ambierat, non elegit, et hactenus prosperatus est in iniquitatibus suis, et quod male libuit, impunc commisit, sicut opera ejus videntur attestari, nihil ei satis erit, nisi virum innocentem et justum, et patrem suum, et jam saepius confessorem, de terra prorsus avellat. Nuper in solemni conventu per officiales regis elaboravit, ut fratres et coepiscopos suos sibi communicare compelleret, et domino Cantuariensi debitam subtrahere obedientiam. Cæterum, Deo inspirante, qui præcipuerant, in conflatorio ejus probati sunt, et ei in faciem resistentes, Deo ante conspectum suum proposito, hinc indignationem regis, quam ille concitat et minatur, inde consolationem expectant a Deo. Conterminales sumus Anglorum, et nostrorum et illorum interveniente frequenti commercio, nos facile latere non potest, quod tam solemniter ab illis geritur. Diu lupum texit in pellibus agnini, et fallacia habitus et gestus simulata religione derisit Ecclesiam. Quid ergo superest, Pater optime, qui totius Ecclesiæ salutem cooperante Domino dispensatis, nisi ut auditio sapientissimi Salomonis consilio, jam a Christi corpore separatum ejiciatis derisorum, et exhibet cum eo jurgium? Nam totius hujus schismatis auctor est et inventor, et quasi per se non satis insanias, instigat regem. Supplicamus itaque majestatis vestrae pedibus provoluti, ut Cantuariensi Ecclesiæ feratis opem, et tam præfatum episcopum quam alios, quos archiepiscopus ^B iusto anathemate perculit, sic conteratis, ut posteris, qui audituri sunt tanta peccatis nostris exigentibus fuisse præsumpta, gaudeant a vobis eadera severitate vindictæ fortiter, ut a successore Petri decet et Christi vicario, fuisse restincta. Nam gloriam vestram, quam Deus perpetuet, titulos plurimum illustrabit, si tam justæ ultiōnis in reprobos condignum reliquoq[ue] exemplium. Valeat semper sanctitas vestra.

LIX.

Bernardi Nivernensis episcopi. — Precatur ut in causa S. Thomæ Cantuariensis regi Anglorum nonnihil indulget.

ALEXANDRO papæ, BERNARDUS Nivernensis episcopus.

Post nuntiorum vestrorum a domino rege discessum, ad curiam citati venimus, ibique ex certa relatione archiepiscoporum, episcoporum et aliorum terræ sue, qui ob hoc convenerant, magnatum accepimus, quod idem dominus rex nuntios vestros et litteras debita veneratione suscepserat; quippe qui ei promptam benignitatis vestram gratiam promittere videbantur. Propositis siquidem ab eis petitionibus vestris de consilio prædictorum optimatum suorum præfatum regem benigne respondisse asserebant, quod pro amore et honore vestro archiepiscopum Cantuariensem ad archiepiscopatum suum redire, et omnia quæ tenebat quando exxit, cum integrata recipere, salva nimirum

A pristina dignitate regni sui, concedat, et deinceps bene et in pace possidere ad honorem Dei. Asseverabant etiam quod cum inter dominum regem et prædictos nuntios vestros super hoc tractatus prolixior haberetur, tandem utrinque complacuit, ut eos qui præsentes aderant, statim absolverent; et ad illos, qui in Anglia erant absolvendos alter eorum, videlicet magister Vivianus, illico transiret, alter ad conductæ pacis execucionem remaneret. Postmodum vero revocato, quem præbuerant, consensu verbum conservandæ imposterum regiae dignitatis admittere noluerunt, ea quæ utiliter et provide ordinata fuerant exsequi recusantes, tanquam in hoc verbo aliquid ecclesiasticae dignitati derogaretur, cum omnibus sanis et recte intelligentibus videatur, quod dignitas regia ecclesiastica provehat potius quam minuat dignitatem, sicut versa vice ecclesiastica libertas regiam adornat et veneratur majestatem. Est enim in his duabus rebus firmissimus amicitiarum nodus, et amica conexio, cum et regiam excellentiam dignitas ecclesiastica provehat, et pacem ecclesiasticam regia conservet auctoritas. Nos itaque paternitatis vestrae genibus advoluti, quanta possumus supplicatione, pietatem vestram exoramus, ne in tanto rerum discrimine litterarum apices, et verborum conceptiones potius quam ipsam amplecti velitis veritatem, sed juxta datum vobis a Deo discretionis et consilii spiritum dormitet aliquantulum apud vos severitas disciplinæ, ut magis proficiat benignitas et mansuetudo gratia: et cause unius, sicut pium patrem decet, multorum aut certe innumerabilium discrimen et periculum præferatis.

LX.

Baldwini Noviomensis episcopi. — Contra Gilbertum Londoniensem episcopum.

ALEXANDRO papæ, BALDWINUS Noviomensis episcopus.

Ferreum pectus est aut lapideum, quod ad labores et ærumnas sanctæ Cantuariensis Ecclesiæ non anxiatur. Et inhumano habet oculos, qui in tantis Ecclesiæ lacrymis potest a lacrymis abstinere. « Omnis illa bonis flebilis » est, sed nulli aut paucis in regno Francorum flebilius esse debet quam mibi, D qui et gloriam ejus vidi, et beneficia sensi, et familiarius agnovi devotionem quam sanctæ Ecclesiæ Romanæ semper exhibuit. Semper enim, quod alias nusquam auditur aut raro, habuit Cantuaria episcopos confessores et qui aut martyrio coronati sunt pro fide Christi, aut exsules et proscripti sunt pro justitia et libertate Ecclesiæ. Et quidem ille, qui nunc ei præstet, implet mensuram patrum suorum: et pro honore Dei, sicut jam utrique regno ex ipsius persecutoris sui publica confessione innotuit, jam quinquenne exsilium proscriptus agit. Verum decessores sui, sicut legitur in historiis, aut viventium tenet memoria, soli in propriis personis exsilium, aut proscriptionis injuriam pertulerunt. Hic autem cum tota domo, cognatis omnibus, familiaribus et

amicis, tanto acerbiori dolore relegatus est, quanto iniquius, et majoris crudelitatis gravamina erant, quæ a tortoribus Ecclesiæ perferebat. Sed longe graviora sunt, quæ nunc a fratribus et domesticis sustinet. Horum signifer est Londoniensis ille, qui diu vulpem ementit auro subornans, latenter in manib[us] serebat ignem et gladium, quibus regis et officialium suorum animos succenderet adversus Ecclesiam, et manus armaret. Et quia eum Cantuariensis Ecclesia sibi in pontificem non elegit, cæca ductus ambitione, quasi versus in furorem, minatur se regis viribus facturum, ut archiepiscopalis cathedra Londoniam transferatur. Coepiscopi sui, ab officialibus regis nuper commoniti, et quatenus potuit fere compulsi, ut ei communicarent, et Cantuariensi archiepiscopo subtraherent obedientiam, eum ratione juris, ut oportuit, confuderunt, non consentientes ulterius consilio et machinationibus ejus, quoniam exspectant et ipsi regnum Dei, et interim consolationem ab apostolica sede. Placeat itaque sanctitati vestræ tam præfatum episcopum, auctorem scilicet et incentorem schismatis hujus, quam reliquos ecclesiæ malefactores, quos dominus Cantuariensis exigentibus culpis anathematis vinculo innodavit, tanta severitate conterere, ut alii eorum exemplo territi non audeant similia attendare.

LXI.

Ejusdem et Mauricii Parisiensis episcopi. — Quod post indictum archiepiscopo Cantuariensi apud Pontisaram colloquium, rex Anglorum, omisso in contumeliam domini Cantuariensis quod indixerat colloquio, Angliam festinanter repetierit.

ALEXANDRO pape, BERNARDUS Noviomensis et MAURICIUS Parisiensis episcopi.

Nos sanctitati vestræ pro Ecclesia Anglicana, et venerabili viro Cantuariensi archiepiscopo preces æpius porrexisse meminimus, nec poterit, Deo propitio, nostra instantia cohiberi, donec ei misericordiam impendatis, et apostolicæ majestatis dextera malitiam reprimatis eorum, qui Christum in illo co[n]tantur extinguere, et totius Ecclesiæ perimere libertatem. Gravia quidem sunt et multa damna, quæ diu fortiterque sustinuit; atroces nimis et sine exemplo in se et suis patienter exceptit injurias, sed divina cooperante gratia, ad magnum jam Ecclesiæ prospectum, ut indubitanter crèdimus, pervenerunt. Nam apud illum Anglorum regem, cui non satis est indebita servitute torquere subjectos, gratis affligere innocentes, contrahentes decipere, vicinis insidiari, fraudare dominos, nisi contra fas et iura conculceret Ecclesiam, jam de consuetudinibus et dignitatibus nec mentio est, hoc eo petente duntaxat, ut ei faciat præfatus Cantuariensis quod archiepiscopus regi debet, et ipse vicissim illi, quod rex debet archiepiscopo. Nuper autem ad hanc ejus pollicitationem spe reconciliationis pleniori suscepta, idem Cantuariensis in omni humilitate et devotione usque ad Pontisaram accessit, confidens se regis colloquium habiturum, sicut venerabiles viri, domi-

nus Rothomagensis, et episcopus Sagiensis promiserant per litteras suas, et præter hos Cisterciensis abbas, et frater Gausfredus Autisiodorensis, quos præfatus rex Senonas ad szpedictum archiepiscopum miserat, ut hoc colloquium procurarent. Sed idem rex in reditu nuntiorum suorum, scilicet magistri Ricardi Barre, et Radulphi Landaviensis archidiaconi, redeuntium a sanctitate vestra, more suo resiliit a pactis, dicens se cum festinatione itum in Angliam, ut filium suum in læsionem et injuriam Cantuariensis Ecclesiæ, per manum domini Eboracensis, vel alterius episcopi faceret coronari. Et siue apud nostrates celebre est, præfati nuntii ejus gloriati sunt se et hanc novi regis coronationem obtinuisse a vobis, et absolutionem eorum, quos dominus Cantuariensis pro merito anathemate condemnavit. Rediit itaque infecto negotio toties memoratus Cantuariensis, condolente sibi Christianissimo rege, et regno compatiente, mirantibus cunctis, si etiam nunc in tam conspicua causa circumveniri potuerit apostolica sedes. Quis enim, et pro qua causa condemnabitur, si tanta et iam evidens Christi injurya, et ecclesiæ læsio, et contemptus, ab illo rege non requiruntur? Quis innocens de manu calumniatoris liberabitur, si non subvenitur domino Cantuariensi et coexsilibus suis? Hæc enim quæ nuntii ejus jactitant evanescasse, ad coercionem hominis, aut potius iniquitatis videbantur esse præcipua. Et jam in pena aliorum didicerat, quid aduersus malitiam potestatum valeat ecclesiasticus vigor. Pax Ecclesiæ credebatur adesse præ foribus, ipseque rex ferocitate seposita eam in veritate ad honorem Dei expetere etiam a familiarissimis putabatur. Sed si hæc ei etiam post injuriam, quam vobis in imitatore beati Petri, et vestro domino Gratiano, et aliis nuntiis intulit, indulta sunt, idem est ac si omnis via pacis et spes Ecclesiæ prærupta sit Anglicanæ. Sed absit hoc a sanctitate vestri pontificatus, ut tam patens injurya Christi confessoribus irrogetur, et perniciose exemplo tyrannorum aduersus Ecclesiam armetur et roboretur iniquitas. Sperabatur enim ab omnibus, quod vestram non posset ulterius circumvenire prudentiam, aut illudere sanctitati, aut justæ severitatis manus evadere. Ecclesiæ miseria, et innocentium influita afflictio, quam videmus, nos verba protendere coegerunt. Sed summa desiderii nostri est et totius Ecclesiæ Gallicanæ, ut tantum scandalum caleri subventione de medio tollatis, et præfatum regem his, quæ Christiano regi competunt, faciatis esse contentum, et Regi regum sua privilegia illibata relinquere.

LXII.

Mauricii Parisiensis episcopi. — Pro S. Thoma Cantuariensi.

Sanctissimo Patri et domino ALEXANDRO, Dei gratia summo pontifici, et universalis pape, MAURICIO eadem gratia Parisiensis Ecclesiæ humili minister, obedientiae, servitutis et devotionis plenitudinem.

Noverit celsitudo vestra, serenissime Pater, quod

nuper prope Parisios de pace inter regem Angliae et dominum Cantuariensem reformanda tractatum est. Et sicut magistrum Vivianum consitentem audivi, rex Angliae in hunc modum pacem concessit, scilicet quod juxta mandatum et consilium vestrum pro amore Dei, et vestri, et honore sanctæ Ecclesie, dominum Cantuariensem in gratiam suam recipere, et omnibus qui pro eo exsulabant, pacem et plenam de se et suis securitatem concederet, et ipsi Ecclesiæ Cantuariensem in ea plenitudine et libertate, in qua eam melius habuerat postquam factus est archiepiscopus, redderet, possessiones etiam omnes quas habuit, ita libere et quiete, et honorifice tenendas, sicut Ecclesia et ipse liberius et honorificenter, postquam promotus est in archiepiscopum, tenuerat, ipsi et suis similiter resignaret. Et omnes ecclesias et præbendas ad archiepiscopatum pertinentes, quæ postquam de terra exiit vacaverunt, ut de his sicut de suis ad libitum suum faceret, similiter habere permetteret. Hæc quidem omnia concessit. Verumtamen in osculum pacis ipsum nullatenus recipere voluit. Quod quia multis prudentibus qui aderant suspectum videbatur, nec eo modo dominum Cantuariensem in plenariam regis Angliae gratiam redire, vel pacis integratatem obtinere posse intelligebant, pax imperfecta remansit. Præterea requirebat dominus Cantuariensis partem ablatorum sibi restitui, alteram vero partem in sustentationem dimitti, donec vestrum super hoc religiosorum virorum haberet consilium. Inconveniens enim, et sibi valde damnosum, et perniciosum sanctæ Ecclesiæ exemplum videretur, si ipse omnia ablata, sicut rex Anglie postulabat, penitus remitteret, cum per ejus absentiam ædificia Cantuariensis Ecclesiæ diruta essent, et ad possessiones dissipatas tenue haberet refugium et ipse gravissimo alieni æris debito astrictus teneretur. Sanctitati igitur vestræ, quam pro Ecclesia Cantuariensi frequentius rogavi, flexis genibus et tota animi devotione supplico, ut filiæ vestræ jam diu periclitantis miserias misericorditer attendantes, ipsius honori et utilitati consulendo, et honestæ compositioni intendendo, eum ab exilio instanter revocare paterno afferetu vigiletis. Videtur autem quod dominus Cantuariensis non minus possit vel debeat a rege Angliae exigere, præsertim cum dominus rex palam dixerit, eidem Cantuariensi plenarie gratiam minime restitui, nec se aliquo modo huic compositioni interesse, nisi osculo pacis firmaretur.

LXIII.

Ejusdem. — Contra Gilbertum Londoniensem episcopum.

ALEXANDRO papæ, MAURICIO Parisiensis episcopus.

Parit et alit culpas licentia delinquendi, et in augmenta facinorum presiliuntur, dum secura impunitate peccatur. Latuit aliquandiu Londoniensis ille episcopus, ne dicam Iupus Antichristi præambulus, in

A pellibus agninis. Et quia in prima depopulatione ovilis Christi cum principe suo, cuius viribus abusus est, non est ejus repressa malitia, nunc impatiens disciplinæ unitatem Ecclesiæ Anglicanæ scindere machinatur. Ex quo enim, culpis exigentibus, Satanæ traditus est in interitum carnis, discordias seminavit, sparsit scandala, scissuras et seditiones machinatus est, et patenter exercuit opera, quæ solutus Satanæ videri debeat exercere Conatus est per officiales regis episcopos inducere ut ei communicarent, et domino Cantuariensi, qui ætate nostra in partibus occidentalibus se confessorem veritatis et virtutis exemplar proposuit, obedientiam subtraherent. Sed ei, Deo inspirante, præcipui eorum in faciem restiterunt, eo quod erat reprehensibilis. In tantum ergo prosliliit impudentiam, ut publice diceret se Cantuariensi Ecclesiæ obedientiam non debere, eo quod postquam ad Ecclesiam Londoniensem translatus est, nullam ei de exhibenda obedientia fecit professionem. Ausus est etiam gloriarri quod archiepiscopalem cathedram Londoniam transferri faciet, ut civitas, quam ante tempus beati Gregorii Anglorum apostoli archiflaminem dicit habuisse, eadem nunc archiepiscopum habeat temporibus Christianis. Qui talia, Pater sanctissime, facit et loquitur, nonne merito creditur insanire? Utique non est lic homo a Deo qui obedientiam non custodit, qui fidem nescit, qui schismatis auctor est et inventor. Placeat itaque majestati vestræ, quam in longa tempora conservet Deus, domino Cantuariensi, quem constat pro justitia et pro libertate Ecclesiæ, pro tuendis apostolicæ sedis privilegiis jam quinquenne exsilium fortiter et alacriter sustinere, opein ferre, et tam præfatum Londoniensem, quam alios Ecclesiæ malefactores, quos, ut, mœuerant, serius tamen anathemate perculit, allidere et conterere ad apostolicam petram, juxta quam absorpti sunt auctores eorum. Alioquin timendum est, ne si, quod absit! tantum scelus remaneat impunitum, citius et Anglicanæ et Gallicanæ Ecclesiæ perniciem et religionis ruinam operetur.

LXIV.

Matthæi Trecencis episcopi. — Pro S. Thoma Cantuariensi.

ALEXANDRO papæ, MATTHÆUS Trecensis episcopus. Apud dominum meum fiducialius ago, recolens quanta dignatione tanta majestas meam semper dilexerit, honoraverit et extulerit parvitatem. Et quidem gradui, quem habebam, multum accessit honoris, sed multo plus oneris, ut ex necessitate deficient humeri mei, nisi Dominus supposuerit manum suam, et clementia vestra adjiciat gratiam. Nam si providentia vestra dignetur circumspectionis suæ oculos in partes nostras dirigere, multis bonis magna videbit adesse tormenta, et pluribus graviora instare certamina. Quæcum episcopus corrigeret nequeam, et pro suscepto officio divini judicij metu non audeam dissimulare, me quisquis in

arcto constitutum ambigit, conditionis meæ prorsus ignarus est. Cæterum, spes mea in Deo et vobis est, ad quem tam meas quam amicorum angustias, præsertim pro confessione veritatis et justitia laborantium, censeo referendas. Horum unus et auxilio vestro dignissimus est dominus Cantuariensis, qui pro honore Dei jam quinquenne apud nos exsilium in patientia multa proscriptus peragit. Periclitatus est hactenus sævitia tyrannorum et delatorum insidiis, sed nunc gravius pericitatur a falsis fratribus. Quorum primus est ille Londoniensis, qui sub episcopi nomine, sicut ex litteris domini Senonensis plenius innotescet, parricidam exprimit furiosum. Placeat itaque sanctitati vestræ, cuius incolumitatem propitius Ecclesiae suæ perpetuare dignetur Dominus, tam præfatum episcopum quam alios, quos dominus Cantuariensis exigentibus meritis anathemate condemnavit, tanta severitate conteri, ut a similius ausu reliqui terreatur exemplo vindictæ.

LXV.

A. Certesiensis. — *Pro Gilberto Londoniensi episcopo.*

Venerando et charissimo Patri suo et domino ALEXANDRO Dei gratia summo pontifici et universalis papæ, frater A. indignus Certesiensis minister, sincere dilectionis reverentiam ac debitam cum omnibus fidelibus obedientiam.

Vestræ majestati, charissime Pater et domine, pro domino Londoniensi episcopo humiliter supplicamus, ut eum ad vos venientem amore Dei et paternæ vestræ intuitu benigne suscipiatis atque benignius in negotiis exaudiatis. Inde securius etiam clementiam vestram pro eo exoramus; quia illum a multis retro temporibus sapientem, honestum, discretum ac religiosum virum esse cognovimus, quem Deus sua gratia tot et tantis virtutibus decoravit, ut in toto regno Anglico una de honestioribus personis credatur esse et sit: utpote ejus exemplo atque conversatione multi a pravis iniquitatibus suis temperentur et ad honestatem invitentur. Invicit tamen ejus bonis actibus inimicus et cum inimico multi ejus inimici sunt, male de eo interpretantes, et vestris circumscriptis ruribus falsa pro vero suggerentes, non verentes quadam præsumptione veritatis aures falsis suggestionibus circumvenire. Dicunt enim veritatis inimici, sicut audi-
vimus, eum fuisse causam atque exordium totius cominationis atque discordie quæ fuit inter dominum Cantuariensem et Anglorum regem, quod quam falsissimum sit et ab omni veritate alienum novorunt illi et nos cum illis qui eorum colloquiis frequentes interfuius. In veritate, domine, atque testificari possumus quod vidimus et audivimus, quia dominus Londoniensis modis omnibus quibus potuit opportune inopportune elaboravit ut pax et concordia inter dominum Cantuariensem et Anglorum regem reformaretur. Et si non est consecutus quod desideravit, non minus laudandus est, quia

A quod debuit fecit. Non enim cor regis fuit in manu ejus sed in manu Dei, ut possit inclinare illud quo vellet. Aperiat ergo oculos misericordiae suæ dominus et charissimus Pater noster, et parvitatibus nostræ preces una cum aliis pro domino Londoniensi suscipiat, ut eum in pace ecclesiæ suæ restituat. Credimus et pro certo credimus, quia per eum magna pax in tota Anglia reformabitur, si cum gratia vestra ad propria fuerit reversus. Deus salvet et custodiat charissimum Patrem nostrum sanum et incoludem ecclesiæ suæ. Vale.

LXVI.

Rotredi Rothomagensis archiepiscopi. — Ejusdem argumenti ac epistola 61.

ALEXANDRO papæ, **ROTRODUS** Rothomagensis archiepiscopus.

Evocati a domino nostro rege cum venissemus ad curiam, et cum vestris legatis jam aliquantulum processum esset super mandatis vestris, ex veracissimo archiepiscoporum et episcoporum relatu, qui ad hoc venerant, et quibus nimirum credimus, sicut nobis, auditu comperimus quod nuntios et litteras vestras dominus rex Anglorum tanto maiore latititia et alacritate suscepit, quanto maiorem ei benignitatis vestræ gratiam promittere videbantur. Unde petitione vestra de pace Cantuariensis archiepiscopi, et suorum reditu, consilio archiepiscoporum, episcoporum, abbatum, et religiosarum personarum, et optimatum regni sui, pro amore vestro benignius exaudita, cum ad archiepiscopatum suum redire, ipsumque cum omni integritate, quo tenebat quando exiit, recipere, et deinceps bene et in pace possidere ad honorem Dei, salva nimirum regni sui pristina dignitate, concessit. Cum igitur inter dominum regem et nuntios vestros super hoc tractatus prolixior incidisset, in verbo utrinque complacito novissime converserunt, ita scilicet ut eos, qui præsentes aderant, statim absolverint, et ad eos, qui erant in Anglia, absolvendos alter eorum, videlicet Magister Vivianus, illico transire, alter citra mare ad executionem condicione pacis consenserint remanere. Postmodum vero revocato consensu verbum, quod jam suscepit, conservandæ in futurum regis dignitatis, admittere noluerunt, ea quæ jam salubriter quidem disposita fuerant exequi recusantes. Ego itaque cum præfatis non contemneadæ auctoritatis personis, quæ aderant, pro bono tanto pacis missus omni vigilantia et sollicitudine institui, ut sicut dictum fuerat, præposito honore Dei, et regni stante antiqua dignitate, ut dignum est, nuntii vestri verbum optimum, et omni acceptione dignum regis dignitatis cum gudio susciperent, ne tantum bonum remaneret. Et cum nostra persuasione multum laboratum esset, et nihil elaboratum, doluimus plurimum, præsertim cum constet nobis pro certo quod in observatione regis dignitatis libertas aut dignitas ecclesiastica nullatenus prægravetur. Siquidem dignitas ecclesiastica regiam

provehit potius, quam adimit dignitatem, et regalis dignitas ecclesiasticam potius conservare, quam tollere consuevit libertatem: etenim quasi quibusdam sibi invicem complexibus dignitas ecclesiastica et regalis occurunt, cuni nec reges salutem sine Ecclesia, nec Ecclesia pacem sine protectione regia consequatur. Genibus itaque provoluti pietatis vestrae, quanta possumus devotione, sanctitatem vestram exoramus, ne sapientia vestra quasi litterarum apices et conceptiones verborum potius, quam rem ipsam duxerit amplectendas, sed secundum a Deo datum vobis spiritum discretionis id agite, ne causa unius in multorum et fere innumerabilium perniciem convertatur. Quia ad bonum pacis quandoque magis proficit mansuetudo gratiae, quam severitas disciplinae.

LXVII.

Wilhelmi Senonensis archiepiscopi. — *Precatur ut ratam habeat excommunicationis sententiam contra Londoniensem et Saresberiensem episcopos ab archiepiscopo Cantuariensi latam.*

ALEXANDRO papæ, WILLELMUS Senonensis archiepiscopus.

Adhuc, Pater, pietati vestra pro venerabili viro domino Cantuariensi, imo potius pro Ecclesia et causa Dei, pro qua animam suam exposuit, cogimur supplicare, ut cum eo pro tuenda Ecclesia libertate et sedis apostolicæ privilegiis beati Petri gladium potenter exeratis. Jam enim, si placet, tempus est misericendi ejus, et animadvertisendi in illos, qui jam per orbem coruscante Evangelii veritate, tempore apostolatus vestri laborant confessoribus Christi excutere divini honoris mentionem. Ipse autem, ut animam suam liberet coram Deo, et sui partes officii fideliter exequatur, licet adhuc erroris capiti parendum duxerit, expectans ut in pena membrorum erudiatur ad poenitentiam, inceutores schismatis episcopum Londoniensem, Saresberiensem, et Randolphum de Broc cum aliis, quorum nomina vobis expressa sunt, anathematis vinculo innodavit. Orat devotus filius vester christianissimus rex Franciæ, sicut ex litteris ejus potestis advertere, ut quod archiepiscopus in condemnationem temeritatis et malitia egit, approbetis. Et nos, quanta possumus devotione supplicamus, ut etiam auxilium apostolicæ majestatis adjiciatis, quia spes est quod Ecclesia facile liberabitur, si severitas vestra compresserit et perdomuerit istos. Alioquin timemus, ne praefatus filius vester dominus rex, et totum regnum Franciæ non minori scandalo afficiatur, quam fuerit illud, quod Joannes de Oxenford excitavit in redditu suo.

LXVIII.

Ejusdem. — *Contra Gilbertum Londoniensem episcopum.*

ALEXANDRO papæ, WILLELMUS Senonensis archiepiscopus.

Scelerum mater impunitas, secunda criminibus, scidit Anglicanæ Ecclesiæ unitatem, et Gallicanam amarissimo replevit scandalo. Tantorum caput,

A causa, fomesque malorum est episcopus ille Londoniensis, qui nunc tandem de dracone conversus in leonem, nequitiam, quam ab ambitione conceperat, patenter exercet, ex quo culpis exigentibus, sero tamen, Satanæ traditus est in interitum carnis. Cum enim auctor schismatis fuerit et inventor, et in insidiis ageret, ut proscriberet et occideret innocentes, nunc palam loquitur, et proverbium nullum dicit. Sed matrem suam Cantuariensem Ecclesiam, cui ad obedientiam exhibendam ex professione astriktus est, regis sui viribus querit everttere, glorians quod cathedram archiepiscopalem Londoniam transferri faciet. Restiterunt ei nuper in faciem laudabiliter fratres sui, quos per officiales regis impudenter urgebat ut ei communicarent, et archiepiscopo suo debitam subtraherent obedientiam. Nonne manifestus Antichristi præambulus est, qui tam patenter scindere nititur Ecclesiæ unitatem, seminat inter fratres discordiam, scandala multiplicat, Ecclesiam torquet, et tyrannorum manibus proscriptibit et interficit innocentes? Si unitas de catholica tollatur Ecclesia, quis aut quid prohibet haereses pullulare? Quis erit unitati locus, si non virtus obedientiæ membra Christi conglutinet, et charitas ad alterutrum consolidet in fide et veritate? Ergo, Pater optimie, quoniam comprehensus est in operibus manuum suarum, et toxicati fructus, quos facit arbor infelix, securim Petri provocant, hanc ei, si placet, misericordiam faciat; ut contrita malitia ejus, et episcopi deleto titulo, quoniam bestiæ characterem portat, de cætero nocere non possit, sed monachum, quem veste pollicitus est, cogatur moribus exhibere. Satis et ultra sustinuit dominus Cantuariensis, cui nisi in brachio virtutis apostolicæ pacem et securitatem reformati feceritis, et satisficeri de ablatis, timendum est ne Ecclesia jacturam irreparabilem cito contrahat, et tam præsens ætas quam posteritas ad Ecclesiam conterendam pernicioso provocetur et animetur exemplo. Valeat et vigeat semper sanctitas vestra.

LXIX.

Ejusdem. — In causa S. Thomæ Cantuariensis.

Domino papæ, archiepiscopus Senonensis, salutem, et omnem cum summa devotione obedientiam.

Qualiter in secundo regum colloquio nuper processerit causa domini Cantuariensis, tanto fidelius possumus attestari, quanto familiarius ad omnia, quæ ibi gesta sunt, admissi sumus, et operam et diligentiam adhibuimus, ut rex Angliæ vestris obtineraret monitis, et obediret mandatis. Sed ille postquam vix recepit comminatorias vestras, et religiosorum, quos miseratis, instantiam varietate responsionum sibi non cohærentium diu delusit, tandem nobis et illis acrius insistentibus dedit præ voluntate responsum. Ait eni se dominum Cantuariensem non expulisse de regno suo. Et tamen si redire voluerit, et servare quod servaverunt antecessores sui, et quod ipse pronuisit, redire poterit, et ibi habere pacem. Et nisi hoc simpliciter et

absolute promiserit, ulterius in Angliam non revertetur. Et quia responsa ejus sibi frequenter adversabantur, ut nuntii vestri prorsus ignorarent quo nodo suum possent tenere Protea, faciem toties immutantem, consuluumus eis ut peterent ab eo sibi litteris patentibus responderet, quid ad petitionem vestram facturus esset, quod vobis possent secure et fideliter nuntiare. Quam eorum petitionem, licet adhibitis intercessoribus vehementer insisterent, rex penitus reprobavit. Deinde a multis rogatus est, ut saltem innocentes, quos proscripterat, ad propria redire pateretur. At ille nulla ratione vel persuasione induci potuit, ut eis aliquid consolacionis impenderet.

Cum vero hæc archiepiscopo relata essent, respondit se paratum esse facere pro gratia ejus, et gratia Ecclesiæ recuperanda, quidquid debet, quidquid poterit, quidquid antecessores sui fecerunt, salvo in omnibus ordine suo. Sed novam obligationis formam inire, et promittere se alicujus exempla secuturuin, nisi salvo ordine suo, sibi dixit esse illictum, præsertim sine auctoritate sedis apostolicæ; tum quia novam obligationis formam inigerere viris ecclesiasticis perniciosum esset exemplo, tum quis, ut assent, quando eum obligatione servandarum consuetudinum, quam'invitus et coactus præstitit, absolvistis, specialiter a vobis, et multis audiencibus, precedente gravi et justa increpatione, inhibitus est, ne se ulterius obliget, præsertim et in his, quæ possunt aliquid captionis habere, quin exprimat Salvum fore honorem Det, et ordinem suum. Videtur enim renuntiare pastoris officio, quicunque subditis illicitarum rerum consuetudinem vel licentiam pollicetur. Si enim episcopus assensu vel dissimulatione rigaverit plantaria vitiorum, ut eis invalescentibus inare sit, aut prorsus pereat verbum Dei, quis de Ecclesia spinas eradicabit et tribulos? Tenentur enim pastores ecclesiarum perversas exterminare consuetudines, et ipse nunc exigitur et compellitur in earum verba jurare. Adjecit etiam quod Ecclesiæ Romanæ debitam fidem servare non poterit, et consuetudines quæ ab eo exigitur; quia legem Dei et sedis apostolicæ privilegium patenter impugnant. Et quia noster aut religiosorum sermo non capiebat in rege, nec auctoritas majestatis vestræ fructus obedientiæ repetit, infecta pace domini Cantuariensis tristes ab eo discessimus. Et ille, sicut pro certo accepimus, exspectat redditum nuntiorum suorum, quos si, ut justum est, et speratur a fidelibus vestris, confusos remiseritis, credimus quod Ecclesia Cantuariensis cito habebit pacem, et Ecclesiæ Romanæ in Gallicana Ecclesia et toto Occidente redintegrabitur fama. Et hoc quidem non aliquo rancore mentis proponimus contra regem, qui nuper in gratiam nostram rediit, et nos cum eo veram fecimus pacem. Sed quod vidimus, et audi-
vimus, et tractavimus manibus nostris, hoc testamur pro veritate justitiae, pro Ecclesiæ honestate, pro fide et reverentia, quam debemus apostolicæ

A sedi. Supplicamus itaque paternitali vestre, quatenus rigorem justitiae, quem urgente duritia hominis laudabiliter tandem arripuitis, viriliter exerceatis. Quia si perseverantiam vestram viderit, facile cesarus creditur, nec coetaneis aut successoris principibus presumptionis reliquet exemplum, quod timetur.

LXXX.

Ejusdem. — *Gilbertum Londonensem episcopum absolatum dolet. De coronatione filii regis Henrici.*

ALEXANDRO papæ, WILLELMUS Senoneensis archiepiscopus.

Audiat, sanctissime Pater, excellentia vestra patienter quod loquimur, quia in amaritudine moratur anima nostra. Et tam devotus filius vester Christianissimus rex Francorum, quam tota Gallicana Ecclesia turbatur a scandalis, que in diebus apostolatus vestri manant ab apostolica sede. Siquidem ut nostrates alunt, ibi solvitur Satanæ in perniciem totius Ecclesiæ; iterato crucifigitur Christus, et qui manifestus sacrilegus est et homicida, dimittitur. Procuravimus apud vos causam Ecclesiæ Anglicæ, et in discessu nostro ei eredebamus aliquatenus esse subventum. Verum ubi Londonensem episcopum nobis ignorantibus fecisti absoluvi, res in contrarium lapsa est, et cornua data sunt peccatori. Ecce enim rex ille, cui nimis suistis propitiis, nullum suum consecrari fecit in regem, si tamen consecratio est, que ab excommunicatis, et Spiritus sancti inimicis, et Ecclesia impugnatoribus datur, et hoc in injuriam Cantuariensis Ecclesiæ, et domini regis Franciæ, cuius filiam noluit rex ille Deo et omnibus inimicus consecrationis hujus esse participem. Hanc consecrationem, vel potius execrationem fecit ille Eboracensis, vestra, ut dicunt, auctoritate, assistantibus sibi Londonensi, et quibusdam aliis nominibus episcopis, quorum memoria in maledictione est. Vos ergo, Pater, de cetero provideto Ecclesiæ illi, quæ perlit in manibus vestris, ne sanguis ejus requiratur a vobis. Quod aliter fieri posse non credimus ad redimendam famam et conscientiam vestram, nisi prefatos malefactores virtute apostolica conteratis.

LXXXI.

Ejusdem. — *De lamentibili cæde S. Thomas Cantuariensis.*

ALEXANDRO summo pontifici, Senonensis Ecclesia minister humilis, spiritum consilii et fortitudinis cum omni obedientiæ famulatu.

Inter scribendum hæc, imo prius quam scriberem, mox steti et hæsi dubius admodum, quo dictionis genere nuper patrati sceleris atrocitatem, et supplicii in christum Domini recenter illati immanitatem clementiæ vestræ oculis presentarem. Et profecto arbitror clamorem mundi jam vestræ sanctitatis aures implevisse, utpote, qui in mundi specula residentis, qualiter famosissimus ille, non rex Angliæ, sed angelorum potius et Christi inimicus, proxime sit malignatus in sancto, in filio dexteræ tuæ, quem

confirmasti tibi. Cujus de mundo hoc excessum et A excessus modum, et si forte ex aliquorum diverso, sive etiam adverso relatu acceperitis, quod mihi ab his, qui interuerant, innotuit certius, fidelius intimo, et patrati sceleris ordinem paucis explico, cuius tamen immanitas excogitari non potest. In natali Domini proxima post festum Innocentium die, sole occidente circa horam vesperorum, intromissi spiculatores quatuor, qui primi fuerant, ad fortē illum Christi athletam terribiliter adinodum et fastuose accesserunt, quorum hic intersero nomina, ut eorum memoria sit in maledictione perpetua, Willelmus de Traci, Reginaldus filius Ursi, Hugo de Morevillla, Ricardus Brito, qui in primo accessu a sancto viro salutati non resalutaverunt, utpote, qui jam vias perditionis ingressi, manifeste respuebant salutem; quin potius cervicose nimis, et aspere in introitu sciscitantes, si episcopos suspensos sive excommunicatos ad regis esset illico absoluturus mandatum. Quo modeste respondente id ad singularis primatus vestri spectare censuram, nec sibi aliquid vindicare, ubi tanta intervenisset auctoritas, mox ipsum ex parte regis diffiduciaverunt, et continuo exierunt ad cohortem, militibus, qui de familia hominis Dei erant, super vitæ periculo et bonorum omnium proscriptione, in exitu suo ex parte regis præcipientes, ut ipsi pariter exirent, et rei eventum taciti et patientes exspectarent. Publice autem per civitatem simile regis exivit edictum. Singularis vero ille in nostris diebus athleta Christi minas principiū sprevit, et de loco ipso ubi jam velut mortis excepérat nuntium, ad multam instantiam vix egredi compulsus est, et hoc quidem ne consummari videretur invitus. Deo itaque melius dispensante, metropolitanam ecclesiam, in ipsis Christi honore dedicatam, ingressus ibidem christus Domini pro nomine Christi meruit immolari, ubi quotidie immolatur, et orans voluntarie se ipsum inter crucis et altaris cornua pacificam Deo hostiam obtulit. Nam appropinquante jam hora ipse extento collo et curvata cervice calicem salutaris accepit, et a quatuor prænominatis spiculatoribus decalvatus est, prius tamen probris et multis contumeliis affectus, ut nec ullo passionis Domini sui titulo fraudaretur. Denuntiavit etiam, ut familia sua servaretur illæsa. Solus itaque pontifex non sine sanguine intravit in sancta.

Et quia post viri sancti transitum operante Domino memoranda quedam ex crebra multorum relatione audivimus accidisse, omnino præteriri non debent. Dicitur namque et constanter asseritur post passionem suam multis apparuiisse in visu, quibus prohibet se non mortuum esse, sed vivere, et non ulnera, sed vulnerum tantum cicatrices ostendit.

Ge igitur, o homo Dei, quorum tenes sedem induere fortitudinem, o fili excusorum. Hinc miseration, inde te moveat indignatio. Unam debes filio, al eram tyranno. Et hujus in terris auge gloriam, quem de cœlis tam mirabiliter glorificat Deus. Illi

A vero presta ignominiam, qui in terra sua tam horribiliter persecutus est Deum: qui in visceribus proprie matris proprium perenit patrem, qui propri ventris tui contortsit latera, excussit viscera, et concavat in terra filium tuum, quem sicut mater unice diligebas; et, nescio per quos incircuncisos et immundos, tam perfide et tam inhumane mactavit, patris non reveritus offensam, nec miseratus zetatem. Quorum igitur sortitus es ministerium, sortiaris et zelum: et quia cernis Achab scelus, Eliæ te apprehendat æmulatio. Occidit enim Achab, et possedit. Sed Achab quid? Totius quippe patrati sceleris facie operose perpensa, Achab ab ipso justificatus est.

B Istud siquidem est quod inter omnia quæ leguntur, sive referuntur sceleratorum scelera, longe primum obtinet locum, quod omnem Neronis nequitiam, Herodis sævitiam, Juliani perfidiam, sacrilegiam etiam Judæ proditoris perditionem excedit. Vide siquidem qualis persona et in quali ecclesia perempta sit, quale etiam tempus ad patrandum scelus elegerit tyrannus: natale videlicet Domini, et proximam post sanctoru[m] Innocentium diem, ut novus ex veteri nostris diebus suscitaretur Herodes. Pax etiam publice data proditorem nihilominus non revocavit a scelere. Qui tanquam per se non satis insaniret, vesaniae sue instigatores habuit dantes sibi cornua peccatori, falsos videlicet illos, et ab omni ecclesiarum orbe perpetuo detestandos fratres, Rogerium videlicet Eboracensem archidiabolum, et Londoniensem, et Saresberiensem, non episcopos, sed apostaticos, qui filium tuum, fratrem suum Joseph, non mystice, sed in veritate occiderunt, patris jam senis nec maledictionem metuentes, nec dolori vel setati parcentes. Quorum vita praesens, ut in amaritudine perpetua sit, et memoria eorum in maledictione æterna, vestra statuat, Pater sancte, sancta consolatio. Presentium portiores magistrum Alexandrum et magistrum Gunterium viros probos et industrios, qui sancto Dei martyri in vita sociati sunt, et in morte separari non possunt, vestras commendatos esse charitati officiose imploro, quibus quæ litterarum garrulis apicibus committere nolui, instillavi secretius vobis in aure revelanda.

LXXII.

Ejusdem. — Similis argumenti.

Sanctissimo domino ac Patri ALEXANDRO, Dei gratia summo pontifici, WILLELMUS Senonensis Ecclesiae humilis minister, salutem et debitam cum omni devotione obedientiam.

Vestro apostolatui, Pater sancte, data est omnis potestas in cælo et in terra (Matth. xxviii), gladius ances in manibus vestris (Psal. cxlix). Super gentes et regna constituti estis ad alligandos reges eorum in compedibus, et nobiles eorum in manicis ferreis (*ibid.*). Vide ergo domine, et considera quem vindemiarerunt ita (Thren. ii). Vineam namque Domini Sabaoth exterminavit aper de silva, et singularis ferus depastus est eam (Psal. lxxix.) Ecclesia siquidem Cantuarien

imo universalis Ecclesia , sanguine rorantes lachrymas et amaritudine asperas a finibus terrae in conspectu vestro effundit, quia posita est quasi signum ad sagittam (*Thren. III*), facta est opprobrium vicinis suis *LXXXVIII*). Et qui vident eam movent capita super eam (*Thren. II*), dicentes: *Ubi est Deus eorum?* (*Psal. cxiii*). Ipsa autem gemens et conversa retrorsum clamat in auribus Domini exercituum: Vindica, Domine, sanguinem servi tui, et martyris Cantuariensis archiepiscopi qui occisus est, imo pro libertate Ecclesiae crucifixus. Pater sancte, verbum horrendum, facinus flagitosum, enorme flagitium factum est in diebus vestris, *quod quicunque audierit, tinnient ambas aures ejus* (*I Reg. III*). Non est auditum in Theman, nec est visum in Chanaan (*Baruch. III*). Alter siquidem Herodes, semen Chanaan, et non Juda, progenies viperarum (*Math. III*), missis a latere suo lictoribus signum Dominicæ passionis, quod desuper in vertice gerebat, nequaquam exhorruit profundis exarare vulneribus, et votis turpibus coelestem deformare imaginem. Proh dolor! sicut omnis ecclesia asserit, ipsum facit martyrem causa pariter et poena. Poena, dolor passionis illata; causa, rigor ecclesiastice censure; quia pro lege Dei sui certavit usque ad mortem. Vestra ergo interest, Pater clementissime, custos murorum Hierusalem (*Isa. LXXII*), remedium, adhibere præteritis et providentiam futuris. Quis enim locus poterit esse tutus, si rabies tyrannica Sancta sanctorum cruentat, et vicarios Christi Ecclesiae columnas impune dilacerat? Insurgant ergo C ecclesiasticae leges, armentur jura coelestia, introeat in conspectu vestro ultio sanguinis glorirosi martyris, qui de Anglia claimat. Clamabit siquidem et commucabit non solum terram, sed et cœlum, et sic nostro consulite dolori, ut honestati vestre pariter consulatis et saluti Ecclesiae.

De cætero sanctæ paternitati vestræ insinuare dignum duximus, quod cum domino Rothomagensi et nobis in mandatis dederitis, ut terram regis Anglie cismarinam, si pacem quam glorirosæ memoriae domino Cantuariensi promiserat, non observaret, sub interdicto poneremus, adjicientes etiam, quod si uterque nostrum rei executioni non posset aut nolle interesse, alter nihilominus mandatum vestrum exequatur. Prædictus Rothomagensis, D postquam litteras vestras ei representari fecimus, nobis significavit quod Senonas veniret, et juxta formam mandati apostolici procederet. Cum autem illuc venisset una cum Arnulpho Lexoviensi, et Aegidio Ebroicensi, et Rogerio Wigornensi episcopis et aliis quampluribus, tam clericis quam laicis de familia prædicti regis, post multas verborum tergiversationes et excusationes inde deductas ad sedem apostolicam appellavit, et se ad præsentiam vestram iter arripuisse respondit, et prædicto regi exacerbationem se nolle infundere acerbiorum. Nos vero scientes quod vitium paganitatis incurrit

A quisquis mandatis apostolicis obedire contempserit, juxta seriem inmandati vestri de communii consilio venerabilium fratrum nostrorum omnium episcoporum, et S. Dionysii, et S. Germani de Pratis, et Pontiniacensis, Wall..... Cenn..... abbatum, et aliorum quamplurium religiosorum virorum et sapientum, in terram ejus cismarinam sententiam tulimus, et memorato archiepiscopo et episcopis, ut eam observari ficerent, ex parte vestra injunximus. Scimus enim quod nec possessiones, sicut promiserat, restituit, nec securitatem, sicut mors martyris indicat, præstitit. Per Carthusiensem quoque, quem ad eum miseramus, nobis significavit quod causam mortis ejus dederat, et quod eum occiderat. Inde est quod clementia vestra supplicamus, quatenus prædictam sententiam ratam habeatis, et sicut majestatem vestram decet et incolumitatem expedit Ecclesiae, eam taliter faciat observari quod honor Dei et vester conservetur, et nos qui vestram sanctitatem ea, qua scitis, devotione amplectimur, minime propter hoc possimus illudi. Valete, et sicut decet majestatem et sanctitatem vestram.

LXXXIII

Guillelmi Senonensis episcopi, apostolicæ sedis legatis (66). — *Hugonem de Campo Florido Suessionensem episcopum, Franciæ cancellarium, commendamus.*

(Circa annum 1170.)

[*DUCHESNE, Rer. Franc. Script., IV, 575.*] Amantissimo domino et Patri A. Dei gratia summo pontifici, GUILLEMUS eadem gratia Senonensis Ecclesiae humilis minister, et apostolicæ sedis legatus, devotam obedientiam.

Quia de paternitatis vestra serenitate, et sanctitatis vestra copiosa ubertate, plus vestra gratia quam nostris meritis presumimus, idcirco quos tenerrime diligimus, et vobis fidelissimos extitisse cognoscimus, apostolatui vestro commendare nullatenus reformidamus, tanto amplius nos exaudiendos fore autemantes, quanto precum instantia honestiori resulget affectu. Hinc est quod venerabilem fratrem nostrum Suessionensem episcopum, et illustris regis Francorum cancellarium, virum discretum, honestum, litteratum, et in negotiis vestris constantissimum, benignitati vestrae commendamus sicut nosmetipsos. Rogantes attentius, ut in omnibus, in quibus ipsum audire et supportare poteritis, benigne, si placet, faciat; ut ipse de fidei fidelior de cætero existat, et qui audierint, ardenter ad clementia vestre sinum refugiant. Quod enim ipsi factum fuerit, tanquam nobis ipsis reperitur reputabimus. Valeat paternitas vestra.

LXXXIV.

Anonymi. — De cæde S. Thomæ Cantuariensis.

Eram magnificentia vestrae quædam cum tranquillitate mentis intimaturus, sed inopinus mise-

(66) Postea Remensis archiepiscopi. Vide *Patrol. t. CCIX.*

randæ rei eventus interceptit calamum, et propositam tanto domino jucunditatem in lacrymarum materiam commutavit. Ecce enim omni prædictus morum et pectoris honestate, magniscti cordis vir ille Thomas Cantuarie præsul et apostolicæ sedis legatus, hoc voto ad curam pastoralem remearat, ut omnes omnino cogitatus suos in Domino conjectans, quæque secundum Deum et ad honorem Ecclesie disponere procuraret, nec quæ sua sed quæ Jesu Christi et fore cognosceret, æquitatis libramine ponderaret, et qui stimulis leoninae feritatis agitatus dicebatur ab æmulis rediisse, columbinæ simplicitatis amator, agnina mansuetudine mitescere liquido probabatur. Hunc in hunc modum mitem et mansuetum gens quædam ferocitate sacrilega, forsitan secta scelerosa, renitentem et volentem ferre se facinorosis obvium in ipsam, proh dolor! individus Trinitatis ecclesiam, a clericis suis, qui secum erant, coactum ante altare compulerunt, allocuentes eum in hæc verba, gladiis extractis: « Fuge, proditor, ecce mors sæva tibi imminet; » quæsite prius propter monachorum multitudinem, qui aderant et clericorum: « Ubi est archiepiscopus? » Quibus ipse taliter, demissò quidem sed audibili valde sermone, respondit: « Ego sum; et tu, o Reginalde, cum complicibus tuis vade retro, quia nescitis quid facitis. Verumtamen si me quæreritis occidendum, ne cæteros contingatis. In nomine ejus mortem excipere paratus sum, qui pro me servo suo mori dignatus est. » Et porrectum caput spicatori porrexit feriendum, qui mox amputata ad modum coronæ cervice confusis sanguine commixtum et cerebro tanquam ad orandum pronus in pavimento corpus, in sinum Abrabæ spiritum collocavit. Ego utique his nequaquam interfui, sed eodem die Cantuariam veni, corpus exanime cum singultibus et fletu conspicatus sum, habitudinem vero faciei quantum cruris labefacto sinebat serenam, et viventis parum ac similem imo ut verum fatae astantibus quasi conquerens viva voce videbatur audiri: « Vindica, Domine, sanguinem servitui, qui effusus est. » Praeconsidererat igitur provida bonarum mentium et stabilita discretio, quæ tempora tanti sceleris immanitatem commutari: sua enim diei malitia non sufficit: a primitiva enim persecutorum rabie tam horrendum nefas inauditum est perpetrari: fabulis deest solum ut qui locus raptiores, fures, homicidas, et quantumlibet sceleratos inconcussa pace tuerit, innoxium virum, mihi, pacificum Ecclesiæ rectorem piaculari flagitio repræsentet. Præsagiat prævisionis vestræ sagax indago, si est dolor, sicut ille, quem haec furoris mendacia creditur esse paritura. Quippe si dominus rex senior factionem hanc nefariam sua, quod Deus avertat, ratihabitione confirmet: quod enim ex mandato ejus hoc facinorosum opus processerit, nefas est opinari. Verumtamen ratihabitio comparatur mandato, totius Anglicanæ regionis universitas alterutri duorum incommodorum necessitate

A succumbet: aut enim miseranda mentis exæcratione sedis apostolice disciplinam et devotionem et obedientiam abjurabit aut irregressibiliter dispensatione tantum exsulabit. Longe etenim minus malum est proscriptionis incommodo et substantiæ totius tempestate multari, quam post agnitam veritatem ignominiose retrogradari.

LXXV.

Matthæi Senonensis thesaurarii. — In gratiam Thomæ Cantuariensis, contra Henricum regem. Minas regis Anglorum parvificandas monet et quia Pictavorum et Britonum proceres, domino regi (Francie) confederati, ei texuerunt inextricabilem labyrinthum.

ALEXANDRO papæ, MATTHEUS Senonensis thesaurarius.

Onnis quidem fidelis anima necessitate juris subjicitur apostolicæ majestati, sed ego vobis speciali devotione familiarius teneor, et de his quæ ad apostolatum vestrum pertinent, magis quam de propriæ sortis conditione, charitatis et necessitatis debito concurrente, cogor esse sollicitus. Loquar ergo ad dominum meum, fiducialiter agens in his quæ magis ad honorem et utilitatem vestram, si verba pueri vestri vultis audire, qui occasione mandati vestri periclitior, quam ad meam, propitiante Deo, proficiunt liberationem. Praecepsitis, Pater, si reminisci placeat, ut domino nostro Christianissimo regi consilii vestri verba proferrem, et erigerem mentem ejus data spe revelationis domini Cantuariensis, ne moveretur, si forte audiret nuntios regis Anglie grave aliquid contra eundem archiepiscopum a vobis impetrasse. Conservatis enim causam ejus illæsam in sinu vestro. Ei soli, Pater, exposui verba vestra, qui uberrimas rescerens gratias, sanctitatis vestræ gloriam prosecutus est immensis laudibus. Deus novit, quod nec ipsi archiepiscopo mysterium consilii vestri, nec ulli mortalium ausus sum aprire. Sed ecce occasione litterarum, quas rex Anglie nuper fecit in episcoporum colloquio publicari, et audit a jactatione nuntiorum, qui se præsummatum archiepiscopum prostravisse, et irreparabiliter protrivisse gloriati sunt, attestante eis vestrarum rescripto litterarum, adeo confusus et turbatus est, ut me in vestra promissione mendacem dicat, et D quod de operibus Ecclesiæ Romanae nihil boni sperabit amplius, nisi quatenus fides persuaserit occultata. Nec, ut ait, moleste ferret, si iniucas forte preces porrigena repelleretur a vobis, sed dolet, miratur, et stupet, quod plus valent apud vos manifesti persecutoris Ecclesiæ, et hostis regni per vilissimas personas contra Deum porrectæ preces aut minæ, quam fides et obsequium ejus et regni sui, et preces pro Deo et secundum Deum, omni legi et æquitati consonæ, si ab ipso porriganter et toto regno. Intulit ergo verbum, quod de cætero pro Romana Ecclesia non dimittet, quin ubi viderit expedire, suam et regni procuret utilitatem. Creditur enim pro certo, quod acquiescere velit consilio eorum, qui suadent, ut diu petitam confœderationem

imperatoris admittat, contracto matrimonio inter liberos eorum. Res autem adhuc quidem dilata erat, sed procurantium spes nunc roborata est. Precor ergo, et consulo in ea fide, quæ Patri debetur et domino, quatenus promissionem, quam ei per me fecisti, citius adimplendo in subelevatione domini Cantuariensis mitigetis animum ejus, ostendentes quod iniuriam regis Angliæ, qui ipsius, et regni Francorum, et Ecclesiæ Dei publicus hostis est, non vultis diutius supportare. Nec timeri oportet minas ejus, quia sicut Teutonicum tyrannum civitates Italæ divino præcente miraculo ejecerunt, ita Pictavorum et Britonum proceres, domino regi confederati, ei texuerunt inextricabilem labyrinthum. Jam enim sic arctatus est, ut nemo videat qua via possit evadere. Et Dei præcente et succurrente gratia non evadet. Ad hæc in arco constituta est Ecclesia Senonensis. Hinc ad instantiam domini Autisiodorensis, vestro nos urgente mandato, ut præbendam archiepiscopi nostri assignemus cuidam clero cuius faciem adhuc, ut ex conscientia loquar, ignoramus et nomen; hinc obsidente consuetudine et lege ecclesiæ nostræ, quam sine perjurio frangere non valens; ad eam namque servandam juramenti necessitate quisquis in ecclesia nostra canonicus est, arctatur, et sedis apostolicæ privilegiis, quibus obviare non licet, roborata est. Non licet, aut unquam licuit capitulo præbendam dare non implorato consensu archiepiscopi, nec archiepiscopo sine nobis. Nec esset nobis tutum archiepiscopo præjudicium facere, et contra juramentum versari, damnable est. Placeat itaque dignationi vestra tauto Ecclesiæ periculo providere, quia cum archiepiscopum, Domino præstante, creaveritis, quod sanctitati vestrae visum fuerit expedire, commodius disponetis.

LXXVI.

C. Lantoniensis presbyteri.—Pro Gilberto Londoniensi.

ALEXANDRO summo pontifici, domino reverentissimo et Patri suo sanctissimo, C. Lantoniensis Ecclesiæ presbyter, salutem et debitam in omnibus obedientiam.

Scriptum est : *Simplicitas justorum dirigit eos et supplantatio perversorum vastabit illos. Justitia rectorum liberabit eos, et in insidiis suis capientur iniqui* (*Prov. xi*). Quam vera, quam pura simplicitas sit; quam magnifica, quam pacifica sit justitia viri venerabilis Gilberti Londoniensis episcopi, sancta ejus conversatio, non horaria sed diurna, et cum vita scientia et doctrina sufficienter insinuant. Ilunc virum sanctum et justum et pacis amatorem, ut fama referente didicimus, quidam in præsentia reverentiae vestrae accusare non dubitaverunt, assertentes eum inter regem et dominum Cantuariensem seminasse discordiam et pacem perturbasse. Sed quis credere potest virum tam sanctum, tam justum, regni et sacerdotii creasse et sovisse schismam? Scimus et pro certo scimus quod omnem

quam potuit diligentiam, ut dominum Cantuariensem regi reconciliaret, modis omnibus exhibuit. Cum ergo ei tanta cura fuerit ut dominus Cantuariensis regi reconciliaretur, cui credibile videri potest, tantæ sanctitatis virum verbo vel opere satagere ut interficeretur? Hinc est quod paternitatem vestram supplicantes postulamus, ne fama viri tanti, quæ apud nos qui ex convictu eum novimus integræ est, apud reverentiam vestram auctoritatem rumoribus læsa minoretur. *Ad nihilum namque deductus est in conspectu ejus malignus qui opprobrium non accepit adversus proximos suos* (*Psal. xiv*). Vigeat et valeat sanctitas vestra, Pater reverende atque amande.

LXXVII.

B Simonis prioris de Monte Dei et Engelberti prioris de Valle S. Petri. — Quid ab iis actum sit in execuzione mandati apostolici de concordia regem inter et archiepiscopum Cantuariensem reformanda.

ALEXANDRO papæ, SIMON prior de Monte Dei, et ENGELBERTUS prior de Valle S. Petri.

Ad illustrem regem Angliæ cum fratre Bernardo de Corilo nuper profecti sumus, ut auctoritate mandati vestri inter ipsum et dominum Cantuariensem pax et concordia reformaretur. Et quo faciliter tractaretur hoc verbum, dominum Cantuariensem traximus ad locum, ubi reges auctore Deo reconciliati sunt. Traditis autem commonitoribus vestris regi Angliæ, et adhibita diligentia, quam apud eum credidimus expedire, monuimus et consuluius domino Cantuariensi, ut se coram rege humiliaret, et rigorem ejus humilitate precum et sedulitate obsequio studeret emollire. Hoc ipsum Christianissimus rex Franciæ, archiepiscopi, episcopi et magni viri qui aderant, unanimiter suadebant. Arctatus regis consilio et omnium archiepiscoporum, episcoporum, et baronum, acquievit archiepiscopus, et coram omnibus accessit ad regem Angliæ; et genibus flexis posuit se in Deo et rege ad honorem Dei et regis, utens hac forma verborum, ut sic posset pacem et gratiam ejus promereri. Rex autem proter verbum, *Ad honorem Dei*, noluit eum recipere, coram omnibus dicens publice, ne videretur quod archiepiscopus honorarem Dei vellet servare, et rex minime, sed post multa, quæ utinam siluisset, dixit quod ab archiepiscopo nihil aliud quærebatur, nisi ut ei tanquam presbyter et episcopus coram omnibus promitteret in verbo veritatis, se sine omni malo ingenio servaturum consuetudines, quas sancti archiepiscopi Cantuarienses observaverant regibus suis, et quas ipse archiepiscopus sibi alia vice promiserat: archiepiscopus autem respondit, quod regi fecerat fidelitatem, qua ei præstito juramento tenebatur servare vitam, membra et honorem terrenum, salvo ordine suo; et hoc fidelissime paratus erat implere, nec ab aliquo antecessorum suorum aliquid ulterius exactum est, vel ab aliquo exigendum. Et cum rex super hoc articulo plurimum institisset, domi-

nus Cantuariensis adjecit, licet nullus antecessorum hoc fecisset vel promisisset, nec ipse ulla tenus hoc de jure facere deberet, tamen dixit quod pro pace Ecclesie et gratia ejus promitteret se consuetudines illas, quas sancti antecessores sui regibus suis servaverant, *salvo ordine suo* ei servaturum, quatenus secundum Deum posset. Et faceret pro amore ejus recuperando, quidquid posset *salvo honore Dei*: asserens quod nunquam ei libentius servivit, quam adhuc saceret, si ei placceret. Noluit autem rex hoc recipere, nisi præcise et absolute sub juramento ei promitteret observantiam consuetudinum: quia nihil ulterius ab eo exigebat. Quod quia archiepiscopus, licet multi instarent, facere noluit, rex discessit pace infecta. Cum vero regem exhortaremur, ut juxta mandatum vestrum revocaret archiepiscopum in gratiam suam, et ei pacem et ecclesiam suam restitueret, respondit quod fortasse consilium amicorum erit, ut ecclesiam quandoque restituat, sed dixit se gratiam non restituturum, quia tunc evacuaretur privilegium, quod ei dedistis, et quo potestatem archiepiscopi suspendistis, donec redeat in gratiam ejus. Et quia præceperatis eum primo conveniri in spiritu lenitatis per commonitorias vestras, commonitorias vestras in aliud tempus ei dare distulimus; interim Deum oraturi, in cuius manu corda sunt regum, ut animum ejus emolliat, et ad honorem suum et Ecclesie utilitatem pacem faciat resormari. Quod vero de mandato vestro reliquum est, accepto tempore, per gratiam Dei cum omni diligentia exsequemur, et exitum negotii, quem Deus dederit, majestati vestre significare curabimus. Rogatus frater Bernardus, sicut nos, ut negotii hujus seriem vobis scriberet, respondit quod in ordine suo inhibitum est, ne quis fratrum pro aliquo negotio vobis vel alii scribat, sed dicturum se spopondit coram nuntio vestro magistro Lombardo, qui ei litteras vestras tradidit, et qui vobis rem gestam, sicut is qui præsens interfuit, fideliter significabit.

LXXXVIII.

Eorumdem. — Quod nihil in mandato proficientes, commonitorias pontificis epistolas regi obtulerint.

ALEXANDRO papæ, SIMON prior de Monte Dei, et D ENGELBERTUS prior de Valle S. Petri.

Juxta mandatum sanctitatis vestrae commonitorias vestras illustri regi Angliae porremus, operam et diligentiam pro viribus adhibentes, ut juxta commonitionem vestram dominum Cantuariensem in gratiam revocaret, et ei sedem suam restitueret et pacem, et ecclesie sue liberam dispositionem habere permitteret. Exspectavimus diu sperantes et orantes, ut Deus emolliret animum ejus. Sed cum non prosiceremus exspectantes, urgente mandato vestro, in colloquio regum serundo, ei commonitorias vestras presentavimus, quas cum ille tandem vix receperisset, ad instantiam nostram, et magnorum virorum qui aderant, hoc post multa,

A qua referre longum est, nobis responsum dedit: Ego dominum Cantuariensem de regno non expuli, et tamen pro reverentia domini papæ, si voluerit mihi facere quod debet, et servare mihi quod antecessores sui meis observaverunt, et ea qua ipse promisit, redire poterit in Angliam, et habere ibi pacem. Et post varietates responsum, tandem dixit se avocatum episcopos Angliæ, et usurum consilio eorum, sed nec diem aliquem praefixit, nec aliquid ab eo reportavimus, unde possimus de pace domini Cantuariensis, et mandati vestri executione certiorari. Et quia responsa frequenter mutabat, interrogavimus eum, an liceret archiepiscopo redire ad sedem suam, et frui pace sua. Ille vero repondit, quod archiepiscopus nunquam ingredietur terram, antequam faciat ei quod debet, et promittat se servaturum quod alii servaverunt, et quod ipse promisit. Deinde rogavimus eum, ut scriberet et signaret patentibus litteris responsum suum, quia oportebat nobis rem certam vobis referre, quam nondum habebamus, quia tam frequenter responsa variabat. Ille vero noluit acquiescere. Archiepiscopus vero respondit, cum hoc ei retulissimus, se paratum sese facere regi quidquid debet, et servare quod ab antecessoribus suis servatum est, quatenus poterit *salvo ordine suo*; sed novas inire obligationes, quæ a decessoribus suis præstite non sunt, et promittere aliquid hujusmodi, nisi *salvo ordine suo*, sibi esse illicitum sine auctoritate domini papæ; tum quia novam formam in Ecclesiam inducere perniciosum esset, tum quia a vobis inhibitus est, ne aliquid unquam tale promittat, nisi *salvo honore Dei et ordine suo*. Et adjecit quod eum increpando dixistis, quod nec pro capite suo debuisset se ad talium consuetudinum observantiam obligasse, nisi *salvo ordine suo*. Sed si rex, prout mandatis, ei gratiam suam, et pacem, et ecclesiam, et ablata sibi et suis restituat, quidquid secundum Deum ei *salvo ordine suo* poterit, libenter faciet ad voluntatem ejus, et ei diligentissime et devotissime totis viribus servire studebit. Placeat itaque sanctitati vestrae opem ferre ecclesiae laboranti, et perseverare in eo quod laudabiliter cœpistis; quia, sicut a multis audivimus, et credimus, si perseveraveritis, Ecclesiae pax et salus in januis est. Et quia fratrum Grandis-montis consuetudo non est, ut scribant alicui, hæc de conscientia et voluntate fratris Bernardi socii nostri vobis scripsimus, quæ gessimus cum eodem fratre Bernardo, qui veritatem in audience multorum testificatus est, rogans eos, quibus scribere licet, ut vobis ab eo auditu scriberent.

LXXIX — LXXX.

A. Sanctæ Osithæ ministri. — Pro Gilberto Londoniensi episcopo.

Domino et Patri reverendo ALEXANDRO summo pontifici, A. Ecclesiae Sanctæ Osithæ minister hu-

milis, sinceræ orationis affectum et debitæ subjectionis obedientiam.

Nonne, Pater semper diligende, ubi dolor ibi manus? Nonne dolor vivus membris totius est corporis? Nonne illa vox est Apostoli: *Quis infirmatur et ego non infirmor?* (II Cor. xi.) Cum ergo in corpore Christi constituti simus, hinc est quod cum sit una columba mea, electa genetricis sue (Cant. iv), et per infirmam et bonam famam eam transvolare oporteat, gravius in corpore positi quandoque offendimus cum sine causa alter in altero judicamus. Inde est quod quanta possunus humilitate majestati vestre supplicamus, attentius proposita siquidem nobis libra æquitatis et justitiae suspenso examine, tum rerum eventus præteritum, tum præsentis temporis commodi et incommodi, tum totius Anglorum Ecclesiæ pacis, tum præsertim apostolicæ fidelitatis et quietis in hac parte, quatenus virum omni honestate præditum, virtutibus ornatum, scientia præclarum, sanctitate fulgidum, religione decorum, exemplum justitiae et veritatis et quasi totius Ecclesiæ Anglorum columnam, dominum Gilbertum episcopum nostrum, paterno affectu et benigne suscipiatis. Agat igitur pro se et universalis Ecclesia discretio summi pontificis, quatenus virum tantum auctoritate, ut dignoscitur, comprobatum, magis eligat quo Ecclesiæ saluti certissime poterit mederi, alieua sibi non confundere forsitan injustitiae nec adversus eum famæ suscipere typum, cuius nec judex conscientia suscepit argumentum. Quis namque hunc tam et tantum virum, salva summi pontificis reverentia, criminis arguere præsumat: ut scelerum apud regem Anglorum, sive apud quemlibet, teste conscientia vellet discordia causa vel conscius qui animam suam pro fratribus ponere in hoc est ipse constitutus? Nos itaque secundum conscientiam bonam intelligentiae vestre testes sumus tanti viri et tam religiosi in omni veritate ejus innocentiae, prout ei datum fuit desuper animum apposuisse, quo regni et sacerdotii apud nos pace reformata sua gaudet universalis Ecclesia tranquillitate. Valeat sanctitas vestra, benignissime Pater.

LXXXI.

Abbatis Ramesiensis. — Ejusdem argumenti.

ALEXANDRO papæ, abbas Ramesiensis.

Quoties optimis viris testimonia deseruntur, absque retracione et offendiculo recurrit oratio, cum semper eorum sit commendatio irrefragabilis, quos communis habet estimatio commendatos. Inde est quod venerabilis Pater noster Gilbertus Londoniensis episcopus, vir meritis et nomine conspicuus, inter electas terræ nostræ personas quadam prærogativa virtutum insigniter elucescit. Quippe qui sæculari litteratura et lege divina ad unguem institutus, singulos fere tam religionis quam ecclesiastici ordinis et dignitatis gradus attigisse et condescendisse dignoscitur, pastoralisque curam regiminis fideliter prudenterque dispensans,

A digna satis promotione de monasterio transivit ad cathedralm, primo Herefordensem, postmodum vestra interueniente autoritate Londonensem, utramque vita pariter et doctrina illustrans et honorans. Longe sit itaque a tam conspicue probitatis, tam elinatae religionis viro quævis sinistra suspicio: siisque procul a sanctis auribus vestris de eo aut operibus ejus quorumlibet malefida interpretatio. Quis enim credit virum bonum, honestum, religiosum, bono, honesto, religioso, vel in modico juxta conscientiam suam nocuisse, episcopum archiepiscopo, filium patri? Quantum estimare pro certo possumus ex his quæ audivimus et vidimus, ex indubitate etiam domini nostri regis testimonio, pacem venerabilis archiepiscopi et reconciliacionem erga regem ipsum studiose quæsivit, et ad eam diligenter intendit. Si quid postmodum enormiter actum est, præter conscientiam ipsius et voluntatem credimus accidisse. Superest igitur, sanctissime Pater, ut honorabilem filium vestrum ad gremium mansuetudinis vestre se transferentes, juxta commune omnium bonorum votum, blande et leniter suscipiatis, innocentiamque ipsius incertis suspicionum conjecturis, quibus credi non oportet, sed non permittatis. Sanctitatem vestram Ecclesiæ sue diu conservet in columen omnipotens Dominus.

LXXXII.

Willelmus Ramesiensis. — Ejusdem argumenti.

Domino et reverendo Patri ALEXANDRO Dei gratia sanctæ apostolice atque catholice Ecclesiæ summo pontifici, frater WILLELMUS Sancti Benedicti Ramesiensis Ecclesiæ servus indignus, obedientiam cum debita reverentia.

Quantis tribulationibus Ecclesia Dei primitiva, et quam multiplici adversitate fatigatur, claro intuitu cernit oculus vester et crebro auditu percipit auris vestra, et quod gravius est, et cordi nostro magis anxium, experimento caput quotidie discit quid membra patientur. Nos vero cernentes in medio ignis istius torqueri justum ab impiis, et incendi pauperem dum superbit impius, lege charitatis constringimur, id solatii pro modulo nostro impendere fratribus in adversitate positis quod nobis vellemus impendi, si eadem adversitate premeremur. Multo etiam magis sanctis Patribus ad compatiendum obnoxii sumus, quos in angustia multa positos videmus. Inde est quod universa Ecclesia Anglorum, maxime vero religiosi conventus condolet, et compatitur viro magnifice Gilberto Londonensi episcopo. Totius namque religionis et honestatis exemplar Ecclesiæ Dei semper existit, et in omni gradu, quo eum deduxit Dominus, lucerna intuentibus ardens effusit et quod nequaquam sub silentio claudendum est, cœlestis sapientiae thesauro ita ditavit cum Dominus, quod gratuito ei ab omnibus reverentia debeat impendi. Et quia scriptum est: *In malevolam animam non introibit sapientia* (Sep. i), tantum virtutum op-

nio et tot dona charismatum quæ in se divini spiritus habent testimonium, longe secernunt ejus animum ab omni suspicione fraudis et sellis. Habet enim testimonium foris aliud quo nullum certius esse potest, videlicet domini nostri regis. Nemo enim novit tam plene quæ sunt in homine, sicut spiritus hominis qui in ipso est (*I Cor. ii*). Ex testimonio, inquam, litterarum suarum manifeste agnoscimus, quod dominus Londoniensis apud dominum nostrum regem Anglorum nunquam nocuit domino Cantuariensi. Quia igitur, domine mihi sanctissime, oculi totius Israel in te respiciunt et a facie vestra judicium singulorum egreditur, et vos sicut angelus Dei nostis omnia quæ sub sole sunt, ita ut nec benedictione nec maledictione movearis, in statera vestra de æquitate non dubitamus; sed hoc humili prece, supplici voce, prostrato corpore ad pedes apostolicæ pietatis provoluti petimus in quantum possumus et audemus, ut pietas divinae charitatis vestræ in hoc suo negotio superexalteat misericordiam judicio. Conservet vos Deus in colummam Ecclesiæ suæ per multa tempora.

LXXXIII.

Henrici abbatis Stratfordiensis.— Pro Gilberto Londoniensi episcopo.

Patri suo et domino summo pontifici ALEXANDRO, frater HENRICUS monasterii de Stratfordia dictus abbas et humili ejusdem loci conventus, debitam Patri obedientiam et pro incolumentate vestra jugem coram Domino devotionis et orationis instantiam.

Apostolo, domine, scilicet docente (*Gal. vi*), didicimus, ut alter alterius onera portantes Christi legem inter nos scilicet invicem adimpleamus. Inde est quod venerabili Patri nostro Gilberto Londoniensi episcopo super conversatione sua testimonium quale verum speramus et credimus publica in hoc fama nobis consentiente perhibemus, utpote quem virum prudentem, litteratum novimus et honestum a vita initio laudabilisque conversationis exemplo in publicas Ecclesiæ jamdiu gratulationes suscepimus. Quem quia mitem atque pacificum novimus, et inter discordes pacem semper conciliare sollicitum, dissensioni quæ inter dominum regem et dominum Cantuariensem peccatis exigentibus oborta est, nulla unquam ratione causam præbuisse credimus aut incentivum; sed iræ potius sedandæ quantum potuit operam diligenter adhibuisse. Quem quia commendatione dignum credimus apud sanctitatem vestram urgente charitatis imperio commendamus, preces humillime porrigentes ut quem suo ut credimus non exigente merito læsum audivimus patrocinante sibi appellatione ad sublimitatem vestram interposita ad nos remitti cum gratia gaudeamus. Valere vos optamus in Domino, Pater in Christo dilectissime.

A

LXXXIV.

S. Ecclesiæ Trinitatis London. — Ejusdem argumenti.

Venerando Patri ALEXANDRO Dei gratia summo pontifici, S.... Ecclesiæ Sanctæ Trinitatis Londoniensis servus humili, salutem et debite subjectionis obedientiam.

Cum apud summum judicem qui renes omnium scrutatur et corda (*Psal. vii*), si quem vita commendet humana infirmitas commendare non dubitet, summa in hoc mundo inter homines et supra sanctitatis vestræ sublimitas, semper reverende et amantissime Pater, virum venerabilem dominum Gilbertum Londoniensis Ecclesiæ episcopum a private nostra humiliiter commendatum, pio patris

B affectu et charitate sincera dignanter et benigne suscipiat. Quem non solum vita sinceritas, religionis integritas, scientiæ charitas, commendabilem reddunt, verum etiam et Romanae præsentim Ecclesiæ apud nos ut dignoscitur conservata fidelitas et prona semper et devota obedientia. Quis enim in executione causarum pro mandato vestro secundum leges, jura et canones in Anglorum regione sic miseris subvenit, sic expulsos restituit, sic oppressos liberavit, sic pacem reformat? Nonne hic est cui nuper principum timore postposito spretaque sui corporis pena et schismaticorum malitia, qui Britannici maris pericula vix evaserat, cum cæteri sustinerent ad tempus, jam Alpium soli angustias transgresso quo se vobis totum crederet, gratia summi obviavit pontificis quasi mater honorificata. Unde feliciter reversus qui optimam ut creditur partem elegerat, ab illo exspectabat Ecclesiæ pacem in terris, qui factus est *pax hominibus bona voluntatis* (*Luc. ii*). Quod autem eam quantum illi desuper datum fuerat desideraret animo et opere quereret ac verbo, non solum ut dictum est, iter ad vos tam fideliter ac constanter arreptum indicat; verum etiam, ut a legitimis cognovimus testibus, in communī synodo singultus et unda lacrymarum quas fudit pro dissensione inter dominum regem et dilectum Deo et hominibus, nunc coram ipso patronum nostrum dominum Cantuariensem. Quis ergo, bone Pater, hunc talem tantumque Christi Ecclesiæ virum de nobis filiis vestris judicare minus reverenter præsumat, ut quandoque apud regem dominum foveret discordiam vel quasi fieri vellet causa vel conscientia reatus cuiusquam; quo pacem confunderet regni et omnium ollenderet sanctitatem fierique persecutor Ecclesiæ amator illius et defensor veritatis et iustitiae. Agat igitur pius Pater, Pater sanctissimus, Pater spiritualis, qui omnia dijudicat, et a nemine dijudicatur, ne famæ contractu quæ respondit de Christo: *Alii dicunt: Quia bonus est; alii vero: Non, sed seducit turbas* (*Joan. vii*), tanta Ecclesiæ columnæ de fortitudine cadat suummi pontificis. Et præsentim ut *Domino cooperante et sermonem confirmante quotidie apud nos sequentibus signis* (*Marc. xvi*): sumat

C

D

a vobis benedictionem paternam in Spiritu sancto, per quem mederimelius forte vestra et cautius poterit omnium ecclesiarum sollicitudo. Valeat sanctitas vestra, semper nobis diligende bone Pater.

LXXXV.

Willelmi ecclesiae S. Trinitatis Lond. prioris. — Ejusdem argumenti.

Patri suo et domino summo pontifici ALEXANDRO, frater WILLELMUS; ecclesiae S. Trinitatis Lond. claustr. prior et humilis ejusdem loci conventus, debitam Patri charitatem et humilem in omnibus obedientiam.

Apostolica doctrina est ut si unum membrum patitur, membra quoque cætera compatiuntur (*I Cor. xii*). Inde est quod venerabili Patri nostro domino Londoniensi episcopo debita charitate compatiuntur et ipsum poenam sustinere quam non meruit, multa afflictionis spiritus intime condolemus. Ejus enim conversatio multorum testimonio digne laudabilis honorari magis debet quam paenitentia et injustis oppressionibus onerari. Qui cum ob culpam aliquam nec citatus hucusque fuerit nec commonitus, in ipsum subito latam separationis esse sententiam miramur plurimum et obtupescimus; præsertim cum ejus nec contumaciam audierimus, nec ipsius famam apud nos notorio seu alio quocunque omni labore aliquatenus intellexerimus. Qui cum sententiam illam quæcunque est ad sanctitatem vestram appellando prævenerit, apostolicæ dignitatis honor est venientem ad vos filium digne suscipere et ipsius gravamina paterna gratia sublevare. Quia in re cum tota supplicet Londoniensis Ecclesia, nos quoque cum supplicantate matre nostra sublimitati vestrae preces affectuose porrigitur, ut patrem nostrum suscipiendo et matrem exilarando suspensam ad vos totam. plenitudinem vobis et obsequium et gratiae obnoxiam in perpetuum efficiatis, et paternum filii affectum exhibeat. Conservet incolumentem vestram Dominus, in Christo dilecte Pater.

LXXXVI.

R. prioris S. Victoris Parisiensis et Ervisii abbatis S. Augustini. — Pro S. Thoma Cantuariensi.

ALEXANDRO papæ, prior S. Victoris et E. abbas quondam S. Augustini.

Sanctis viris, Simone, priore de Monte-Dei et fratre Bernardo de Grandimonte veraciter referentibus, aliisque personis religiosis et honoratis assistentibus, et nos ipsi præsentes ipso auris auditu percepimus, quæ responsa rex Angliae domino Cantuariensis, super negotio pacis ecclesiastice reddiderit. Referebant et inter referendum inirabantur, quam sepe rex Angliae animum domini Cantuariensis, suorumque, et nostros in spem recuperandæ ecclesiastice libertatis et pacis erexerit, quam sæpius in desperationem ejusdem recuperationis a conceptu antehabita spei dejecerit. Tandem post multas et varias, nec inter se cohærentes, imo sibi contrarias responsiones, post tumidam præsum-

A pta præsentatione litterarum vestrarum animi indignationem, nihil certi reportare potuerunt. Opus est igitur, post tam longam expectationem, et tam diu suspensam animadversionem ex auctoritate apostolica gladium Petri in adversarium sanctæ Ecclesiæ, et contemptorem sedis apostolicæ jam jamaque exercere, manu utique tanto validiore, quanto fortiorum, et si potest, insuperabilem, ad resistendum, imo ad prævalendum se præmunit inimicus. Quod si incunctanter et districte feceritis, prout ipsi a collateralibus regis se didicisse memorabant, ad portum tranquilla securitatis et gaudium quæsitæ libertatis Ecclesia Dei in brevi est perventura, jamque olim, si districtius egissetis, pervenisset. Si vero in hac suprema necessitate adhuc dissimulatis, procul dubio multo majore injuria et depressione conculcanda est, quam fuerit, et futura sunt ejus novissima multo pejora prioribus. Illud etiam vos non lateat, quod priores litteræ vestre, assensum petitionum regis Angliae, ut videbatur, contineentes, sed magis rei veritate prudentiam benevolè vestrae intentionis erga dominum Cantuariensem occultantes, auimum domini regis Francorum, multorumque aliorum multum scandalizaverunt. Novissimæ vero, quæ et comminatoře, eundem gloriosum regem nostrum, cunctis quidem bonis hominibus, sed maxime D. Cantuariensi benevolum et devotum, multum exhilaraverunt, multosque alias in gratiarum actionem et vocem laudis, misericordiam et judicium vobis decantantes, excitaverunt. Misericordiam, quia innocentis causam defensandam suscepistis; et judicium, quia violenti iniuriam, quantum in vobis est, propellletis.

LXXXVII.

Willelmi Radingensis abbatis. — Pro Gilberto Londoniensi episcopo.

Beatissimo Patri et domino A. Ecclesiæ catholicæ Dei gratia summo pontifici, filiorum suorum extremus frater WILLELMUS abbas Radingensis indigne dictus, commissam sibi navem Petri ad portum tranquillitatis indemnum dirigere.

Quoniam sanctitati vestrae, quæ Deo auctore universæ præstet Ecclesiæ, rerum quæ in ea ubique terrarum quotidie emergunt utilissimum esset innotescere veritatem, æquum duximus pro parvitate nostra sublimitati vestrae de filio vestro episcopo Londonensi, ne serenitatem vestram, quod absit! erga ipsum alicujus maligna suggestio obnubilaret, qualem ipsum novimus, et qualiter se in hac quæ inter regem et archiepiscopum Cantuariensem exorta est tempestate, quamque prudenter ac fideliter se habuerit, teste conscientia intimare. Et primo quidem scimus eum in claustro Cluniacensi tam sanctæ tamque irreprensibiliter sumpto habitu religionis aliquandiu conversatum, ut dignus omnino promoveri aliisque præesse et prodesse inveniretur. Promotusque semel et iterum et sæpius usque ad culmen episcopatus, vita, moribus, et doctrina descendere promeruit. In quo se hactenus quantum

ad humanum spectat examen, non solum irreprehensibilem, sed et utilem sanctæ Ecclesiæ ministrum exhibuit; sibi siquidem parcum atque districtum, aliis misericordem atque munificum. De cuius sobrietate virtus atque vestitus, et aliorum quæ huic vita necessaria sunt parcitate, erga pauperes benignitate, erga subjectos mansuetudine, erga sanctos devotione, erga omnes suavitatem atque humanitatem supervacuum duximus multum scribere, quibus Ecclesiam Dei suavissimo replevit odore, quoniam vos ea non credimus latere, quæ et qui Deum amant non cessant prædicare, et qui secus sentiunt dissimulare quidem possunt, negare non possunt. In hac autem controversia quæ inter dominum nostrum regem et dominum archiepiscopum Cantuariensem exorta est, sic illum se habuisse cognovimus, ut si illi creditum esset, omnis jamdudum discordia ad mellata, et concordia reformata suisset, licet nonnulli pacis inimici malignitate inducti, alias de illo disseminaverint, et usque ad archiepiscopum pertulerint opinionem. Neque nos vel audivimus vel ab aliquo vere auditum accepimus, quod ipse in aliquo apud dominum regem domino archiepiscopo vel alibi nocuerit, excepto quod nimia necessitate compulsus, in initio Quadragesimæ ad clementiam vestram appellavit. Archiepiscopus autem postea in Ramis Palmarum sicut dicitur, in illum sententiam promulgavit. Super quo admirantur in partibus nostris universi. Solet enim ad semem apostolicam appellatio remedium atque suffragium gravatis prestare universis. Hoc enim beneficium a matre nostra sancta Romana Ecclesia filii suis debitum et in necessitate hactenus exhibitum nullum suorum in oppressione desperare permittit. Quod si subtrahitur vel in iritu ducitur, nescimus quid refugii in necessitate ulterius speretur. Beatitudini igitur vestra, quam Deus diu nobis in columem conservet, omnime supplicamus, quatenus erga filium vestrum episcopum Londoniensem ad pietatem vestram confugientem, sic vos habeatis, talesque vos exhibeat, ut reliquis filiis vestris ad vos in necessitate confugiendi spem atque fiduciam præbeat.

LXXXVIII.

Lombardi ad Alexandrum. — Quomodo Joannes de Oxenford, Roma rediens, multa se a pontifice obtinuisse gloriatur: quo audito rex Franciæ ita vehementer turbatus fuerit, ut confessim se velle nuntios dirigere qui legatis apostolicis regni sui ingressum inhiberent, diceret.

Reverendo Patri ac domino ALEXANDRO, Dei gratia summo pontifici, Lombardus ejus clericus, filialis obedientiae famulatum.

Cum vestrae sanctitatis puer, et vestrarum manuum opus in Christo sim, quæ in nostræ famæ suggillationem, atque vestri nominis derogationem celebriter dicuntur, quæque in totius Ecclesiæ detrimentum callide struuntur, dissimulare nec possum, nec debeo. Joannes siquidem Oxenfordensis,

A cum decanatus honore et gratiæ vestræ plenitudine Roma rediisse insolenter se jactat, nihilominus arroganter adjiciens se privilegio fore munitum adversus dominum Cantuariensem, et omnem episcopum, et quasi paulo minus a cardinalium ordine constitutum, vobis soli, et apostolatui vestro se subjectum asserit. Præterea, quod regum nullus unquam obtainere valuit, pro rege obtainuisse gloriantur superbe loquitur: scilicet inter regis filium et filiam comitis Britannæ, in tertio gradu consanguineos, matrimonium vestra auctoritate firmatum: addens quoque, a rege legatos specialiter postulatos destinari, qui appellationis remedio sublati, audiant et destiniant quidquid regi adversus dominum archiepiscopum proponere placuerit. Hæc, sanctissime Pater, Joanne Roma redeunte divulgata sunt, quæ quanto magis inusitata, quanto rarius fieri solent, tanto vehementius audientium animos perculerunt. Quibus auditis, Francorum rex, vester et Ecclesiæ filius devotus, ita vehementer turbatus est, ut confessim se velle nuntios dirigere, qui legatis vestris regni sui ingressum inhiberent, diceret: Qui plus aliquid fecit, quod in ore latoris praesentium posui. Convocare etiam archiepiscopos et episcopos se velle dixit, quatenus eis exponeret et proponeret, quomodo Romana Ecclesia adversus se, et eam malignantes exaltat, eum autem deprimere querit, dicens: Annon laborat me in honore, qui sanguinem Cantuariensis archiepiscopi, viri innocentis, pro justitia et Ecclesiæ libertate exsulantis, callide effundere querit, impie tradens ipsum in manus inimicorum et persecutorum ejus, quem non obsequiorum obtentu, cum nobis magis injurias intulerit, obsequendo tamen ei, qui nunc ipsum persequitur, sed potius justissimæ causæ, quam sovet, intuitu, ejus probitatis contemplatione, amore etiam domini papæ, qui satis instanter me pro eo rogavit, exhibere honorifice et decenter, quandiu in exilio fuerit, et quasi in sinu meo confovere constanter disposui, sicut et jam cœpi? Denuntians etiam et manifeste protestans, non esse sibi minus molestum quod pro hac causa legatos mittitis, quam si ad coronam ejus auferendam eos destinaretis. Ejus animum adeo concitatum non defuerunt qui magis

B incenderent. Data est occasio adversus nos, et Dei Ecclesiam malignandi, atque plurima moliendi his, quibus ab initio animus et nocendi vobis cognitus fuit. Quorum malevolum propositum vestra non mutavit indulgentia, etsi horum conatum represesset auctoritas. Hæc per quemdam clericum vobis fidelem et devolutum, praesentem dum hæc agerentur, mihi ea privatim referentem, didici. Illud unum, Pater sanctissime, verissime scio, quod tamen absque lacrymis non scribo, quia vestri noninius odor ex aliqua parte offuscatur; quoniam famæ vestrae derogatio, quasi cibus est et potus detrahentium, et maledicorum, qui velut vino poti atque inepti vestram famam decerpunt, et quasi vos totum maledictionis dentibus corrodunt, tum favore

domini Cantuariensis, partim odio eum persequen-
tis; maxime cum prope esset dies victoriae ejus et
vestrae, sicut a multis credebatur. Timebat enim
rex adeo, die appellationis elapso, excommunicari
universamque terram suam interdici, ut manifeste
diceret se episcopis appellare nec persuasisse, nec
eos compulisse, ideoque partes suas in ea re non
esset interpositurus. Episcopi vero in tantum ange-
bantur, et interdici metuebant, ut quidam ad do-
minum Cantuariensem nuntios mitterent, quidam
ad ejus vocationem parati essent, cum Joannes de
Oxenford, velut legatus vester, universos episco-
pos convocans, eis auctoritate vestra, sicut fama
est in Gallia, ne ad domini Cantuariensis vocatio-
nem venirent, precepit. Qua occasione magister
Robertus Herefordensis episcopus, cum iam ad
mare venisset transfretaturus, revocatus est; sicut
ipse coram domino Cantuariensi per nuntios suos,
viros religiosos, et bene notios, me praesente, se
excusavit. Propterea tanta est in multorum animis
perturbatio. Verentur enim plurimum regis versu-
tias, et ex his Anglicanæ atque omnium ecclesia-
rum terræ sue ruinam, et libertatis subversionem,
ac prolixiorum, vehementioremque archiepiscopi
persecutionem, quippe cum a multis, et saepe audi-
verim, quod rex in adversa fortuna et obitu vestro,
quem Deus sua benignissima clementia in longa
tempora differat, omnem spei suam locasse dica-
tur, firmissime asserens, sicut a pluribus fertur,
successore vestrum se nequaquam suscepturum,
nisi prius omnes dignitates et consuetudines regni
sui confirmaverit. Eapropter dolose et fraudulenter
creditur legatos postulasse, utpote ad suam volun-
tatem, non solum adversus dominum Cantuarien-
sem, verum etiam adversus omnes episcopos terræ
sue complendam, vel ut saltem sic ejus excommuni-
catio, et terre sue interdictum differatur: qua-
tenus hoc modo frustrando tempora, domini Can-
tuariensis auctoritatemu evacuare possit, ut si forte
vestro tempore non ligetur, a successore vestro
ligari non metuat, cuin nec facile, sicut a multis
dicitur, proposuerit cum se suscepturum. Itaque,
prudentissime Pater, qui Spiritum Dei habent, et
pacem Ecclesiæ desiderant, spiritum Danielis in
vobis excitari, ad Belis astutias deprehendendas,
et draconem interficiendum, summo animi affectu
optant, super quo Deum assiduis et cumulatis pre-
cibus, exorant. Valeat sanctitas vestra in tempora
multa.

LXXXIX

*Theobaldi Blesensis comitis. — De martyrio S.
Thomæ.*

Revendissimo domino suo et Patri ALEXANDRO,
summo pontifici, THEOBALDUS Blesensis comes, et
regni Francorum procurator, salutem, et debitam
cum filiali subjectione reverentiam.

Vestrae placuit majestati, ut inter dominum Can-
tuariensem archiepiscopum et regem Anglorum pax
reformaretur, et integra firmaretur concordia. Ita-

A que juxta vestri tenorem mandati illum rex Anglie
vultu hilari, fronte læta, et pacem spondente, et
gratiam sibi referente recepit. Huic paci et concor-
die interfui, et me præsente dominus Cantuarien-
sis apud regem Anglorum de coronatione filii sui
conquestus est, quem voto festinante et ardente de-
siderio in culmen regiae dignitatis fecerat promo-
veri. Hujus autem injuriæ reus et sibi male
conscius rex Anglie, juris et satisfactionis ipsi Can-
tuariensi pignus dedit. Conquestus est etiam de
episcopis, qui contra jus et decus Cantuariensis
Ecclesiæ novum regem in sedem regiam præsum-
pserunt intrudere, non zelo justitiae, non ut Deo
placerent, sed ut tyrannum placarent. De illis vero
liberam et licitam rex ei concessit potestatem, ut
ad vestrae et suæ potestatis arbitrii in eos sen-
tentiam promulgaret. Hæc siquidem vidi et audivi,
et hoc vobis vel juramento vel quolibet alio libue-
rit modo attestari paratus sum et sancire. Sic itaque
pace facta vir Dei et Spiritu sancto plenus nil me-
tuens recessit, ut gladio jugulum subderet, et cer-
vicem exponeret ferienti. Passus est ergo marty-
rium agnus innocens, crastina Sanctorum Inno-
centium die. Effusus est sanguis justus, ubi nostræ
viaticum salutis solebat immolari. Canes aulici fa-
miliares et domestici regis anglie se ministros re-
gis præbuerunt, et nocentes sanguinem innocentem
effuderunt. Hujus prodigii modum detestabilem, et
inauditam turpitudinem, vobis his verbis significa-
rem, sed vereor ne mihi odio a serpente, cuius nec
odium timeo nec amorem volo, ascribatur, et lato-
res præsentium patenter et plenius hoc vobis indi-
cabunt. Ex eorum relatione discretis quantus mœ-
roris cumulus, quanta sit universæ Ecclesiæ et
maxime Cantuariensis, quanta etiam totius regni
Francie, imo omnium partium mundi ad quas ista
pervenit nequitia et sedatio, et querela et calamitas.
Hanc salvo pudore dissimulare ratio non debet nec
potest Romana mater Ecclesia. Quidquid enim in
filiam præsumitur inimicum, redundant in parentem:
nec sine matris injurya filia captivatur. Ad vos ita-
que clamat sanguis justi et martyris Dei, et flagitat
ultione. Vobis ergo, Pater sanctissime, adsit et
consulat super vindicta facienda omnipotens et mi-
sericors Dominus, qui Filii sui cruorem mundo in-
pendit, ut mundi noxas detergeret et deleret ma-
culas peccatorum, ille vobis sufficientis vindictæ
voluntatem insinuet, et suggerat facultatem, ut
Ecclesia inauditi et nefandi sceleris confusa magni-
tudine, districta, inaudita et toti mundo jucunda
hilarescat ultione. Valete, et sicut decet sanctitatem
vestram et dignitatem totius curiæ Romanæ, stu-
dete.

XC.

*Magistri Viviani. — Quid egerit in execuzione man-
dati apostolici sibi commissi.*

Beatissimo Patri et domino ALEXANDRO, Dei gra-
tia universalis Ecclesiæ summo pontifici, VIVIANUS

ejus sanctitatis servus devotissimus, debitæ subje-
ctionis obsequium.

Quod statum nostrum pariter et esse negotii, pro quo ad illustrem regem Angliæ destinati sumus, tandem Beatitudini vestræ significare distulimus, non dissolutæ negligentia, quæ culpæ annumeratur, sed necessitatib; et qualitatib; causæ esse ascribendum certissime fore sciatis. Erat enim cum exercitu in remotis Guasconia partibus, et illuc absque maximo discrimine nullatenus, sanctissime Pater, poteramus accedere, nec fuit de consilio Christianissimi regis Francorum, cui apud Silviniacum obviavimus, litteras sibi vestras, quas devotissime recepit representantes. Deinde Senonas, regis Angliæ redditum exspectantes, declinavimus. Qui cum longiorum, quam credideramus, moram in Guasconia fecerat, tandem rediit, et ad ejus presentiam festinantes in Normannia accessimus. A quo et principibus suis satie honeste recepti fuimus, in crastino litteras ei vestras exhibentes. Quas cum legisset, multa in exordio orationis sue contra dominum Cantuariensem nobis, sicut olim dominis nostris cardinalibus, proposuit. Sed quia ut eum in amorem et gratiam suam omni rancore deposito in remissionem peccatorum suorum reciperet, sibi incessanter injungebatis, quodammodo verbo annuit, et se habituun fore consilium respondit. Sed ante de absolwendis excommunicatis proposuit. Nos vero qualem super absolutionem episcoporum potestatem haberemus, quia vobis non extat incognitum, narratione supersedemus. Qualicunque tamen postmodum potestate accepta, si Deus animum suum et voluntatem ad pacem inclinaret, propter hoc praestito ab eis juramento nullatenus remaneret. Qui cum per multos anfractus locorum, nec minus verborum nos secum adduxisset, et aliquandiu detinuissest, demum in presentia Rothomagensis et Burdigalensis archiepiscoporum hæc proposuit: *Ut tres qui presentes erant, absolventur, et unus nostrum Angliam intraret, et reliquos excommunicatos, quos juxta littus maris inveniret, absolveret, et alter ad archiepiscopum procederet.* Quo pacto, ejus intuitu per quem reges regnant (*Prov. viii*), et amore vestro, archiepiscopo permitteret ut secure veniret, et in bona pace et firma securitate ecclesiam suam reciperet cum omni integritate, sicut habuit antequam exiret, eamque teneret ad honorem Dei et Ecclesiæ, et suum et filiorum suorum: et hoc idem suis qui cum eo et pro eo exsulabant, concedebat, et in scriptis lotum quod promittebat, redigere debebat. In crastinum autem cum illos tres absolvere deberenuis, mutavit duntaxat nomen *filiorum*, et dixit *hæredum*, et hoc in presentia prædictorum archiepiscoporum, et unius nominatissimi Lexoviensis episcopi. Quid ergo de osculo? Nec propter hoc modicum pax remaneret, respondit. Ejus verbum nobis placuit, et admisisimus. Absolutione autem illorum postmodum facta, ubi dixit, *Honorem suum hæredum*, ceteris in suo statu manentibus,

PATROL. CC.

A et in ejus loco adjecit, *Salva dignitate regni sui.* Quo audito, plurimum turbati sumus. Quia in finibus prædictorum verborum non stabatur, et ita ab eo utrinque recessimus, et in ducatu Rothomagensis archiepiscopi Cadomum usque pervenimus. Et cum rex comiti Flandrensi Rothomagum obviari proficeretur, verbum pacis nobiscum denuo retractandæ prænominatis archiepiscopis, Lexoviensi, Wigornensi, Sagiensi, Bajocensi, Redonensi episcopis, Cantuariensi, Saresberiensi archidiaconis, et suis principibus commisit. Qui cum instarent ut verbum, scilicet *Salva dignitate regni sui*, admittieremus, respondimus: *Stat ergo verbum regis pariter et verbum Domini, id est, salva libertate Ecclesiæ.* Quod non admirerunt, sicut nec rex, licet in B honore Dei libertatem Ecclesiæ ut dicebat, intellegiret, apponere tamen scripto penitus recusavit. Et cum jam contra nos verbo prævalere non possent, præelegerunt, ut archiepiscopus, sicut jam dictum est, secure ad ecclesiam suam accederet, et in bona pace et securitate ecclesiam suam cum omni integritate, sicut habuit antequam exiret, hinc inde nulla conditione apposita reciperet, et sui similliter sua. Et ad eorum instantiam verbum admisisimus. Denum a rege apud Rothomagum vocati cum multo labore accessimus. Tandem per legatos suos nobis in curia archiepiscopi mandavit, quod nullatenus a verbo illo *Salva scilicet dignitate regni sui*, recederet, et ita sicut nec primo, nec secundo a prænominatis personis verbo invento stare placuit. Et hoc modo, beatissime Pater, recessimus; archiepiscopis quoque sub debito fidelitatis, qua vobis astricti tenebantur, præcepimus, ut eis, quos absolvimus, sub debito juramenti, quo vobis tenebantur, præciperent, et domino regi proponerent, ut si pax secula non esset ante discessum nostrum, beneficio absolutionis non fruerentur, et sententiam, quam archiepiscopus Cantuariensis in eos tulerat, irrefragabiliter observarent. Et hæc haec tenus de his quæ cum domino rege gessimus. Cæterum verbum regis Cantuariensi archiepiscopo postmodum representavimus. Qui cum prædicta omnia æquanimiter sustineret, respondit quod dignitatem regni sui libenter conservaret, salvo ordine suo et fideliitate Romanæ Ecclesiæ. De his quoque si quis alter vobis proposuerit, sic esse, sicut diximus, per omnia credatis. Et quod nomen domini Gratiani non ponitur in his litteris, non ideo renansit quod eas non viderit et diligenter pertractaverit, sed quia festinabat redire, et longe breviores volebat fieri litteras. Sed ut nihil nuntiis regis contra nos usque ad redditum nostrum crederetis, novissime de consilio archiepiscoporum et episcoporum disposuimus ad presentiam ipsius regis mittere nuntium. Elegimus tandem magistrum Petrum, virum honestum et bene litteratum, Papiensem archidiaconum, quem ad prænominatum regem misimus, ut ei clementer supplicaret; utque in exequenda pace inter ipsum et dominum Cantuariensem juxta tenorem litterarum

46

rum vestrarum, quas ipse receperat, preces admitteret, ex parte vestra affectuosissime rogaret. Qui cum honeste fuisset receptus, indecenter et contra honorem Dei, et suum, sicut ipse asserit, fuit tandem dimissus, et quibusdam rebus suis in ejus ducatu postmodum exscoliatus. Unus quoque, de suis precipue, qui ab eo, ut dicebat, timore jam extra villam non longe recesserat, a sevis hominibus atrociter est tractatus, sed suggestione cujusdam supervenientis militis, ut nobis hujusmodi factum denuntiaret, divina gratia de manibus illorum est eruptus.

XCI.

Eiusdem. — Similis argumenti.

ALEXANDRO papae, magister VIVIANUS.

Operam omnem adhibui et diligentiam, ut inter regem Anglorum et D. Cantuariensem pax resorneretur juxta formam quam sanctitas vestra praescriperat. Tandem vero post multos labores ad id ventum est, ut D. Cantuariensis in colloquio regum Parisiis habito in octava Beati Martini, petitionem subscriptam per D. Rothomagensem et episcopum Sagiensem, et me, regi Anglorum, presente Christianissimo rege, porrigeret: *Hoc petimus a domino nostro rege iuxia mandatum et consilium domini papae, ut pro amore Dei, et domini papae, et honore S. Ecclesiae, ac salute sua et heredum suorum, recipiat nos in gratiam suam, et concedat nobis et omnibus, qui nobiscum et pro nobis exierunt de regno, pacem suam et plenam securitatem de ea et suis, sine malo ingenio. Et reddit nobis Ecclesiam Cantuariensem in ea plenitudine et libertate, in qua eam melius habuimus, post quam ad sedem illam accessimus, et possessiones omnes, quas habuimus, ad tenendum et habendum, ita libere, et quiete, et honorifice, sicut ecclesia et nos eas liberius et honorificenter tenuimus et habuimus, postquam promoti sumus in archiepiscopum. Et similiter nostris. Et omnes ecclesias, et praebendas ad archiepiscopatum pertinentes, quas vacaverunt postquam exivimus de terra, ut faciamus de eis sicut de nostris, prout nobis placuerit, similiter habere permitta. Et hoc in scripturam redactum est. De mobilibus vero ablatis se facturum promisit archiepiscopus juxta consilium vestrum, ut a nullo super hoc deberet argui. Rex autem audita petitione scripta, de plano non contradixit, sed mutatis verbis respondit quod archiepiscopus haberet ecclesiam suam et possessiones suas in pace, quas habuerunt, et sicut habuerunt antecessores sui, et sic excluderet possessiones quasdam, quae de novo acciderant huic archiepiscopo de jure ecclesiae suarum, et quas habuerat et tenuerat postquam factus est archiepiscopus: et ecclesias et praebendas, quae vacaverunt postquam exivit de terra. Et ut callide alligaret eum ad observandas consuetudines suas, pravas et maledictas, sicut postea bene deprehendimus, quia in omnibus fere verbis suis Ecclesiae Dei sophisticus est et captiosus. Et praeterea nullius prece, cum tamen rogaretur a multis, induci potuit,*

A ut praesatum Cantuariensem in osculo pacis reciperet. Insti apud Christianissimum regem, ut hoc tantillum suarum precum instantia extorqueret. Sed ille alii regi, dum in terra sua erat, nolebat esse molestus in aliquo. Domino tamen Cantuariensi dixit, et etiam mihi coram multis, qui praesentes aderant, quod nec pro tanta quantitate auri, quantus ipse erat, vellet vel auderet consulere, nisi pacis osculo praecedente, quod terram ejus ingredetur; quia subtracto osculo gratiam non reddebat. His ergo, qui aderant, ex causa probabili visum est, quod verbum pacis tractabat in dolo, qui publicum et celebre gentibus pacis signum admittere recusabat. Nec aliquid per suos domino Cantuariensi respondere curavit, sed quasi occasionem discedendi captans recessit. Visumque est, quod tantum simulare volebat gratiam, non restituere. Placeat itaque Sanctitati vestre, si quid adversus haec audieritis, differre omnia, quoque servi vestri faciem, qui cunctis intersu, videatis et audiat is ex ore meo, qualiter Ecclesia conculcetur, et quam inique proscripti sint innocentes. Omnipotens Dominus incolumentem vestram ad gloriam nominis sui, et pia nostra nontrorumque vota, in tempora longa custodiat, sanctissime et amantissime Pater.

XCI.

Laurentii abbatis Westmonasteriensis. — Pro Gilberto Londoniensi episcopo.

ALEXANDRO papae, LAURENTIUS abbas Westmonasterii.

Veritatis assertio tunc demum libera solet et sine offensione procedere, cum et certis rerum nititur argumentis, et celeberrimae opinionis attestacione vallatur. Hinc est quod venerabilem Patrem nostrum Gilbertum Londoniensem episcopum eo Sanctitati vestre attentius commendauus, quo eum in partibus nostris et meritum vita celebrem, et communis habet estimatio commendabilem. Vestre itaque sublimitati, cuius reverentiam, sicut non debentus, ita nullis volumis falsitatis incestare segmentis, sublata omni ambiguitate suggestimus, quod memorati viri vita et conversatio, quantum aut ex evidenter rerum indiciis, aut ex celebri opinione ad vestram potuit notitiam pervenire, copiosis hactenus claruit decorata virtutibus, et formam religiosis et honestatis intuentium oculis visa est pretendisse. Quis enim ex nostratis ignorare permittitur dominum Londoniensem tam divisa legis quam secularis scientiae peritissimum, honestate praecipuum, in cultu et observantia religionis ex diuina et sancta suis conversatione probatum? Quis eorum ita desipiat, ut hoc non sapiat? Hoc etiam nos ex domini regis noveritis testimonio concepisse, quod idem dominus Londoniensis domino Cantuariensi apud regiam majestatem nunquam dicto factove nocuus existiterit, quod quidem ab omnibus vita ipsius et conversationis honestate conscientis, sub quadam potest certitudine et securitate presumi, cum auditu etiam grave sit et fide

indignum tam præclarum in Ecclesia Dei religio-
nis et sanctitatis speculum alicujus malignitatis se-
minarium aut somitem exstissec. Oramus igitur,
sanctissime Pater et domine, ut devoto et venera-
bili filio, ad gremium se vestræ mansuetudinis
transferenti, sinum benignitatis et gratiæ clemen-
ter aperiatis, eumque in gratiæ vestræ plenitudinem
restitutum ecclesiaz suaz restituere, communibus, si
placet, in hoc bonorum votis satisfaciendo dignem-
ini. Hoc enim vestræ, ut credimus, sublimitatis
honori et ecclesiasticis videbitur utilitatibus deser-
vire. Omnipotens Deus incolumentem vestram in
tempora longa et leta perducat, charissime Pater
et domine.

XCIII.

Anonymorum. — Contra Thomam Cantuariensem.

Medicinae potius tempus est, quam querelæ. Nam peccatis exigentibus inter malleum et incudem posita est sancta mater Ecclesia, et nisi divina super eam respiciat miseratio, ictum mallei est sensura. Crebrescente enim schismaticorum nequitia, pro filii suaz defensione et amore justitiae Pater patrum exsulat a patria, et ne ad propriam sedem liber ei pateat regressus, prohibet Pharaonis animus indu-
ratus. Accedit ad hoc quod Cantuariensis Ecclesia tam in spiritualibus quam in temporalibus misera-
biliter imminuit, qua tanquam navis in mari
proprio rectore destituta fluctuat, et ventis exponi-
tar, dum ejus pastor infra nationis suaz terminos
regia potestate manere prohibetur. Qui suo et Ec-
clesiaz suaz, nostro etiam sapiens periculo, poena-
rum et laborum secum nos exposuit acerbitali, non
considerans, quoniam blandiri oportet, non detra-
here potestati. Qui nobis, licet ejus laboribus totis
afflictibus compatiamur, ingratus existit, et nos,
cum in eadem propter euni damnatione simus, per-
sequi non desistit. Inter ipsum siquidem et serenis-
simum regem Anglorum quedam controversia ver-
sabatur. De utriusque voluntate dies præfigitur, ut
in eo, justitia mediante, illorum controversia ter-
minetur. Ad eundem diem ex precepto regio archi-
episcopi, episcopi, et cæteri Ecclesiarum prelati
convocantur, ut quanto generalior esset concilii ce-
lebratio, tanto manifestior fieret fraudis et malitiae
denudatio. Constituta die catholici principis conspe-
ctui se presentat regni turbator et Ecclesia. Qui de
suorum meritorum qualitate non securus Dominicæ
crucis armat se vexillo, tanquam ad tyranni præ-
sentiam accessurus. Nec modo regia majestas of-
fenditur, sed causa sua judicium episcoporum fidei
committit, ut sic ab omni suspicione liberetur. Re-
stabat ut episcopi causam judicio terminarent, ut
sic dissidentes in gratiam fuderarent, et dissensio-
nis eorum materiam aspergirent. Occurrit tamen
ille, et prohibet ne de ipso coram rege sententia
proferatur, ut sic animus regis gravius accendatur
ad iracundiam. Cujus excessus facit quantitas, ut
ipse auctor cuiilibet se debeat exponere ultiō, eru-
bescens ponam meritam deprecari. Qui principem,

A potissimum in tempore persecutionis Ecclesiaz, contra commoda Ecclesiaz offendere non horruit, cuius offensio malleum persecutionis Ecclesiaz au-
gmentavit. Melius erat sibi, ut felicitati suaz frenum imponeret, ne dum ad rerum cacumen præsum-
ptuose pervenire nititur, præsumptionis suaz merito ad inferiora detrudatur. Etsi eum non moverent Ecclesiaz detrimenta, debebant saltem cum revo-
care, ne contra regem ageret, a rege sibi exhibita, tam in divitiis quam honoribus, incrementa. At obviat adversarius, et objicit quoniam ipsum coram rege stare judicio esset apostolicæ sedis et dignita-
tis diminutio. Ac si nesciat, quod etsi in illo judi-
cio aliquantulum Ecclesiaz dignitati derogaretur,
dissimulandum tamen erat pro tempore, ut pax Ec-
clesiaz redderetur. Objicit iterum patris sibi nomen
asciscens, quod arrogantiæ videtur redolere, quod
filii in patris damnationem minime debuerant con-
venire. Sed necessarium erat, ut patris superbiam
fliorum humilitas temperaret, ne post patrem in
filii patris odium parentaret. Liquet itaque ex præ-
dictis, patres sanctissimi, quod adversarii nostri ir-
rita et ineficax debet languescere accusatio, qui
sola odii malignitate impetebat, nullius rationis ful-
tus patrocinio. Et quoniam vobis omnium Ecclesiaz
noscitur sollicitudo inimicorum, necessarium est
vos circa statum Cantuariensis Ecclesiaz cautelam et
diligentiam adhibere, ne eadem Ecclesia per sui pa-
storis excessus cogatur naufragium sustinere.

XCIV.

*Anonymi. — Narrat quid actum sit in curia quam de pace tractanda inter ipsum et pontificem Roma-
num in die Pentecostes suis indixerat Fredericus imperator.*

ALEXANDRO papæ, quidam amicus suus.

Imperator, cum principes suos ad curiam, quam
eis in festo Pentecostes indixerat, adunasset, et
principes ipsi Sabbato ante festum et subsequenti
secunda feria de pace inter vos et cum reformanda
tractare coepissent, Reginaldus, dictus Coloniensis,
advenit, publice asserens et proponens quod nihil
contra vos ad honorem sui labor et studium impe-
ratoris proficerent, nec ejus tunc penitus assentiret
consiliis. Dicebat enim quod potior pars imperii vo-
biscum erat, commemorans scilicet Solzburghensem,
Moguntinum, et alios qui de Alemannia, ve-
stræ obtinuerant sanctitati. Verumtamen ad ma-
gnificandum seipsum inquit: *Plures quam nos su-
mus ad obedientiam apostolici nostri conquisi-
ti, quos ei rex Anglorum numero quinquaginta, et plures,
juxta domini imperatoris beneplacitum exhibebit.*
Cum igitur ei talia promitteret, et ad certitudinem
hujus rei duos nuntios prædicti regis presentialiter
exhibenti, de prosequendo ejus consilio suum: impe-
rator policeretur assensum, in audiencia cunctorum
principum hujusmodi consilium imperatori for-
mavit: quod ipse videlicet imperator in conspectu
totius curiæ propria manu juraret quod nullo un-
quam totius vitæ sue tempore vos, vel aliquem qui

ex parte vestra sit, in pontificem Romanum suscipieret, sed devotioni papæ sui Paschalis inconsueta semper et inseparabiliter adhæreret. Si vero mori illum ante contingere, hoc ipsum juramentum sui successores observarent. Principes vero suos id ipsum jurare compelleret, adjecto in eorumdem principum juramento, quod si prius imperator obiret, principes ipsi nullum antea coronarent in regem, quamvis qui coronandus esset, de tenendo et fovendo codem schismatico, et ejus successoribus, idem ficerentur juramentum. Et quod principes infra sex hebdomadas, postquam de curia ad propria loca rediissent, omnes abbates, prepositos, et alios ecclesiasticorum prælatos, milites quoque, et alios omnes qui in locis eorum aliquos honores obtinuerent, hoc ipsum jurare compellerent. Et eos qui nollent hoc facere, rebus eorum penitus confiscatis depositos, et honoris sui cingulo spoliatos, vel si privati homines fuerint, in membris suis crudeliter mutilatos a toto imperio compellerent exsulare.

Placuit imperatori forma consilii, sed archiepiscopo Magdeburgensi, et aliis qui præsentes erant episcopis dura visa est admodum et molesta. Ita quod idem Magdeburgensis nullum ex hoc juramentum se præstare responderit, nisi prius Coloniensis ordines et consecrationem reciperet, per quam omnem dubitationem ab ejus et aliorum pectoribus removeretur. Unde cum ille id promittere detrectaret, acriter eum aggressus est imperator, suamque ei malignitatem improporans, iratus in eum verba hujusmodi est prosecutus : *Ecce manifeste apparet, quod sicut traditor et deceptor in periculum meum papam mihi præficeris ignorantis, cum etiam ante receptionem litterarum mearum, ne de substituendi pontificis electione tractares, tu statim cum Te Deum laudamus, et juxta beneplacitum tuum novum mihi pontificem elegisti, plus mihi proditor factus, quam Moguntinus electus, quem hujus criminis reum deferas.* Præsertim cum ille dederit mihi salubre consilium, ut ex quo Deus a prioris me periculo liberavit, nullatenus me obnoxium facrem successori. Nunc vero necessario te noveris compellendum, ut laqueum, quem parasti, primus incurras : et alius etiam id facere recusantibus solus habebis subire periculum, quod tua malitia noscitur ceteris preparatum. Sic ergo ille vehementer astrictus non potuit evadere, quin cum maximo fletu primus juxta prædictam formam ficeret juramentum, et susceptis ordinibus consecrationem quoque se promitteret recepturum.

Exhibuit etiam prædictos nuntios regis Angliae, qui publice coram omnibus ficerentur, quod quidquid imperator super hoc se servaturum ficererit, ipse quoque rex tenebit firmiter et servabit. Sic ergo propria manu supradictum præstitit juramentum, eo tamen ad verbum archiepiscopi Magdeburgensis determinato, ut si vos et schismaticum illum eodem tempore obire contingeret, et cardinales utriusque partis in aliquem unanimiter convenirent, liberum sibi esset eum recipere, si tamen, quod quidem Co-

A loniensis fecit apponi, de imperatoris assensu eadem electio proveniret. Deinde qui præsentes erant principes, sicut supra dictum est, suum præstitero singuli juramentum. Cum vero ad episcopos ventum esset, dicerentque omnes, excepto Verdensi, velle se potius regalibus eedere, quam hujusmodi sacramenta præstare, responsum est eis oportere eos, vellent, nollent, juramentum facere, et regalia retinere. Sicque cum fletu et planctu maximo juravit primus Magdeburgensis, sub ea tamen conditione, si omnes alii, qui aberant, essent simul juraturi, et quod solitus esset a juramento, quocunque tempore desineret regalia possidere. Pamburgensis vero episcopus, post multas et varias excusationes, ita ipsi imperatori juravit, quod quandiu voluerit B regalia retinere, secundum quod ei proprius senatus dictaverit, eidem imperatori super negotio auxilium et consilium ministrabit. Verdensis et intrusus Haldestaldensis absolute, sicut Coloniensis, juraverunt. Virdunensis et Frisingensis, per archiepiscoporum suorum absentiam excusati, juramentum facere minime sunt coacti, sed habita licentia libere ad propria redierunt, usque ad festum beatorum apostolorum Petri et Pauli sibi licentiam imprestantes.

Hi tantummodo principes ficerentur : dux Saxoniensis, marchio Albertus, comes Palatinus, frater imperatoris. Hi sunt archiepiscopi qui ficerentur : Magdeburgensis et Pamburgensis; sub conditione tamen prænominata. Coloniensis autem et duo suffraganei ejus absolute ficerentur. Filius vero Conradi, qui ad curiam cum mille quingentis militibus venit, ut audivit fieri mentionem de juramento, recessit. Patriarcha Aquileiensis non adfuit, neque aliquis suffraganeorum suorum. Similiter nec Salzburgensis, vel aliquis suorum. Nec Treverensis, vel aliquis suorum. Et multi de principibus non adfuerunt.

XCV.

Richardi archiepiscopi Cantuar. — Accusat abbatem Malmesburiensem, quod se ab obedientia sui episcopi subtraheret. Deinde fuse deplorat quanta mala secuta sint ex exemptionibus abbatum per pontifices Romanos ob episcoporum quorundam tyrannidem induitis.

Sanctissimo Patri et domino ALEXANDRO Dei gratia summo pontifici, R. Ecclesiae Cantuariensis humilis minister, devotissimum subjectionis obsequium.

Sicut eminentiam apostolicæ sedis magistrum omnium ecclesiistarum prostrémur : sic ab ipsa consilia in ambiguis, in angustiis solatia, responsa in judiciis exspectamus. Monasterium Malmesburiense, quod in Sarisberiensi dioecesi situm est, nuper sibi abbatem elegerat : cumque Sarisberiensis episcopus appellasset, atque ex parte vestra constanter inhibuisset electo, ne aliunde, quam a se, munus benedictionis acciperet : ille nihilominus occulite profectus in Wallias ab episcopo Landavensi clandestinam et furtivam benedictionem adeptus sibi

abbatis officium usurpavit. Nos autem, querela episcopi et veritate rei diligentius inquisita, suspendimus Wallensem episcopum et abbatem, donec ad excusationem tanti excessus libertatis aut dignitatis privilegium allegarent.

Partibus itaque in nostra praesentia constitutis, et ecclesiarum privilegiis productis in medium, nihil invenimus, quare Malmesburiense monasterium episcopo Sarisberiensi subesse non debeat, et humiliter obedire; eo solo excepto, quod abbas quasdam exemptionis suæ litteras pretendebat, quæ in filio et bulla videbantur vitirosæ, stylumque Romanæ curia minime redolebant; ideoque et eas falsitatis episcopus arguebat. Abbas testibus nitebatur asserere decessores suos benedictiones a quibus volebant episcopis pro suo libitu citra professionis vinculum suscepisse. Episcopus e contrario multas professiones abbatum Malmesburiensium exhibebat, sibi et prædecessoribus suis factas, quibus sibi abbatis obedientiam et subjectionem monasterii vindicabat. Productis itaque et receptis abbatis testibus, et redactis eorum attestationibus in scripturam, quia secundam productionem postulabat abbas instantius, diem alium præfiximus: in quo, cum rogaremus more nostro quæ pacis sunt: episcopus et paci et judicio humiliiter se offerebat. Abbas vero consilio cujosdam advocati diffugiens ad versuti juris præstigia, nec judicio acquiescere voluit, nec verbum pacis admittere, asserens se de cetero nulli episcopo, vel archiepiscopo, nisi soli summo pontifici super professione vel obedientia respondere: recedensque contumaciter. Viles, inquit, sunt abbates et miseri, qui potestatem episcoporum prorsus non exterminant, cum pro annua auri uncia plenam a sede Romana possint assequi libertatem. Ideo hæc ad aures eminentiae vestræ, reverende Pater, communi deploratione deserimus, quia pestis illa latissime se diffundit. Adversus primates et episcopos intumescent abbates, nec est, qui majoribus suis reverentiam exhibeat et honorem. Evacuatum est obedientiae jugum, in qua erat unica spes salutis, et prævaricationis antique remedium. Detestantur abbates habere suorum excessum correctorem, vagam impunitatis licentiam amplectuntur, claustralisque militiæ jugum relaxant in omnem desiderii libertatem. Hic est, quod monasteriorum fere omnium facultates datae sunt in direptionem et prædam. Nam abbates exterius curam carnis in desideriis agunt, non curantes, dummodo laute exhibentur, et fiat pax in diebus eorum; claustrales vero, tanquam acephali otio vacant et vaniloquio; nec enim præsidem habent, qui eos ad frugem vitæ melioris inclinet. Quod si: umultuosas eorum contentiones audiretis, clausum non multum differre crederetis a foro.

Hæc omnia, reverende Pater, vestra correctionis iudicium postulant tempestivum. Nisi enim huic malo maturius remedium adhibeatur, verendum est, ne sicut abbates ab episcopis, ita episcopi ab

A archiepiscopis et a prælatis suis decani et archidiaconi eximantur. Et quæ est hæc forma justitiae, aut potius juris deformitas, prohibere, ne discipuli magistro consentiant, ne filii obedientiæ patri, ne milites sequantur principem; ne servi domino sint subjecti? Quid est eximere ab episcoporum jurisdictione abbates, nisi contumaciam, ac rebellionem precipere, et armare filios in parentes? videant, quæso, ista, et judicent, qui judicant orbem terræ, ne inde emunare videantur injuræ, unde jura sumuntur. Arguemur temeritatis, et dicemur os nostrum posuisse in coolum, qui non de superbie spiritu, sed de atramentario doloris hæc scribimus; sentimus equidem familiares angustias, qui publicas deploramus: nec fortitudo nostra fortitudo est B lapidis, nec caro nostra ænea est, ut tam enormes injurias dissimulare possimus. Post Uriæ mortem et adulterium Bethsabeæ missus est ad David prophetæ proponens ei paradigma de paupere, qui unicam habebat oviculam, quam abstulit ei dives, qui oves habebat innumeræ. David vero de sententia requisitus, iudicium mortis dictavit in divitem, et per consequentiam in seipsum. Et quis est bodie dives, qui habet oves innumeræ, nisi Romanus pontifex, qui ecclesiæ orbis possidet universas? et quis pauperior, quam Ecclesia Cantuariensis, quæ cum unam et unicam abbatiam haberet, monasterium scilicet S. Augustini, quam sinu providentia pastoralis et paterno fovebat amplexu, eam dives ille propheticus, ne dicam Romanus pontifex, in suam specialem et propriam usurpavit. Si audemus dicere quod sentimus, cum ex officio iustitiae reddatur unicuique quod suum est, non multum Romani pontificis iustitiam promovet, si alieni in alienam injuriam beneficium confert, si quod nœcum est aufert, si ea committit in rebus ecclesiasticis, quæ mundana potestas in sæcularibus abhorret. Apostolus ad Romanos loquens: *Omnis, inquit, creatura potestatiæ sublimioribus subdita sit (Rom. xiii).* Si Ecclesiæ Romanae sic apostolus scribit, quis in Ecclesia Romana doctrinæ apostolicæ contrarie præsumpsit? Ad Hebreos etiam scribens, dicit: *Obedite præpositis vestris (Hebr. xiii).* In humano corpore, membrum unum servire alteri, non detrectat. Quidam angeli aliis præsunt, nec inter se superbiam emancipationis admittunt. Unus eorum quandoque se eximere voluit a potestate divina, et de angelo diabolus factus est. Hodiæ per hujusmodi extraordinarias libertates multorum præcipitia machinantur. Adhuc replicamus, quia de facto summi pontificis disputasse, et sacrilegum commisso dicemur; verumtamen non est æqua disputatio, ubi sustinenti respondere non licet. Ne rixa est, ubi tu pulsas, ego vapulo tantum. Si ex turbatione spiritus et abundantia cordis os loquitur, inconsulto calori misericorditer indulgere velitis, clementissime Pater; dolor enim noster in conspectu vestro est, et gemitus noster non est a vobis absconditus. Utinam in caput meum manum

animadversionis indignatio vestra extenderet, dum modo per opprobria et dolores meos Ecclesia Cantuariensis in antiquæ dignitatis gratiam respiraret. Quandoque per misericordiam Dei cogitabit Romanus pontifex, ut complacitior sit adhuc. Nam si ecclesiam S. Augustini specialem filiam vocat, filia specialior, atque speciosior, et longe est dignior Ecclesia Cantuariensis, cui si monasterium S. Augustini subjiciat, nihil subtrahit, nisi restituens alienum. Nam, teste Gregorio, nihil ecclesiasticis deperit utilitatibus, si quæ sunt aliena reddantur. Scimus equidem quod ob quietem monasteriorum, et episcoporum tyrannidem has exemptiones plerumque Romani pontifices indulserunt; verumtamen in contrarium res versa est. Monasteria enim, quæ hoc beneficium damnatissimæ libertatis, sive apostolica auctoritate, sive, quod frequentius est, bullis adulterinis adepta sunt, plus inquietudinis, plus inobedientiae, plus inopiae incurrerunt: ideoque et multæ domus, quæ nominatissimæ sunt in sanctitate et religione, has immunitates aut nunquam habere voluerunt, aut habitas continuo rejeceverunt. Si ergo Malmesburiensis abbas, qui apud nos reputatur arbor sterilis, fucus fatua, et trunca inutilis, ad vos venerit, vel miserit, vitam et opinionem illius in libra justitie appendat; nec illius admittatis privilegia, donec manifeste liquet ex collatione Scripturae et bullarum, quo tempore, et a quibus Patribus sint inducta. Falsiorum enim præstigiosa malitia ita in episcoporum contumeliam se armavit, ut falsitas in omnium fere monasteriorum exemptione prævaleat, nisi in decisionibus et examinationibus faciendis judex veritatis exactor districtissimus intercedat. Conservet vos Dominus ad servandam debitam ecclesiæ libertatem.

XCVI.

Ejusdem. — Nomen episcoporum in aula regia degentium a columnis tuerit, ac ostendit exemplo veterum, quanto cum fructu regni in ea versentur.

ALEXANDRO Dei gratia summo pontifici, RICHARDUS Cantuariensis Ecclesiæ humilis minister, devotum humilitatis et obedientiae famulatum.

Detractores, *Deo odibiles* (*Rom. 1*), serenitati vestrae de nostris episcopis enormia suggesserunt, asserentes quod venerabiles fratres nostri R. Winton. et G. Elien., atque Joannes Norvicen. episcopi, sequentes odorem munerum, et omnino abjecta sollicitudine pastorali, militiae ne dicam malitiae curialis fluctibus se immorgunt. Dicunt quod iudicia sanguinis exercent; ideoque tanquam viri sanguinum a sacris abstinent, et ad mensam Domini non accedunt. Eapropter succensa est adversus eos indignatio vestra, nobisque poenam indicitis, si excessus hujusmodi canonice non punimus. Inbone-stum siquidem esset, gravique animadversione dignissimum, si esset in hac parte os loquentium iniqua veridicum; sed mentita est iniquitas sibi. Nam, ut excerpamus pauca de multis, Wintoniensi episcopo nullus est afflictis compatiens, nullus in

A oculis suis humilior, nullus in altari devotior, nullus in beneficiis profusior. Unde sicut unguentum effusum est nomen ejus, et elemosynas ejus enarrat omnis ecclesia sanctorum. Eliensis autem, ex quo juxta beneplaciti vestri formam, citra omnem infamiam tamen, et quasi de abundanti suam purgatione canonica innocentiam declaravit, plene et efficaciter implevit episcopum, sanctaque et honesta conversatione mendaces ostendit, qui maculaverunt innoxium. Ipse etiam et episcopus Norvensis, cuius honestatem et prudentiam frequenter, dum ad vos a domino rege mitteretur, diutina conversatione et experientia didicisti, ecclesias suas pauperes invenerunt, sed possessiones earum prudenter et strenue revocantes, et amplissime dilatantes, B ipsas nunc in statum optimum exeruerunt. Non est equidem novum, quod regum consiliis intersint episcopi: sicut enim honestate et sapientia ceteros antecedunt, sic expeditiores et efficaciores reipublicæ administratione censemur. Quia, sicut scriptum est, minus salubriter disponitur regnum, quod non regitur consilio sapientium. Scriptum etiam legit, *vix terra, cuius rex puer est, et cuius principes mane comedunt* (*Eccle. x*). Beata terra est, cuius rex sensatus est, et cuius principes comedunt in tempore suo. In quo notatur, eos consiliis regum debere interesse, qui sciant, et velint, et possint patientibus compati, paci terræ ac populi saluti prospicere, erudire ad justitiam reges, et imminentibus occurrare periculis, vitæque matuorioris exemplis informare subditos, et quedam auctoritate potestativa præsumptionem malignantium cohære. Regnum Hebreorum temporibus Roboam non fuisset divisum, nec recessissent ab eo decem tribus, si prudentiores viros sibi consiliarios elegisset. Cum esset Saul prophetans inter eos qui invocabant nomen Domini; regnum tamen David erexit et firmavit ejus solium institutio Samuelis. Rex Ezechias oppressus a Sennacherib, et quasi in extremis angustiis constitutus per Isaiam civitatis liberationem, et beneficium consolationis obtinuit. Eliseus Acrisiam Syris induxit, et ejus beneficio Samariae obsessores convertuntur in fugam. Joiada sacerdos Joas filium Ochoizæ a facie Athaliae persequens abscondit, quem cum erexit in regem, sanctis eum moribus informavit. Sed Joiada mortuo, cepit Joas a Dei legitimis declinare; quem cum Zacharias argueret, eum lapidibus obruit et contrivit. In quo manifestissime liquet, quam utilis et necessaria sit conversatio et doctrina iustorum his, qui populi regimen acceperunt. Nam temporibus Sedeciae regis, non fuisset exterminatum regnum Iudeorum, nisi adversus Jeremiam, qui publicè consulebat utilitati, prævaluerunt mendacia pseudoprophetarum. Unum noveritis, quia nisi familiares et consiliarii regis essent præfati episcopi, supra dorsum ecclesie fabricarent hodie peccatores, et immaniter ac intollerabiliter opprimeret clerum præsumptio laicalis. Nunc autem, si quid in Eccle-

sæc attentalur injuriam, auctoritate pontificali cor-
ripitur; aut si ad hoc ecclesiastica censura non
sufficit, spiritualis gladii defectus, civili suppletur,
et ad eorum arbitrium principalis animadversio
exercetur. Si quandoque ut fieri solet, aduersus
insontes regis indignatio vehementius excandescit,
episcoporum precibus temperatur. Iстis mediante-
bus mansuescit circa simplices judicarius rigor,
admittitur clamor pauperum, ecclesiarum dignitas
erigitur, relevatur pauperum indigentia, firmatur
in clero libertas, pax in populis, et in monasteriis
quies, justitia libere exercetur, superbìa deprimi-
tur, augetur laicorum devotio, religio sovetur,
dīriguntur judicia, leges acceptantur, decreta Romana
vīm obtinent, et possessiones ecclesiasticas dilatantur.
Istī singulis præcipuis solemnitatibus suis inter-
sunt ecclesiis, ubi eleemosynarum largitione,
consolatione pupillorum et viduarum, subjectorum
correctione, atque aliis sanctitatis operibus plenis-
sime redimunt dies, quos in curia consumpsérunt.
Porro archiepiscopi vel episcopi, qui in curia regis
Siculi conversantur, per septennium aut decennium
a curia non recedunt: nec refert, vivant aut dece-
serint, quantum ad ecclesiasticarum possessionum
custodiam, vel regimen animarum. Ab hac equidem
curialitate nostros quandoque volūimus episcopos
prohibere, sed consiliois et prudentibus viris visa
est expediens eorum coabitatio circa regem; quos
si extraheremus a familiaritate illius, substrahere-
mus quietem monasteriis, oppressis solatium, ec-
clesias libertatem. Unde licet propter incommodita-
tes varias, quas ibi sustinent, desiderio desidera-
rent egredi, publicæ tamen utilitatis obtenui com-
muni fraudrum nostrorum consilio, non solum in hac
vita castrensi tolerare, sed ad eam trahi debuerant
et compelli. Utilitatem quidem Anglicanæ Ecclesiæ,
et malitiam detractorum, qui vobis veritati contra-
ria suggesterunt, velitis, Pater, in libra æquitatis
appendere, et quod super hoc in oculis vestris ac-
ceptum fuerit nostræ parvitati nuntio, vel litteris
velitis intimare. Rei veritatem prius vobis declarari
oportuit, ut ad hujus rei decisionem certius et con-
fidentius procedatis. Nos autem, cum receperimus
vestræ sanctitatis oraculum, apostolicæ iussionis
executores efficaces erimus et devoti. Conservet
vos Deus Ecclesiæ suæ per tempora longa, sanctissi-
me Pater.

XCVII.

Bartholomæi Exoniensis episcopi. — Pro Ricardo,
quondam Pictavensi archidiacono, Wintoniensi
electo.

Domino papæ, Exoniensis episcopus.

Sacrosanta Romana Ecclesia sicut indignos ab
ecclesiarum regimine depellere consuevit, sic ad
sollicitudinem pastoralis officii personas idoneas
evocat, et eis apostolicæ tuitionis impedit gratiam
et munimen. Winton. vero Ecclesia cum ex absen-
tia pastoris multis et magnis periculis subjaceret,
tandem cœlitus ut speratur ei data est consolatio.

A pastore secundum Deum electo, cui justum est a
vobis placet gratiæ vestræ ulteriorem accommodare
favorem. Is est devotissimus filius vester Ric. quon-
dam Pictaven. archid. cuius eleemosynæ consolan-
tur ecclesias sanctorum, cuius facultates sunt ege-
norum subsidia, cuius potestas est firmamentum
justitiae, et iniquitatis exterminatio. Est autem vir
prudens in consiliis, discretus in opere, modestus in
verbo, et qui in habitu et gestu, temperantia nor-
mam sequitur, sic ad Dei cultum, ut ex animi sen-
tentia loquamur, tota mente conversus est, ut non
modo sua omnia sed et se ipsum impendere paratus
sit pro lege Domini. Sic pater credimus, et multis
et certis signis inducti sumus ut quod loquimur
credamus. Convenit in eum libere tota Winton. Ec-
clesia, et canonice facta electione postmodum in
presentia nostra et fratrum nostrorum regius est
ei datus assensus. Quod cum dominis nostris lega-
tis vestris innotuisset, gratum admodum sicut ex
litteris eorum percepimus habuerunt. Et merito
quia non apparebat alias qui tam commode posset
præfatae ecclesiæ ruinas instaurare, qui sedis apo-
stolicæ posset apud nos tam efficaciter solidare vi-
gorem. Supplicamus itaque paternitali vestræ qua-
tenus eum adhibita maturitate promoveri facialis,
ut promotus Ecclesiæ necessitates facilis et felici-
cūs expedire et promovere possit utilitates. Valete.

XCVIII.

Eiusdem. — Pro R. Herefordensi electo.

C ALEXANDRO papæ, BARTHOLOMEUS Exoniensis epi-
scopus.

Membris est vigor a capite, et a sancta Romana
Ecclesia post Deum salus est omnium ecclesiarum.
Domini cardinales legati vestri, decolatis apud nos
compaticentes ecclesiæ, districta præceptione jusse-
runt, ut postposita omni occasione et mora sibi se-
cundum Deum patres eligerent et pastores. Itaque
Herefordensis Ecclesia, quæ diutius luxerat et lan-
guerat pastore proprio viduata, pari voto, unanimi
consensu libere et secundum instituta sacrorum
canonum elegit venerabilem virum R. archid. Oxe-
nford. eccleia sue canonicum tam morum quam
litterarum honestate conspicuum, natalibus nobis-
tum, habentem utriusque juris peritiam, qui domui
sua præesse novit, et Ecclesiæ Dei sollicitudinem
gerere, gratiosum et boni testimonii apud omnes.
Electio ejus in presentia nostra et fratrum no-
strorum, qui omnes in facto isto letati et roborati
sunt, regius est datus assensus, et omnium qui au-
dierunt favor accessit. Pietatis itaque vestræ geni-
bus provoluti supplicamus attentius, quatenus cum
faciat maturius promoveri ad expediendas tam
sue quam aliarum ecclesiarum necessitates. Valete.

XCIX.

Eiusdem. — Pro Ricardo Cantuariensi electo.

Excellentissime domino et Patri charissimo A.
Dei gratia summo pontifici, B. Exoniensis episco-
pus, salutem.

Apostolatui vestro pluribus ex causis Anglicana

solito magis congratulatnr Ecclesia, sed alias ad A conciliandam omnium gratiam antecedit quod gloriosum Christi martyrem sanctorum catalogo præcepistis ascribi, et legatorum vestrorum industria desolatis ecclesiis spes vestræ consolationis illuxit, ut ad plenam libertatem confidentius audeant aspirare. Inter quas mater nostra sancta Cant. Ecclesia, quæ tot et tantorum martyrum sanguine laureatur, et se ab initio pro justitia, pro libertate Ecclesiæ, pro sedis apostolicæ fidelitate periculis semper exposuit : tandem post labores, post damna, post calamitates innumeræ quas referre superfluum est, cum totus eas Christianus orbis agnoverit, meritis ejus divina respondente clementia videatur ad finem naufragii pervenisse : nuper enim cum et hi qui in prima sede degunt, et suffraganei provinciæ, et omnes ad quos pertinebat electio, convenissent præeunte desiderio et prece populi unanimi consensu tota Ecclesia libere et secundum institutionem saecorum canonum sibi in patrem et pastorem elegit virum, cui vita ad conscientiam et exemplum, literarum eruditio ad formam vitae, et ad doctrinam facundia suffragatur. Ricard. videlicet Cantuariensis Ecclesiæ monachum prioren monasterii Dovenensis, cuius sollicitudinem a multis annis tam laudabiliter gessit, et athletæ Christi proscripto, et pro libertate Ecclesiæ agonizanti in necessitate fidem exhibuit, ut nunc dignus habeatur ejus successione. Impetrato itaque regis assensu ad metropolitanam sedem provinciales episcopi de more convenerunt, C ut ex officio suo munus consecrationis quam necessitas exigebat explerent. Sed quia hostis antiquus profectui invidet animarum, eo ut multis visum est machinante ex insperato litteræ regis junioris concepte nomine, in medium prodierunt, quibus protestabatur se ad vestram audientiam appellasse adversus electiones quæ suum non habuerunt assensum. Et licet litteræ ex variis causis, quas renuntiare longum est, suspectæ videtur, et plurimorum esset sententia eas consecrationi debitæ præsertim in tanta necessitate non debere generare dispendium, tamen majestati vestræ censuit Ecclesia deferendum, sperans indubitanter quod tanto apud apostolicam sedem maiorem inveniet gratiam, quanto ei plus honoris et reverentiae etiam cum discriminatione suo in tam evidenti necessitate studuit humiliter exhibere. Quia ergo desolationem Ecclesiæ prætendere idem est ac si ipsius ruina et ceterarum perpetua desolatio procuretur, pietatis vestræ pedibus provoluti supplicamus ostentius, quatinus nos et Anglicanam Ecclesiam cœlitus (ut spes est) electio pastore gaudere faciat, et sancto Thomæ substitutatis virum, quem in angustiis suis fidem experitus est. Moveant vos, Pater, Ecclesiæ laborantis angustiæ, aliorum moveant preces, moveat gloriissimi martyris reverentia, quem orare considimus, ut ei in sancta Cantuariensi Ecclesia successor idoneus subrogetur.

C.
Prioris et conventus Ecclesiæ Cantuariensis. — Pro R. Wintoniensi electo.

Domino papæ, prior Cantuariensis et conventus.

Eos vobis securius commendamus, quos sincerius diligimus, et quos ad sanctam Romanam Ecclesiam sinceriorem credimus habere charitatem. Horum unus et in primis fere primus est pater pauperum et moerentium consolator, protector noster in angustiis, venerabilis frater noster R. Wintoniensis electus quem ac hoc, ut fidelium spes est, ad ecclesiæ suæ regimen Christus elegit, ut adversaris ejus e regione possit ascendere et se murum opponere pro domo Israel, et potenter conterere justitiae inimicos, et justis debitum conferre subsidium, majestantis itaque vestræ pedibus provoluti quotquot sumus attentius supplicamus, quatenus eum ad expediendas proprieæ ecclesiæ necessitates et aliorum consolationem faciat, maturitate adhibita promoveri et ut precibus ejus quas non nisi in Domino facturus est gratiæ vestræ favor accedat. Valete.

Cl.

Odonis prioris et conventus Ecclesiæ Cantuariensis.— Pro R. electo Cantuar.

Domino papæ, Obo prior et conventus Cant.

Calamitates quas Ecclesia nostra pleno decennio jam sustinuit, apostolicæ sedi non possunt esse incognitæ, quia eas totus Christianus orbis agnovit. Si causa queritur, justitia se ostendit, appareat libertas Ecclesiæ, reverentia sedis apostolicæ, cuius auctoritas evacuabatur in partibus nostris, se esse protestatur, pro qua et gloriiosus martyr Christi occubuit : pro qua fratres et alumni ecclesiæ proscripti diutius exsulare coacti sunt, et habitu sicut oves occisionis, spectaculum facti sumus et Deo et hominibus et angelis, et persecutorum Christi canticum tota die. Attestatur hic effusus apud nos martyrum sanguis, sed is præcipue qui de terra clamans ad Deum fidelium devotione defertur in universum orbem. Sed benedictus Deus, benedictus apostolatus vester qui nos consolatus est dominorum cardinalium gratia Dei cooperante industria, in tribulatione nostra, ut post angustias tanti naufragii ad debitæ libertatis portum accessisse videatur ecclesia, ut abominationes Ægyptiorum Deo suo secure valeat immolare. Nuper enim emanavit ab eis mandatum de celebrandis electionibus in regno, et dominus rex eorum precibus acquiescens idoneos in ecclesiis secundum Deum pastores præcepit ordinari. Universi lætati sunt, sed nos omni jure præ ceteris, qui in majori discrimine versabamur. Convenimus ergo sèpius accitis episopis provincialibus, et aliis ad quos electio pertinebat, et tandem Deo dirigente gressus nostros in beneplacito suo factum est omnibus cor unum et anima una : quod sine nutu divino non potuit accidisse, ut tam dissonæ voluntates in adimplenda sacrorum canonum forma tam facile unirentur. Præeunte ergo desiderio et prece populi, pari voto, unanimi consensu convenimus in virum,

de quo Dominus videtur dixisse, nobis : *Hic est Filius meus dilectus in quo mihi bene complacui, ipsum eligite* (*Math. xvii*), quoniam me cum martyre meo, quem ipse pro me patientem in veritate dilexit, devote coluit; et in domo mea ab ineunte ætate fideliter conversatus est, preelegi vicarium, et ordinari præcipio successorem,

Is est R. ecclesie nostræ ab adolescentia sua monachus, et apud nos ad omnes promotus ordines, prior monasterii Dovorensis, morum honestate et litterarum eruditione conspicuus, modestus in verbo, providus in consiliis, discretus in opere, in habitu et gestu veram temperati animi exprimens formam. Decentissime sacerdotis explet officium, zelus Christi successor est in corde ejus, manum suam libenter aperit inopi, liberalitatem gaudenter exercet, et exteriorum sollicititudinem laudabiliter administrat. Quid mirum ergo si in tantum et talem virum universi libentissime convenerunt, qui etiam rapiendus fuerat, si aliter haberi non posset? Cum ergo libere et secundum institutionem sacrorum canonum suis-
set electio ejus celebrata, regius, ut mos est, ac-
cessit assensus: eligentes prosecutus est plenus favore clamor, et debita laude Dei tota cupit ecclesie resultare. Ad metropolitanam sedem cum electo provinciales episcopi et aliarum ecclesiarum electi pariter accesserunt; pro ritu gentis et majorum consuetudine solenniter inthronizatus est. Grata Deo, et ab hominibus desiderata ipsius instabat consecratio, cum ecce ex improviso litteræ regis junioris nomen præferentes prolatæ sunt, quibus protestabatur se appellasse adversus electiones quæ sum non haberent assensum. Litteræ quidem ex variis causis et probabilitibus signis arguebantur suspectæ, eisque fidem non esse habendam erat sententia plurimorum, præsertim in tanto discri-
mine, ubi libertas potuit periclitari et animarum salus, et Ecclesie protelari desolatio, et rerum ja-
ctura irreparabilis. Causas enumerare longum est, sed utique pro rege illo præsumi debuerat, quod

A cum periculo suo et temporali æmulatorum compen-
dio nollet ecclesiam diutius captivari. Sed licet præ-
fata litteræ sapientioribus non magni viderentur
esse momenti, de humilitate tamen et devotione
ipsius electi processit, et de fidelitate quam patres
et majores nostros ad Ecclesiam Romanam semper
habuisse recolimus, et de paucorum consilio ut pro
reverentia noninis vestri consecratio differretur.
Speramus enim indubitanter quod tanto majorem
inveniet in oculis clementiae vestræ necessitas ec-
clesiæ nostræ gratiam, quanto majorem etiam cum
irreparabili dispendio nostro vobis honorem vide-
bitis esse exhibitum. Scitis, Pater, quia nos supra
modum oppressit dira et diurna calamitas. Vide-
tis quam tristia fuerint, quam periculosa sint, et
quanto periculosiora, ut timerit, imminet tempora.
Occurrit irreparabilis, quam Deus avertat, desola-
tio, recidivam veremur tempestatem, grandisque
necessitas solatium desiderat festinatum.

Pietatis itaque vestræ pedibus provoluti supplica-
mus attentius, et tota nobiscum supplicat Ecclesia
Anglicana, quatinus provisum a Deo nobis pasto-
rem data plenitudine potestatis, prout sanctitas ve-
stra melius viderit expedire, auctoritate apostolica
adversus eos qui ruinas ecclesiarum perpetuare
machinantur, roborare dignetur, ut prædecessorum
suorum apostolico munimine fretus secundum quod
ei Deus inspiraverit, vestigia valeat imitari. Sup-
plicamus, inquam, nos, Ecclesia supplicat, suppli-
cant et patroni ecclesiæ nostræ glorioi martyres et
confessores, et consona voce omnium sanctus Thom-
mas iterat et multiplicat preces. Donec sacratissi-
mum cor vestrum verbum bonum, verbum consolatori-
um nobis eructet, squalida lugebit sponsa
Christi, nec est qui eam consolari valeat, donec anti-
stitem suum recipiat in plenitudine potestatis.
Quia pedes vestros nequimus, ut volumus, lacrymis
rigabimus genas nostras, nec erit eis requies quad-
usque eas Deo miserante abstergat dextera clemen-
tia vestræ.

ORDO RERUM QUÆ IN HOC TOMO CONTINENTUR.

ALEXANDER III PONTIFEX ROMANUS.

| | |
|--|----|
| Notitia historica. | 9 |
| VITA ALEXANDRI III PAPÆ , auctore cardinali de Aragona. | 11 |
| Capitula promulgata in concilio Turonensi. | 23 |
| De pessima morte Guidonis Cremonensis et consimili substitutione Joannis Strumeni. | 33 |
| De intersectione beati Thomæ Cantuariensis archiepiscopi. | 37 |
| Juramentum innocentiae H. regis Anglorum de morte beati Thomæ. | 58 |
| De guerra inter regem Anglorum et ejus filium post mortem beati Thomæ. | 39 |

| | |
|---|----|
| De quinta reversione Friderici imperatoris in Lombardiam. | 59 |
| Quomodo Lombardi Alexandrinis subvenerunt. | 40 |
| Quomodo Fredericus imperator a Romana Ecclesia per seipsum pacem simulate quæsivit. | 42 |
| De constitutione episcopatus Alexandriae, et de privatione crucis et pallii Ecclesiae Papensis. | 44 |
| De Campali bello inter Fredericum regem et Lombardos et de opere Lombardorum Victoria. | 45 |
| De secundo pacis tractatu inter dominum Alexandrum papam et Fridericum imperatorem. | 46 |
| De maxima cæde Christianorum a paganis facta in Oriente. | 48 |